



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.50/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.50/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.50/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.50/a

41

EXERCITATIONVM

THEODORI ANGELVTII

CVM FRANCISCO PATRITIO.

Liber Primus.

In quo de Metaphysicorum Authore, appellatione,
& dispositione disputatur.

*Et quòd Metaphysica sint eadem quæ Physica
iterum. assertitur.*

CVM PRIVILEGIO.



VENETIIS, Apud Franciscum Zilettum.

M D L X X X V.

EXERCITATIONVM

THEODORI ANGELVTII


CVM FRANCISCO PATRITIO

Liber Primus.

In quo de Metaphysicorum Auctoritate, appellatione
& dispositione disputatur.

Et quod Metaphysica sit scientia per se
certum ostenditur.

CVM PRIVILEGIO



VENETIIS, Apud Franciscum Ziletti.

M. D. C. L. X. X. V.



MELCHIORI GVILANDINO
VIRO OMNI DOCTRINAE
genere ornatissimo.

Theodorus Angelutius. S. D.



PROXIMIS idibus Augusti redditus est
mihi Francisci Patritij nomine libellus
quidam cum hoc titulo FRANCISCI
PATRITII APOLOGIA CON-
TRA CALVMNIAS THEODORI
ANGELVTII, eiusq; nouae sententiae,
quod Metaphysica sint eadem qua Physica
euerfio: quem postquam iterum, atque ite-
rum legissem, nihil minus comperi, quam
ab illo me aut calumniarum, aut falsae sententiae nomine vere, & cum
ratione reprehendi. Conuictis plurimis & me & Aristotelem ipsum,
& Theologos, qui Vulgo Scholastici appellantur, & omnes, qui Peri-
pateticam doctrinam in gymnasiis ab Auerroe ad haec vsque tempora
professi sunt, impeti ab aduersario & lacessiri animaduerti, & quidem
talibus, vt honestis viris honos nullus sit ea nisi cum nausea, & sto-
macho legere; at veritatem, siue historica, de quibus magnopere ta-
men gloriatur, siue philosophica spectauerim, nullam propemodum in
ea tota opella inuenire potui; quare me potissimum impulit ob amo-
rem studiosos modo quolibet inuandi, & ob veritatis, qua nihil Philoso-
pho debet esse antiquius eximiam charitatem, vt de respondendo co-
gitarem; ita tamen vt maledicta pro maledictis non referrem; (neque
enim, vt Aristoteles, & Epictetus aiunt, laedere quemquam aliquis
quantumuis iniuriosus nisi ipse seipsum potest) sed in id solum flude-
rem, operamq; omnem meam ponerem, vt aduersarij errores, fucos,

4 2 laruas

laruas, & contradictiones detegerem ex summa inscitia profectas, ac specie solum quadam, & infantia orationis coloratas; ne iuvenes, qui minus cauti esse solent improvidè in Scyllæam rabiem impingerent; quæ is magnopere furens Peripateticis omnibus & ipsi Peripateticorum Principi Aristoteli intentare præsentem mortem videtur, non ob aliam ut puto causam, nisi ut (quæ est hominis dementia) aliorum fama & existimatione imminuta.

Secum honor, & laudes, & leto gloria vultu.

Et decus, & niveis victoria concolor alis,

Se cinctus lauro perducatur ad astra triumphus:

Neque verò mihi dubium est ambitiosum hunc Thrasonem iamdiu Herculem aliquem de peripato expectasse, qui secum congregaretur, pro Aristotelisq; & communi Gymnastiorum dignitate decertaret; impotenterq; tulisse neminem ex nobiliori ordine illum tanto honore dignari voluisse; sed tantisper nostræ sectæ procures cunctatos esse, dum ego Troilus tanto congregeder Achilli grammatistes grammatico, literatorq; literato, quo neque vincens, neque victum gloriæ fructum aliquem hoc Mundi Cymbalum se posse consequi speraret; atque illud anili studio celerare in re maxime concupita cum risu intuerentur. Non tamen mihi quamquam Peripateticorum infimo, & capite tantum censo ab huiusmodi hoste magnopere timendum puto, quem seu prorsa, seu versa contentionis oratione utatur; utroque modo à me superatum iri confido; si disputationis momenta non ex iurgiis, probris, & contumelijs, sed ex veritate æstimentur; quoniam neque solida eruditionis, neque ingeniosa subtilitatis quicquam habet, quo mihi pugnando negotij multum faceßat; non multis itaque vigiljs, non anxio conatu, non sollicita lectione ad respondendum opus habui; horarumque numerus si subducatur in hoc qualecumque est opus insumptarum, quatuor integros dies nequaquam confecerint: suffulcit ille se, & quidem occupatissima uanitate testimonio solum aliquo rancidæ vetustatis, eoq; aut non integro, aut non bene intellecto, aut praeuorto, quasi ego, & illi qui nunc Peripatetici dicuntur, poetæ illi.

Similes simus, cuius sunt ij versus

Prisca inuent alios, ego nunc me denique natum

Gratulor, hæc ætas moribus apta meis.

Solusq; Patritius in antiquitatis viscera inspexerit, cui tamquam illius oraculo cuncti obuijs manibus in re quauis dubia porrigere habebam

63

bam debeant; quod iniustissimum, & iniquissimum esse cum ex alijs
 multis nostra tempestate doctissimis viris, tum maxime ex te diluci-
 dum esse potest; qui cum vetustatis vniuersa volumina, fragmentaq;
 diutissime versaueris; indeq; reconditam de antiquorum Philosopho-
 rum placitis cognitionem hauseris, non tamen recentiorum temporum
 Philosophos negligis; neque aliquem, quia antiquior fuerit Aristoteli
 in doctrina praefers; Latinosq; Peripateticos sic cum Graecis, & Arabibus
 coniungis, vt ex omnibus omnia accepisse, & potiora selegisse videaris:
 viuos autem, & pellucidos Aristotelis latices sic diluto Platonis ne-
 ctare misces, vt de rerum diuinarum cognitione eque vt de illarum, quae
 sub generatione, & corruptione fluitant iure merito gloriari possis; ob
 id auditores, quos frequentissimos semper habes de gloriosis illis virida-
 rij tui aggeribus nunc incredibili exemplorum facilitate, & lenissima
 orationis suauitate doces, nunc opulentia & varietate opinionum oble-
 eta, nunc subtilissimis inuentis, & argumentis in stuporem allicis; ac ijs
 denique ab ore tuo tamquam ab Hercule quodam Celtico pendentibus
 omnem de te admirationem exhibes; ita vt seu publice, seu priuatim
 differentem, seu de rebus humanis iucundissime loquentem audiant; &
 singularem eruditionem, & honestissimos mores & gratissima consue-
 tudinis modos cum primis suspiciant; teq; virum iudicent sic honeste
 natum, vt satum Apolline, sic ingenue educatum, vt a Gratys altum.
 Sic docte eruditum vt alumnum Iouis & dicant, & praedicent. Tu igitur
 pra reliquis rectissimus iuxta, & aequissimus index esse poteris in
 rebus mihi cum Francisco Patritio controuersis; quemadmodum tibi
 vni tamquam & Peripateticorum, & literatorum omnium coryptheo
 pro Aristotele, & Peripateticis susceptae defensiones debebantur, quia
 communis mihi & cum Aristotele, & tecum, & cum Peripateticis alijs
 ab isto Patritio est illata iniuria, quod ne alienae gratiae aucupandae cau-
 sa a me fictum videri possit ipsissima eius verba adducam. Et primo
 „ ea, quae sunt in posteriori parte tertiae paginae. quod si vos Peripateti-
 „ ci non conceditis, nec fatemini, nihil mirum; pugna enim, & con-
 „ tentiosum, & cauillosum hominum genus estis; & qui vos inter vos
 „ ipsos de quauis vel minima recula, vel verbulo discordes incessanter
 „ depugnatis, ac etiam iurgatis, & indefinens bellum cietis; idq;
 „ euenit (modestos non admodum sanè multos, qui & se aliquid ne-
 „ scire posse credunt, & alios aliquid scire posse concedunt, excipio)
 „ quia fastosum, & inflatum, & omnia sibi quae in caelo, quae in ter-
 ra

„ ra sunt arrogans genus estis; ut qui nedum eos, qui Aristotelem non
„ admirantur, nihil prorsus scire posse putatis; sed inter vos ipsos ne-
„ mosit vel minimus de plebe, qui vel maximo de vestro grege Sena-
„ tori ne latum quidem unguem concedat: si Aristoteles in gymna-
„ siorum sedibus sedet pro tribunali, eorum gymnasiolorum veteres le-
„ ges, & instituta in causa sunt, non autem Aristotelica doctrina vel
„ magnitudo, vel copia, vel certitudo; in qua iam præ vestris quæstionibus
„ infinitis, & perpetuis contentionibus, ac rixis nihil certi, aut firmi sta-
„ tui potest; in qua, tam paucis libris, qui in Academijs ex earum le-
„ ge præleguntur, logici scilicet ordinis, aliquorum partes non integra, ac
„ Metaphysici, & Physici, de cælo, de generatione, de meteoris, ac
„ de anima, aliquot uti vocatis textus, nulla Philosophiæ copia, nulla
„ resolutio certa apparent; ex quibus tam pauculis, ac tanta eorum,
„ ac perpetua dubietate, & contentione, & etiam in utramque par-
„ tem disputatione ecquid magni, ecquid certi, ac scientifici scire po-
„ testis? quando ne eos quidem, quorum pauculas particulas multo-
„ rum annorum circuitu in scholis publicè declamatis, totos perlegerint
„ ij, qui per triginta, aut amplius annos doctores aliorum sunt constitu-
„ ti: mutate statuta gymnasiolorum, de sedibus, ac dignitate eijciemini;
„ Statutorum ergo id beneficium est non Aristotelicæ doctrina, quod re-
„ gnatis. In priori parte sextæ paginæ hæc apud eiusdem Patritij con-
„ tra me Apologiam subsequuntur. In Aristotelis scientia nihil est
„ solidum, nihil firmum, nihil certum, nihil non sexcentis dubitationi-
„ bus agitatam: ne Pyrronia quidem secta illa in tanto incertitudinis
„ salo iactata est, in quanto post Auerrois hæc Aristotelica & iactata
„ fuit, & etiam nunc est, ac forte erit in posterum; in tantum contentio-
„ num, ac rixarum studium Peripatetici hi exarserunt, ut tamquam
„ pro aris & focis pertinacissime, maxime cauillofis concertationibus
„ depugnaverint; quod sanè Græci, Hebrei, & Arabes, minime fecerunt,
„ sed sincerius sunt in Aristotele versati latini nominis barbari, soli hoc
„ nugosarum quæstionum pelagus concitarunt: Scholasticos verò lati-
„ ni nominis Peripateticos sic nominatim insectatur posteriori parte ter-
„ tiæ paginæ. Theologos nostros veteres catholica nostræ fidei columina
„ recentiores isti planos vacitant, eò quod non sint ad normam scholasti-
„ corum argumentosi, & eristici. ac parte posteriore paginæ 18. rursus
„ sic. in tempore quod ab Auerrois ad nos, defluxit innumeri sanè fue-
„ runt scholastici scriptores, quos ego neque Aristotelicos, quia eius scri-
pta

Errata Typographica insigniora sic corriguntur.

Primus numerus indicat paginam, secundus lineam: a, significat anteriorem. b, posteriorem partem paginae.

pag.	lin.	Errata	Sic corrigito	pag.	lin.	Errata	Sic corrigito.
2	b 4	Crifticum	Eristicum	17	a 35	oculationib.	oculationib.
	9	longinquitatem.	longinquitate.	18	a 10	perum	parum
	39	calamitatem	calamitate		17	demo	nemo
3	b 2	Coclium.	Cœlium.	19	a 1	aperfit	asperfit
	4	istius etiam	istius culpā etiam		41	fortitur	fortiter
5	a 16	tingo.	ringo.		41	pro me	per me
	b 2	uoluisse	noluisse		34	quod inueni	quod non inueni
	2	scriptos	scirpos	21	b 13	effectam	effcetam
6	a 22	contraucit	contradicit	24	b 27	eundem	eudem
	b 8	Aristoteli	Aristotelis	25	b 13	excedit	excidit
	15	cum	eum		25	lege	legere
	37	veru	vero		30	quosquis	quosuis
	38	offensa	offusa	26	a 8	conquestus	conquestos
	38	appleta	oppleta		37	docet	docet
7	a 8	Apilliconti	Apelliconti		b 39	defectionis	defectiones
	b 3	hominibus	omnibus		39	propterea ip	propterea q
	14	traditionem	traditione		sa	ipfa	ipfa
	31	idiomam	idioma	27	b 4	ineptiores	ineptior es
	36	Iambrycho	Iamblycho		4	eis	eius
	42	matribus	manibus		22	criftice	eriftice
8	a 18	meas	notas	28	a 37	ne	ue
	b 26	eruditione iu	eruditione		b 7	umen	lumen
		dicare	non posse iu dicare		12	aufert	aufert
9	a 18	nostris	nostrī	29	a 26	refpiscāt in	refpiscāt in
	b 2	annonæ	an nouæ		in signem	signem	
10	a 21	cum	eum		25	qui re	qua re
	b 27	stromb.	stromatum	30	a 13	scriptas	seipfas
12	a 43	quantum est	quantū quan tum est	32	a 6	cuius	cuiuis
	b 19	& ægrum	est ægrum		10	error que	error quem
13	a 2	fatebre	farebere		rum	cum	
	b 43	inuenire	inueniri		10	coniunctam	coniuncta
15	a 22	Syllabanus	Syltabarius	33	a 20	naturali	naturalis
					20	esset	est
					30	genera	genus
				36	a 3	respondens	respondes

LIBRI PRIMI
EXERCITATIONVM
THEODORI ANGELVTII
CVM FRANCISCO PATRITIO.

Sectio Prima, & Exercitatio Prima.



CITVM est illud in Peripato parentibus, & præceptoribus tantum nos debere, quantum persolvere possibile non sit; ob id nullos extare Peripateticos puto, animo præsertim ingenio, & liberali, qui Aristotelem summis amoribus, & studijs non prosequantur; tamquam de se, totoq; humano genere optime meritum: quidem potentius, & ad incertum accommodatius sapientiæ stimulis, quam constat plenissime illum tradidisse, ac posteris velut rem sacram reliquisse: at natura comparatum est, ut in illos vehementissime commoveamur, quos in amores, & delicias nostras capitali odio suffusos novimus: Cum igitur tomos quosdam tuos discussionum Peripateticarum Francisci Patritii legissem, in quibus Aristotelem passim laceras, & indignissimis contumelijs oneras; non potui fateor pro mea in præceptorem reuerentia, & observantia tibi hoc est lemuribus, & bustuarijs imaginibus tuis non gravissime succensere: Propterea cum de edendo libro quodam meo cogitarem, cuius argumentum erat, disquisitio de instituto Aristotelis in libris Metaphysicorum; necessariaq; occasio videretur te tantum nepam nominandi, quia solus inter homines natos, eos libros Aristotelis esse, & sic ab Aristotele iunctos, atq; inscriptos fuisse, & de re una aliqua tractare pessime, & audacissime fuisses inficiatus, non potui secus, quin stomacho aliquo, & honesta indignatione te interdum appellarem; iureq; eodem in te vterer, quo tu in Aristotelem usus fueras; non doctrinam modo, sed mores quoque illius acerrime reprehendens; non paginas omnes coaceruare mens est, maledictorum in Aristotelem frequentia cœnoscas, sed aliquas, ut tantum ostendam, me non contra ius, & fas fecisse, neq; improbum hominem fuisse, quia in doctrinæ tuæ vitia inuectus fuerim; tu vere improbus, qui in ijs quoq; scriptorum tuorum procacitate me es insectatus, quæ ad doctrinæ mores non
A pertinent:

Exercitationum

pertinent: ac ne mentiri videar, ipsissima verba tua in Aristotelem huc
 transcripta recitabo. In initio primi libri tertij tomi discussionū tuarum
 ita de Aristotele scribis: Concordiam Aristotelis cum veteribus philoso-
 phis in omni philosophiæ parte antecedentis tomi libris octo prosequuti
 sumus, vti nobis persuademus non negligentissime; præsentī uero libris
 septem alijs discordiam eiusdem cum ijsdem eodem certe labore, vti nam
 eodem etiam effectu prosequi in animo est; quam enim discordiam osten-
 surum me sperem inter virum hunc, ac præceptorem Platonem? quos Por-
 phyrius septem libris, quos Simplicius, Boethius, Picus, Vimeratus uiri
 magni concordēs esse omnino, & assenerunt, & etiam perscripserunt;
 aut in mente perscribere habuerunt? quorum nullius tamen scripta ad
 posteros peruenerunt; quibus si fortuna pepercisset, vitæque ea donasset;
 aut eos concordēs esse constaret aperte, aut labore hoc, aut errore me li-
 beraissent: sum enim in hac sententia hosce viros vel non potuisse promif-
 sis stare, vel Aristotelem aliud cogitasse, aliud scripsisse; aut me nunquam
 quicquam ulla in re intellexisse; potuisse quidem illos, & summa ingenij
 vi, & summa doctrina quibus excelluerunt, eandem hanc, quam nos hac
 ingenij exilitate, & ruditate longe melius, yberius, clarius, ornatius con-
 cordiam præstare; sed nullam discordiam inter eos duos maximos philo-
 sophos, nulla in re Aristotelem à Platone dissentire voluisse; id uero eos
 præstare non potuisse arbitror; quibus enim argumentis, aut collationibus
 id effici posse credam, si uideam Aristotelem non tam dogmata sua explica-
 re, quam philosophorum omnium veterum dogmata profigare in pro-
 posito habuisse? qui eos, à quibus dogmatum suorum omnium latices
 hausisset, acerrimo quodam odio persecutus esse videatur? quos plusquā
 CCL. locis nominatim carpsit? sine nomine uero plusquam mille? anti-
 quiores, suiq; temporis philosophos, atque alios authores nobiles repre-
 hendit plusquam 46. præter eos, quos Rhetoricis, & Poeticis libris refel-
 lit Thaletā, Anaximandrum, Anaximenem, Anaxagoram, Hermotinum,
 Diogenem, Xenophanem, Parmenidem, Zenonem, Melissum, Empedo-
 clem, Heraclitum, Leucippum, Democritum, Protagoram, Gorgiam, Leo-
 phanem, Antiphontem, Xuthum, Patronem, Lycophronem, Alemæonē,
 Hippasum, Hipponem Critiam, Syenetim, Polybum, Hyppocratem Chiū,
 Eudoxum, Aristippum, Epicharmum, Cratylum, Eurytum, Speusippum,
 Homerum, Hesiodum, Euripidem, Sophoclem, Isocratem, Herodotum,
 Herodorum, Ctesiam, Pythagoram, integrasq; sectas, Pythagoreos, An-
 tisthepios, Megaricos, Socratem, & plusquam alium quemquam Platonē
 præceptorem, quem LX. & forte amplius locis nominatim est insectatus;
 sic enim placuit homini isti, omnium vti Aelianus tradit irrifori immerito
 vexare venerabilem illum senem, cuius doctrinæ uberrimis lactibus im-
 pinguatus fuerat, e schola eijcere, & procacibus scriptis in omnem æter-
 nitatem damnare: primi apud Græcos Xenophontes, ac Parmenides alio-
 rum opiniones refutare sunt aggressi, Plato Sophistas omnes, philoso-
 phum neminem præter duos Anaxagoram, atque Heraclitum arguit; Ari-
 stoteles

Sectio Prima.

2

„stoteles (in hoc quoque aduersarius Platoni) philosophos omnes, sopher-
 „stam neminem, præter duos Protagoram, ac Gorgiam non solum arguit,
 „sed iurgiis etiam acerrimis incescit. Hæc tu eo loco: libro quarto eiusdem
 „tertij tomi de eodem Aristotele sic scribis; Sumpsisse Aristotelem vniuersę
 „sua philosophiæ summa omnia capita à priscis philosophis octo antece-
 „dentis tomi libris, late, luculenterque, vt nobis persuademus, demonstra-
 „tum est. inter quæ à Platone præceptore multa exscripsisse ostendimus; præ-
 „cedentibus duobus huiusce tomi libris quàm falsò à quibus dogmata non
 „pauca sumpserat inuectus sit, palam factum est; nunc maius nobis opus,
 „maior moles pro Platone superest, ac maior nobis pro eo labor exant lan-
 „dus est: quem venerabilẽ virum discipulus iste multo sapius, acrius, acer-
 „bius quàm antiquorum quemquam vexauit, exagitauit, sycophantamquẽ
 „in eum egit: tantum potuit in eo Xenocratis ab illo sibi in schola Prælati
 „indignatio; vt non vereretur ea in doctorem suum scriptis mandare, quæ
 „statim lecta, & cum illius scriptis collata manifestæ falsitatis eum coargue-
 „re possent; quòd ne se viuò fieret, vitans libros ferè omnes suppressos te-
 „nuit, quia viuerent multi sancti illius senis & auditores, & amatores, qui
 „possent sycophantias illas & detegere, & etiam conuincere. In fine libri
 „septimi eiusdem tomi. Itaq; duo, inquis, maxime miror, alterum est Ari-
 „stotelem tam grauem philosophum, qui veritatem potiore[m] amicis, po-
 „tiores sui ipsius scriptis habere profiteatur, falsas manifesto, ac futes re-
 „prehensiones ubique in Platonem inuexisse, cuius si interissent libri, vt
 „cæterorum veterum, quos carpsit, Aristotelis indubia veritas haberetur;
 „alterum quòd inter tot millia philosophorum Platoniorum, Aristotelico-
 „rumque nemo sit inuentus qui harum obiectionum veritatem de Aristote-
 „le exquireret; nobisq; post mille, ac octingentos annos vt primi in hac
 „arena essemus locum reliquerunt. Mitto locos alios plurimos, in quibus
 „Aristotelem aut immemorem, aut malitiosum, aut inanis gloriæ cupidissi-
 „mum, aut calumniatorem vocas. mitto etiam inanem illam tuam diligen-
 „tiam authoritates vndecunque illorum accumulandi, qui Aristotelem aut
 „ebriosum, aut adulatorem, aut avarum, aut loquacem, aut fastuosum,
 „aut ingratum, aut etiam si dijs placet pediconem scripserunt fuisse; quasi
 „hæc intelligere magnopere profuturum esset Zaccariæ illi tuo ad Aristote-
 „lis doctrinam bene, & scite capessendam; nullis ego te similibus titulis
 „appellauì, non sycophantam, non futes, non contumeliosum, non fal-
 „laciem, non derisorem nominaui, sicut tu passim Aristotelem; sed mode-
 „rator in te, quàm tu in illum fui. quoniam sic didici, sic à maioribus hausi
 „modestiam philosophum decere, sine qua nequicquam omnes pro reli-
 „geraria suscepti labores..

A 2

Exerci

Exercitationum
Exercitatio II.



Ad illud, quod scribis tibi amicos tuos de me rescripsisse hominem me esse audacem, impudentem, effrontem, contentiosum, qui me omnia scire putem, omnibus contradicam, sophistam, & criticum; quid respondeam aliud, nisi & te, & illos improbos esse? illos, quod falsa scripserint, & parum modesti fuerint, ne quid peius in illos dicam, quod vel inde constat; quia cum paucissimos menses, & fortasse etiam dies mea consuetudine vfi fuerint; illa de me per literas arroganter tibi renunciauerunt; quæ honesti, & intelligentes uiri uix temporis longinquitatem se de aliquo sperarent scire potuisse; de mei similibus maxime, qui non in foro, & triuijs sæpe uersor, sed unius, aut alterius contentus amicitia in priuatis colloquijs, & solitarijs de ambulatiunculis oblectamenta post meorum studiorum labores quæro; ipse quàm ego sim audax, impudens, & criticus vide; qui me semel in amicitiam receperunt, nunquam deinde exclusèrunt. Eos vicissim non memini loco ullo me desèruisse; nulli mihi de literis sermones vel Latine, vel Italice, nisi multis precibus ante fatigato; ioci, sales, fabellæ, dicteria, honesti amores mihi sunt cum familiaribus meis delitiæ, & in opere literario interpirationes his strigare in actu spiritum soleo: in me si quid est audaciæ, non eam clamoribus meretricijs, non scholasticis contentionibus, non Patritianis iurgijs vnquam ostendi, sed factis & lacertis ipsis, qui quantum ualeant, tunc amici tui intelligent, cum qui homines sint, potuero rescuiisse, aliquos scio mei gladij cuspidem, & pyrio puluere missos globulos sensisse; id si est audacem esse fateor me esse audacem: sed heus uos, modestius posthac si sapitis. Te ut etiam amicos tuos improbum & nequam hominem esse ex sententia illa trita conijcio, talem esse quemque, quales ij sunt, quibuscum versatur: aliquos sic intimos habui, ut sanguinem ipsum pro me fundere, uitamque amittere pertinacissime uoluerint, à quibus tamen male in alios dicta difficilius, quàm ab Hercule clauam extorsisses. addunt amici illi tui, me Parisijs studuisse, scholasticæ Theologiæ esse innutritum, è Gallijs Venetias venisse. Tu verò Patriti ubi locorum studuisti? qui in cubiculo philosophiam gloriaris didicisse? Cur non etiam Mathematicis, cur non bonis literis, cur non etiam philosophiæ innutritum scripserunt? cur clarissimos Præceptores Dionysium Lambinum, Iacobum Carpentarium, Gilbertum Genebrardum, Ioannem Auratum, Leodegarium à Quercu, Ioannem Maldonatum societatis Iesu splendidissimum Iubar omiserunt? Quod tertio loco addiderunt, aperte falsum est, non enim è Gallijs, sed ex agro Picceno, quod mihi solum patrium est, Venetias veni; domesticis curis, ijsque grauissimis confectus, in qua calamitatem Antonij Theupoli viri clarissimi humanitas me cum primis fouit, cum quo non magister domus, sed studiorum comes. Brixiam profectus sum; illique Nicomachia, & Physiolo-

Sectio Prima.

3

& Physiologica Ioannis Fernellij, Pathologicaque prælecta à me fuerunt; neque inde cum illius offensione reuersus sum; quod declarant illustrissima familia ab eo relicta humanissima in me ab eo tempore & paratissima studia; quibus ne vita quidem ipsa satis unquam fecero; sed pugna cum strenuo, & forti milite suscepta, qui nunc Serenissima Venetiarum Reip. copiarum aliquot dux est, & ex ea peruicacia & obstinatio discessio- nem meam ante tempus maturarunt.

Exercitatio

III.

SVBNECTVNT amici illi tui, digna sanè te opercula, me curasse postea, ut Taurisum vocarer grammatices, puerullorū- que magister; huc profectum non pati pædagogum me nomi- nari, philosophum interim acriter profiteri; essem pædagogus Patrini, si ut tu pueros ductassem, eduxissemque, & reduxissem; sed ab hoc munere longe semper abfui, & absum; cur igitur pædagogum me iniu- stissime criminari? Multi ultro receperunt se mihi de te, & fortunis tuis mira & noua narraturos, ad quorum voces nunquam aures aduerti, ne tui in re mala essem imitator; de aduersarij fragilitatibus orationem sub- texens, cum non uita, sed doctrina cernenda est, atque in discrimen, & di- micationem adducenda.

Mihi sic usus est, tibi ut opus est facto face.

Benetibi in omnibus cupio, opibus, famulatio, existimatione ut au- ctior & ornatio fias etiam atque etiam opto, cuncta felicia præcor: de me & moribus meis minutatim exquiras permitto, quos palā quoque cor- rigendi potestatem tribuo, si qui minus honesti, & minus laudabiles vi- debuntur; falsa pro veris, incerta pro certis contra me & dignitatem meam scriptis proferendi ueniam non do. Non do Patrini, intellexit? men- dacissime scripserunt amici illi tui puerullorum me magistrum esse; non puerullos, seu (ut recto modo scribere doceam uos eloquentiæ dictato- res) puerulos, sed primariæ nobilitatis adolescentes, & maturos iuue- nes Rhetoricam, poeticam, geographiam, Historiam, dialecticam, syde- ralem scientiam, & meliores literas doceo; & ab ijs non leuem & exi- guam mercedulam, non infame stipendiolum exigo, ut ipse scribis, sed magis amplum fortasse eo honorarium, quod tu veræ philosophiæ uin- dex, & alexicacos matutinum aue isthic diuitibus portando acquiris; pi- get quidem multiplicis laboris sæpe, & temporis poenitet in studia non quietius collocari; at ueteri me solor poetæ dicto; ut quimus, quando ut volumus non licet: præsertim sciens magno semper in honore gramma- ticos habitos fuisse; virosque honestissimos uel ipso iuuentutem docendi munere perfunctos fuisse, ut olim Cratetem Malleotem, Seruium, Nica- norem, Aurelium, Opilium, Antonium, Gniphonem, Valerium Flaccum, Ioannem Grammaticum cognomento Philoponum, Lactantium Firmia- num,

Exercitationum

rum, Didimum Alexandrinum, Zenocritum Coum; & non ita pridem
 Coclium Rhodiginum, Pierium Valerianum, Paulum Manutium, Ba-
 ptistam Egnatium, Angelum Politianum, Philippum Beroaldum, Calde-
 rinum, Romulum Amutaum, M. Antonium Flaminium, Maioragium,
 Victorium, Adrianum Turnebum, & plerosque alios, quos nimis longum
 esset sigillatim recensere: uel scripto de grammaticis rebus etiam min imis
 differuisse. ut Iulium Cæsarem militiæ Phœnicem, P. Nigidium, M. Var-
 ronem, M. Messalam, C. Plinium, & multos præterea alios ex ipsa nobi-
 litate Romana clarissimos uiros. Magnas etiam, & amplissimas prærogati-
 uas huius artis professores a uiris Principibus retulisse compertum ha-
 bens; nam Iulius Cæsar cum iam in Rep. Rom. princeps unicus, atque di-
 ctator esset, grammaticos omnes, qui eo tempore Romæ profitebantur
 ciuitate donauit; Seuerus & Antoninus omnes, qui hanc artem docerent
 à publicis muneribus immunes, ac liberos esse voluerunt; quod Antoni-
 nus quoque Pius edicto sanxit. Constantinus iussit arbitrio iudicis puniri
 eos à quibus grammaticæ professionis homines modo aliquo uexati fuis-
 sent. M. Antoninus cognomēto philosophus Frontonem Præceptorem suū
 Consulem creauit; eandem Consulatus dignitatem Gratianus Ausonio
 Burdegalenfi magistro suo tradidit: quid alios commemorem grammati-
 ci ordinis præstantissimos uiros, quos uel nostra, uel ab ea non admodum
 remota ætate in purpuratorum numerum adscitos, & ad Pontificatus
 maxime supremam dignitatem euectos nouimus? quod si grammatico-
 rum ars obscurior nunc facta uidetur; non id professionis abiectiōe, sed
 professorum culpa & indignitate contingit, quorum maxima pars triho-
 rio facti grammatici, oratorum, & poetarum sacraria inepte tractant. id
 constat ex Cicerone, qui in primo libro de Oratore grāmaticæ artis pœne
 infinitam uim, & materiam esse scribit, atque ex Quintiliano, qui libro
 primo, cap. 5. de Grammatica ita scribit. Hæc igitur professio cum bre-
 uissimè in duas partes diuidatur recte loquendi scientiam, & poetarum
 enarrationem, plus habet in recessu, quàm fronte promittit; nam & scri-
 bendi ratio coniuncta cum loquendo est, & enarrationem præcedit emen-
 data lectio. & mistum his omnibus iudicium est; quo quidem ita sunt se-
 uere uti ueteres grammatici; ut non uersus modo censoria aliqua uirgula
 notare & libros, qui falso viderentur inscripti, tamquam subdititios sum-
 mouere familia promiserint sibi; sed aut hores alios in ordinem redegerint,
 alios omnino exemerint numero; nec poetas legisse satis est, excutien-
 dum omne scriptorum genus, non propter historias modo, sed uerba,
 quæ frequenter ius ab authoribus sumunt; tum nec citra musicem gram-
 maticæ potest esse perfecta, cum ei de metris, rithmisque dicendum sit, nec
 si rationem syderum ignoret, poetas intelligat, qui ut alia omittam, tot
 eo oitu, occasuque signorum in declarandis temporibus utantur; nec
 ignara philosophiæ, cum propter plurimos in omnibus ferè carminibus
 focos ex intima quæstionum naturalium subtilitate repetitos tum uel pro-
 pter Empedoclem in Græcis, Varronem, ac Lucretium in Latinis, qui præ-
 cepta.

Sectio Prima.

4

„ cepta sapientiæ uersibus tradiderunt, eloquentia quoque non mediocri
 „ est opus, ut de una quaque earum quas demonstrauius rerum dicat pro-
 „ prie, & copiose; quo minus sunt ferendi, qui hanc artem ut tenuem, ac
 „ ieiunam cauillantur; quæ nisi oratori futuro fundamenta fideliter iecerit,
 „ quidquid superstruxeris corruet; necessaria pueris, iucunda senibus, dulcis,
 „ secretorum comes; & quæ uel sola omni studiorum genere plus habeat
 „ operis, quàm ostentationis.

Exercitatio

IIII.

PRÆTER grammaticæ professionem duo alia tamquam ma-
 xima crimina mihi obijcis, quòd pauper sim leui stipendiolo
 uictitans, ad foculum, ac semimortuum igniculum in hyeme
 sedens cum ancillula, & quòd non sim Senator aliquis Peripa-
 teticus, sed capite tantum census. Ad illud: ego Patriti pauper esse haud
 nego, neque me paupertatis pudet, quam animi equanimitatem ab Ari-
 stotele meo didici qui sect. 29. probl. q. 4. cum quæfisset cur paupertas
 apud homines bonos potius esse, quàm apud prauos soleat, sic subdit; An
 „ quia paupertas omnibus odio habetur, atque expellitur, ad probos au-
 „ tem perfugit rata maxime apud eos salutem promanendique locum se pos-
 „ se assequi, e contrario si ad prauos uenerit, nunquam eos fortuna ista
 „ fore contentos, sed vel furta, uel latrocinia adituros; quibus rebus futu-
 „ rum, ut ipsa amplius apud illos manere nequeat; an quia homines probos
 „ optime se ufuros existimat, nec sibi petulanter contumelioseque quip-
 „ piam facturos. & paulo post; an quia mala est nunquam se malis iungere
 „ velit; nam si ita maluerit, omnino malum irremediabile ipsa reddetur.
 „ idem quæst. 8. eiusdem sectionis, desertis uerbis scribit diuitias magna ex
 „ parte ab hominibus prauis potius quàm bonis haberi, Philosophosque,
 „ insignes in maxima uixisse paupertate notius est quam à me scribi oporteat:
 Diogen. Laert. in libr. 7. de uitis Philosophorum si de Cleanthe.
 Cleanthes Bhanij filius, Affius, ut Antisthenes ait in successioneibus, pri-
 mum quidem pugil fuit, profectus autem Athenas drachmis 4. instructus
 (ut quidam aiunt) congressusque Zenoni studiofissime Philosophatus est;
 „ inque eiusdem decretis perstitit: memoriæ proditum est ipsum laboriosissi-
 „ mum fuisse, adeò ut inopia cogente mercenarium faceret; ac noctu qui-
 „ dem in hortis hauriret aquas, interdiu autem operam studijs liberalibus
 „ daret, unde & *φρεάντης*, hoc est exhauriens puteos appellaretur; aiunt il-
 „ lum, cum pertractus esset ad iudicium redditurus rationem, quòd adeò
 „ robustus, ac tam boni habitus uiueret hortulano, apud quem id mune-
 „ ris implebat, ac muliere apud quam farinas pinsebat testibus absolutum
 „ esse; Aregopagitasque admiratos decem illi minas dari censuisse neque ve-
 „ ro in iudicio modo, sed ubique etiam hic præstantissimus philosophus
 pauper

Exercitationum

paupertatem suam fassus est; nam quum illum aliquando Rex Antigon-
 nus Athenis inspexisset, atque ita interrogare cepisset molis adhuc Cle-
 anthes? sic Regi respondidit, molo Rex idq; uite sustētādā gratia facio, de
 quo uiro eximio ita subneēit Plutarchus; erat sola uiri cura ne à philoso-
 phia desistere cogeretur, ideò manibus, quas pistrino ac molæ locauē rat
 de astris, Sole, Luna, ac deis scribebat: quid Thaletem, quid Zenonem
 dinitiarum contemptores narrem? Quid Democritum illum tuum, qui
 agros suos dereliquit, eosque publica pascua fieri est passus? Quid illum
 alium, qui patrimonium in nummos redactum effudit in mare? Sub-
 dens, abite in profundum malæ cupiditates, ego uos mergam, ne ipse mer-
 gar à vobis. Sed scio qui te malignij & paredri spiritus agant; non ego,
 vt tu opum acquirendarum rationem didici; sic n. scribis in initio primi
 tomi. Biennium iam cum dimidio Zaccaria Mocenice nobilissime est ex-
 actum, ex quo cum Philippo patruo tuo, Cypriorum Archiepiscopo, ui-
 ro omni doctrinarum, virtutumque genere ornatissimo è Cypro Vene-
 tias sum reuersus; ibi optimam ætatis meæ partem Philosophiæque studijs
 aptissimam alienis commodis insudando, meis abutendo plus quàm inte-
 grum septēnium misere contriueram; eò me malus quidam abstulerat er-
 ror; is idem assidue me fatigauerat, ut opibus alienis fabrefaciendis incum-
 berem, res meas omnes prætermitterem, Philosophiæ studia, quæ meæ de-
 litia fuerant, penitus ommitterem, non semel vitæ periculum subirem.
 ideo me & paupertatem meam capitali odio prosequeris. Hoccine au-
 tem Patriti est libere Philosophari? quibus uijs alienas tu opes fabrefecisti?
 agricultoria ne, an nummularia? si nummularia, num etiam foenerator, &
 to cullio aliquis fuisti? at Plutarchum audi contra foeneratores; Quum ma-
 nus habeas, pedes habeas, uocē habeas, homo existas, cui peculiare. est ama-
 re, ac amari, gratificari, ac gratiam recipere, literas doce, pueros instrue, iani-
 toris, officio fungere, nauiga, renauiga, nihil horum adeo turpe, nihil-
 vetam molestum, quàm audire, redde mihi sanè alterius criminis cuiusuis,
 potius quam istius, etiam inimicissimi homines obiecerint, quia Philoso-
 phiam amo, animi securitatem quæro, qua sola, ut idem Plutarchus in-
 quit, à diuitijs differre paupertas uidetur, vetusque illud adagium usurpo
 Capram gestare non valeo, Bouem non super imponam. ad alteram à te
 mihi obiectam reprehensionis notam; quam diluere facilius fuerit, iuue-
 nis sum, vt ad te amici tui rescripserunt; quid ergo mirum, si Senator
 in Peripato nondum sim? non sim etiam unquam futurus; num propte-
 rea indignus dinacha te tanto, & tam formidoloso hoste, rudeque
 donato ego nunc solum encrinomenus debeo iudicari? Quot Plutar-
 chus refert & pace & bello Patriæ utilissimos fuisse, & in illius commo-
 dis procurandis uitam insumpsisse, nullis tamen, aut paucissimis ma-
 gistratibus perfunctos? barba, promissa casariæ, atque etiam si dijs pla-
 cet sericeis vestimentis Philosophorum dignitatem propediem æstima-
 bis: te subidum, atque insubidum hominem; quid si seruus, & vile man-
 cipium essem; num Philosophus ob id esse desinerem? num diuini Pla-
 tonis.

Sectio Secunda.

5

tonis sapientia dormitasset, aut extincta prorsus fuisset; si à compedi-
bus & seruitute amici illum non redemissent? Ego verò ita sentio Patri-
ti, quemadmodum duplex est mancipiorum genus secundum Zeno-
phontem & Aristotelem, natura, & conditione; ita duplex esse & in
Philosophia & in facultate alia quavis senatorum genus; cuius tu &
ego generis sumus; aliorum potius est, quàm nostrum iudicare; tuæ
sententiæ si sit standum, tu magnum Iouis incrementum, ego tan-
tum in ætjjs Calimachi uersatus; tu curru Olympum quatis, ego uix di-
gnus sacris Hecates; tua ex Iouis diphtera petita omnia; mea nebula,
nugæ, somnia, deliria: at ò bone committe animos, in certamen ueni,
non ego tua ista de te perterritus opinione occipitum ostendam; il-
lud me male habet, quòd non pauci magnæ eruditionis viri Patriitia-
na monimenta tot studiorum (ut ipse de te gloriaris) laboribus con-
fecta litoralibus calculis, & algis uiliora esse arbitrantur; mihi que
hoc consilijs dant, ut Salmacida spolia de te molli, & male forti uiro par-
ta negligam; Tingo nunc te, etiamque atque etiam irritò, tu quàm bene
vetulus canis irrire aut rudere, aut gingrire in Aristotelem scias, tempus
est; ut videre incipiamus.

EXERCITATIONVM

THEODORI ANGELVTII

CVM FRANCISCO PATRITIO.

Sectio Secunda, Exercitatio Prima.



VM ego scripsissem Aristotelis doctrina artibus, ac
scientijs propè omnibus veram & germanam faciem
aut primum tributam, aut restitutam fuisse, tu vel odio
in Aristotelem, vel furore in me contra affirmare ausus
es his verbis: artem factiuam vllam omnino nec primo
produxit, nec postea restituit Aristotelis doctrina. ar-
tes ex, quas vulgus liberales vocant, Grammaticæ, Rhetorice,
Logice, Poetice, Rithmice, Musica, Medicinæ
multis ætatibus Aristotelem antecesserunt: Astrologia apud Chaldæos, Ar-
rithmetice apud Phœnices, Geometria apud Aegyptios & inuentæ & ma-
ximopere sunt excultæ, antequam Aristotelem Græcia viderit; neque vl-
lam scientiarum Aristoteles vel inuenit, vel perfecit, quamuis Auer-
rois impudentissime de tribus mentiatur Theologia, Physiologia, Logica.

B

1R

Exercitationum

in quibus hoc vere possum dicere quid esset vera, & germana facies te mi-
nime intellexisse, aut intelligere voluisse; ordo, & methodus, claritas item
& perspicuitas vera & germana facies sunt artium & scientiarum quod si-
cut decora & decenti oris specie animi motus tamquam vitrea quadam
immagine indicantur, ita ordinis ductu cum ratione facto scientiarum ob-
scura arcana cum primis elucescunt; imperite igitur Patrii sic orationem
meam es interpretatus, quasi Aristotelem solum, & ante eum neminem
artes & scientias tenuisse scripserim: ordinem dico Aristotelis proprium
inuentum fuisse; quoniam neque Plato, neque alius quisquam didascalico
more de re vlla ante Aristotelem scripsit: hoc modo si negas artibus & scien-
tijs propè omnibus ueram & germanam faciem aut primum tribuisse, aut
restituisse Aristotelem; insanus es, amens es, addo etiam iniustus; id non
alius, sed tuo ipsius testimonio tibi probabo; sic enim scribis in libro sexto
primi tomi tuarum discussionum; mos disciplinarum occultandarum an-
tiquissimus fuit à Noe inde in vniuersas gentes emanatus; quem Græci om-
nium primi gloriam inde quærentes, videntur corrupisse, non ita statim
à principio, sed paulatim; Nam Orpheus doctrinas suas tradidit fabulis
obuolutas; Pythagoras numeris, quas primus omnium profanauit Hip-
parchus eius discipulus, quem ea de causa è scola, atque confortio eiecit;
in eiusq; locum lapideam columnam in gymnasio erexit: Plato partim Or-
phicum, partim Pythagoricum morem secutus, & fabulis & numeris se-
cretiores doctrinas tractauit; morales disciplinas ad inuentum erudien-
dam apertius docuit: Aristoteles omnes omnibus velaminibus demptis
aperte tradidit. quæ ueritas non à te primum pronunciata fuit, sed multis
ante sæculis prædicata & celebrata. Alexander Aphrodisieus, vt refert
Auerroes comm. 18. in duodecimum Metaphys. scripsit doctrinam Aristo-
telis esse longe minoris ambiguitatis, & magis remotam ab errore & re-
pugnantia quam aliorum philosophorum. Simplic. præfatione in libros
phys. genus inquit philosophandi Aristotelis differt à veteris, quatenus
obscuritates & scriptos illorum transtulit in perspicuam & propriam ex-
positionem; & vim præterea probationibus, & syllogismis adiecit; à Plato-
ne autem videtur dissensisse, quod demonstrationes apertius, illustriusque
inducit, & quod earum principia à sensu, & ab euidentibus rationibus su-
mit; ab omnibus præterea simul in eo dissidet, quod partes omnes philoso-
phiæ naturalis vsque ad singularia euolutas ac resolutas reliquit; idem alio
loco scribit Aristotelicam elocutionem sæpe paucis syllabis plura tradere,
quam alius multis periodis queat tradere. Galenus (quod & ipse annota-
ti) omnia inquit quæ Aristoteles aut docuit, aut scripsit non sine rationali
disciplina uel docuit, uel scripsit. fuitque orationis parens, & circa naturæ
artem enarrandam peritissimus. Scaliger in librum de Plantis Aristoteles
(ait) scientiarum orbem vniuersum vel solus, vel cum paucis intellectu
complexus est, eaque omnia in animo habuit, tamquam altera natura, suo
quæq; ordine digerere; & ipsam naturam certa librorum serie dispositam
ordinare; num præter ordinem artibus & scientijs adhibitum, alia quoq;
Ar.

Sectio Secunda.

6

Ar. inuenerit, in tertia exercit. examinabitur: hoc unum modo; non quoluiffe Patritium Aristotelis de mechanicis questionibus libellū, aut si euoluit, non intellexisse, nihil enim eo opere mirius, aut ad mechanicorum operum substructionem vtilius, & conducibilibus; cum tamen Patritius audacissime scribat nullius præcepta factiuarum artes tota Aristotelis doctrina tradi.

Exercitatio

II.

DION Cassius Nicæus apud Xiphilinum refert Antoninum Caracallum Romanorum Imperatorem eò dementiæ uenisse, ut ad Senatum aliquando scripserit, se Alexandri Magni animam corpore gestare, ut quoniam hæc in illo breue tempus degenerat, in Augusto uiueret diutius: ac philosophos, qui sunt Aristotelici cognominati tam magno odio esse persecutum, ut voluerit libros Aristotelis comburere, atq; Aristotelicis fodalitates, & cetera commoda, quæ habebant in Alexandria, sustulerit, criminatum eos, quòd Aristoteles causa mortis Alexandri visus esset. In Patritij corpus non Alexandri Magni, sed Bucephali animam crederet Pythagoricus aliquis introiisse, quando Aristoteli, & Aristotelicis, ut Caracallus infensissimus videri vult; quamquã ne Bucephalo quidem doctus Pythagoreus illum dignaretur; sed equo aliquo sagmario, dorsuarioq; & cltellario iumento. Scribit igitur magnus hic Aristotelis refragator; perfecte omnes omnium temporum, & gentium homines ignorare, artibus & scientijs omnibus germanam faciem ab Aristotele aut primum tributam aut restitutam esse. quo mendacio aperte & ipse sibi, & toti præterea vetustati contraicit; sic enim Patritius initio libri secundi primi tomi de Aristotele. omnis antiquitas maximis Aristotelè laudibus semper ornauit, omnis auorum, atq; attauorum nostrorum ætas est admirata; omnis etiam nostra ingentibus eum encomijs prosequitur admiratur. quam veritatem tibi inuitè puto excidisse: à vetustatis autem testimonio, ut semel Aristotelis laudes exordiamur. Plato gymnasiij sui mentem Aristotelem appellabat, Cicero eundem vocauit virum vno excepto Platone diuino ingenio, excellentem subtilitate, & copia; atque omnibus alijs præstantem & scientia & diligentia; & quem ipse maxime omnium admiratur. Multa Gellius quoque in Aristotelis laudem lib. 9. ca. 3. & Plinius cum lib. 8. cap. 16. tum alijs quoq; in quibus Aristotelem aut immensæ subtilitatis virum nominat, aut nihil vsquam genitum scribit ignorauisse: Auerroes in prohemio suo physico; nullus (inquit) in Aristotele error inuentus est usque ad hoc tempus, quod est mille & quingentorum annorū, & talem esse in vno indiuiduo potius est miraculosum quàm humanum. idem in 3. de anim. comm. 14. Aristoteles fuit regula & exemplar quod natura inuenit ad demonstrandam vltimam perfectionem humanam in materijs, in primo de gener. anim. Laudemus (ait) Deum, qui separauit hunc

B 2

virum

Exercitationum

„ virum ab alijs in perfectione; & appropriavit ei ultimam perfectionem
 „ humanam; quam nullus homo potest in ulla ætate attingere. In lib. de-
 „ struction. disput. 3. in solut. dub. 13. ita scribit; Aristotelis doctrina est
 „ summa veritas, quoniam eius intellectus finis fuit humani intellectus;
 „ quare bene dicitur de illo, quod ipse fuit creatus, & datus nobis diuina
 „ prouidentia, ut non ignoremus possibilia sciri: at Patritius inquiet non es-
 „ se standum Auerroi in Aristotelis laudatione, quippe quem constat impen-
 „ se nimis, immodiceque amore quodam uelut furenti ductum Aristoteli
 „ fauisse: num non etiam Chrysippo stabis Peripateticæ doctrinæ non minus
 „ te audacissimo inimico, & reprehensore? Is, vt Plutarchus refert in li-
 „ bro de Stoicis contrarietatibus, tales, ac tantos Philosophos Platonem &
 „ Aristotelem scripsit fuisse; ut cum ijs delinquere quis uelle debeat; Num
 „ Ammonium recusabis æque, ut tu Platonis, & Platoniorum suffragato-
 „ rem; qui tantum Aristoteli tribuit, ut ingenio, singulariq; doctrina hu-
 „ manis terminos excessisse, & monstrum quoddam cum inter homines fuisset,
 „ monumentis prodiderit: ceteri uero Platonici pæne omnes Aristote-
 „ lis doctrinam adeo dilexerunt, amplexatiq; fuerunt, ut cum Platonis le-
 „ ctione coniungere eam semper uoluerint, quod ex Plotino, Tauro Attico,
 „ Porphyrio, Dixippo, Syriano, Proclo, & alijs patet, non sum tamen nescius
 „ non eadem semper famæ crebritate, & celebritate Aristotelis doctrinam,
 „ sicut neque etiam Platonis in gymnasiorum coronis floruisse; id duplici
 „ ex causa natum est, ex obscuritate Aristotelicæ elocutionis, quæ quia uere
 „ didascalica est fabellarum pigmentis carens & paucis multa comprehen-
 „ dens plerosq; ut Franciscum Patritium delicatulos ab eius lectione deter-
 „ ruit; & ex inopia librorum, in quibus Peripatetici philosophari possent
 „ prima causa a Cicerone, Ammonio, Themistio, & Simplicio prædicata est.
 „ secunda à Strabone; quorum authoritates sigillatim recensebo, & pri-
 „ mum Ciceronis, qui inquit à libris Aristotelis te obscuritas reiecit, Rhetor
 „ autem ille magnus (vt opinor) Aristotelica se ignorare respondit, quod
 „ quidem minime sum admiratus eum Philosophum Rhetori non esse co-
 „ gnitum, qui ab ipsis philosophis præter admodum paucos ignoretur,
 „ quibus eo minus ignoscendum est, quod non modo rebus his, quæ ab il-
 „ lo dictæ, & inuentæ sunt, allici debuerunt, sed dicendi quoque incredibili
 „ quadam tum copia, tum etiam suauitate. Ammonius obscurus (inquit)
 „ Aristoteles est in suis libris data opera, ut acuat discipulorum mentes, pro-
 „ fanosque arceat. Themistius uerò Aristotelis omnia scripta quasi de com-
 „ posito caligine quadam offensa, appletaque habentur, tum ob elocutio-
 „ nis genus, tum etiam quia capita nullo ordine uidentur disposita. Sim-
 „ plicius ita Aristotelica eloquentia sæpe paucis syllabis plura tradit, quam
 „ alius multis periodis queat tradere. Strabonis uerba in lib. 13. Geogra-
 „ phiæ hæc sunt è scepti fuere Philosophi Socratici Erastus & Coriscus, &
 „ Neleus Corisci filius, qui Aristotelem, & Theophrastum audiuit, & suc-
 „ cessor fuit Bibliothecæ Theophrasti, in qua Aristotelica inerat; nam Ari-
 „ stoteles & Bibliothecam, & scholam reliquit Theophrasto, & primus om-
 „ nium,

„nium, quos scimus libros congregauit: & Aegypti Reges Bibliothecæ or-
 „dinem docuit: Theophrastus verò eam, tradidit Neleo, Neleus eam sce-
 „ptim detulit, ac posteris dedit; hominibus sanè imperitis, qui libros in-
 „clusos ac negligenter pòsitos tenebant; cumq; Attallicorum Regum, sub
 „quibus erant studium, sentirent conquirendorum librorum: ad instruen-
 „dam eam Bibliothecam, quæ Pergami erat; eos in fossa quadam sub terra
 „occuluerant, quos & tineis, & humiditate labefactos, tandem serò qui
 „ex eo genere erant Apilliconti Teio magno emptos argento tradiderunt.
 „Aristotèlicos statq; Theophrasticos; Apellicon, ut qui magis librorum ef-
 „fet studiosus, quàm sapientiæ, volens corrosiones emendare, eos tran-
 „scribendos dedit scriptura non rectè suppleta; qua propter libros edidit
 „erroribus plenos: sed antiqui Peripatetici post Theophrastum, cum om-
 „nino libris carerent, paucis duntaxat, præsertim exotericis exceptis, nihil
 „habebant in quo firmiter philosopharentur; sed positiones quasdam lu-
 „cubrabant; Posteriores postquam hi libri in lucem uenere, Aristotelem
 „imitantes, melius quàm illi Philosophati, ac Aristotelem secuti sunt. Sub-
 „dit impudentissimus Patritius Alexandrum Magnum adàmisse quidem
 „Aristotelem, dum puer esset; & mirum in modum admiratum fuisse, sed
 „cognitis eius postea technis, ac insidijs magnificere desijisse, pro animi
 „tamen magnitudine ac pròbitate nullo affecisse nocumento. quem Re-
 „gem contra Aristoteles per summā iniustitiam & crudelitatem ueneno su-
 „stulerit: cur non potius furorem, impotentiam, ebrietatem, veritatis
 „odium à Calisthene prædicatæ Alexandri ab Aristotele abalienationis cau-
 „sam credidisti? cui tamen uni Alexandro plurimos Terrarum Reges, &
 „viros principes oppono, qui Aristotelis libros publice in scholis decla-
 „rari edictis iusserunt: quod certum est nulli alij Philosophorum contigisse.
 „Te ne cum Arriano tuo, & Plinij ex vulgo petito testimonio cum Plutar-
 „cho de historia ueritate contendere audere, à quo literis mandatum est
 „nulla in Alexandri defuncti corpore ueneni indicia apparuisse? Egregie
 „Terentius, Homine imperito nihil esse iniustius, qui nisi quod ipse, nihil
 „rectum putat.

Exercitatio III.

NE G A S Aristotelem doctissimum omnium fuisse, eique Zoroa-
 strum, Hermetem, Democritum, Pythagoram, Theophrastum
 in doctrina præfers: quod iudicium tuum pessimum esse ita
 ostendimus. Zoroaster nequam homo fuit, quia Magiam do-
 cuit, de qua & uicies centū millia versuum conscripsit ex Medicina, Astro-
 logia diuinatoria, & religione conflata, sicut Plinius refert; eandemque
 in Theurgiam, & Goetiam, siue Necromantiam ex sententia Porphyrij, di-
 stinxit: sicut a D. Augustino scribitur lib. x. de ciuit. cap. 9. quibus etiam
 Pharmaciā addit Philo Iudæus in libro de legibus specialibus inscripto:
 non.

Exercitationum

non ergo rerū naturas & proprietates, sed illarū potius abusiones, hoc est mera deliria, & ineptias docuit: à quibus cōstat homines doctos etiam atq; etiam abhorre: quę enim pręstigiatoris, & venefici hominis rebus hominibus abutentis, illasque in Dei ueri contemptum, & hominum perniciem traduentis sincera esse potest de re ulla opinio? Quo ex fonte Manichęorum improbissimum genus Theologię, & religionis monstrum peruerfissimum nisi ex Zoroastro hauserunt: id si nescit Patritius Plutarchum legat in libello de Iside & Osiride, ampliusque si scire cupit quā bella essent Zoroastri de Dei natura dogmata Eusebium uerset in libro primo de prępar. Euang. cap. 7. ibique inueniet impurissimum hunc Chaldęorum, seu Bactrianorū impostorem accipitris caput Deo opt. max. tribuisse; hoc ne est scientias omnes adinuenisse, & docuisse? Sed demus hoc etiam tibi bene de Deo, & rebus alijs Zoroastrum sensisse, ut potuit is scientiarum omnium repetor esse cum exacto diluuiο uixerit, ex suorumque traditionem Iosephus scripserit duas ante diluuium à Sethinis columnas erectas fuisse, alteram lateritiā, ne igne dissiliret; lapideā alterā, ne aquis corrumperetur: quarum utriusque astronomiam inscripserint? accepisse enim eos ab Adamo geminam totius orbis euerfionem futurā, alterā per uim ignis, alterā per uastā aquarum inundationem; & idcirco cauisse, ut utrouis modo Mundus periret; cōlestium saltem motionum doctrina superesset: in Hermetis historia non minus inanis es: neq; enim quę à Cicerone de Mercurio Thoyt apud Aegyptios uocato in lib. 3. de natura Deorum, referuntur; neque illa quę Plato de Aegyptio quodam homine Theut appellato in Philebo commemorat in Mercurium istum uestrum quadrare ullo modo possunt; quod sic demonstrat doctissimus pręceptor meus Gilbertus Genebrardus in lib. 2. Chronographiæ. Mercurius Trismegistus uixit post Aristotelem anno ante Christum natum 303. ab urb. cond. 434. a Mundi initio 3837. cuius hodie extant dialogi duo Pimander, & Asclepius; mihi enim uidentur (inquit) errare, qui eum propinquum Moysi, eundemque cum Deo Mercurio faciunt; ut Suidas, qui eum antiquiorem Pharaone prodit. nam Aegyptus gręcum idiōmā uix ante Alexandrum Magnum audiuerat, ut gręce multa de uerbo Dei cōgruentia oraculis diuinis scribere ante Gręcorum cum Hebręis congressum potuerit; deinde citatur duntaxat a recentioribus; sed & in chartis ē papyrocentum & decem milibus sua de rebus diuinis & naturalibus conscripsisse memoratur a Iambrycho; Papyri autem usus ad hanc refertur ætatem: Pręterea ipse Pimandri dialogus Sybillarum meminit, quę multis post Moysen sæculi extiterunt; denique Esculapius is, ad quem iste scribit, Phidiæ, qui Periclis ætate uixit; recordatur hæc Genebrardus, cum quo idem sensit Ioannes Goropius Becanus longe Francisco Patritio in historijs exercitator: nam in fine libri primi suorum hieroglyphicorum ita scribit: uersatur hætenus in hominum matribus libellus Mercurio Trismegisto inscriptus, in quo quibusdam ueritatis ornamentis primum ostentatis scelestissima tandem idolomania succedit, tam ab auctoris nomine, qui præfer-

tur

tur aliena, quàm uastum est, & immane inter Deum, & Diabolum: inter
veritatem, & Mendacium, inter Lucem & tenebras interuallum. De Pytha-
goræ doctrina, vt audet iudicium Patritius facere, cum is nulla scripta reli-
querit; seuerissimisq; silentij legibus philosophiam apud suos tractauerit?
Democriti nihil item extat, nisi de arte Chemica libelli quidam, quibus ni-
hil inanius, & futilius dici, vel cogitari potest. Quod ad Theophrastum
attinet, falsum est illum non dico plura scripsisse, sed meliori ordine, &
methodo docuisse; quod ostendo Iulij Cæsaris Scaligeri doctissimi viri iu-
dicio, qui de ijs libris, quos Theophrastus de Plantis edidit, ita pronunciat.

- „ Nō pauca videmus in antiquorum libris coaceruata, alia repetita, plurima
„ inculcata, nec pauciora præposita; id quod cum in alijs obseruauimus
„ authoribus quos honoris causa non nomino, tum his in libris etiam licet
„ animaduertere; principio non recte videtur à mitibus arboribus auspica-
„ tus ad syluestres postea transisse; sunt enim syluestres utroque modo no-
„ tiores nobis, & natura scilicet & facilitate; neque tueri possumus hoc di-
„ uini præceptoris exemplo (Aristotelis scilicet) qui in historijs corporis hu-
„ mani partes extimas pro formula statuit ad cognitionem partium, quæ in
„ alijs considerandæ sunt, quasi maxime meas nobis ad ignotiores agnoscen-
„ dum; non enim ratio par; nam homo sibi præsens est arbores mites nihilo
„ magis vel frequentes, vel præsentis, vel obuiæ, quam ipse feræ. Nunc in al-
„ tero capite cum Patritio configendum; negat enim neminem Aristotele
„ in rebus vel inueniendis vel iudicandis acriorem extitisse; at Patriti non
„ mea, sed Ciceronis verba, & de Aristotele iudicium negas; eius enim diserta
„ & expressa est huiusmodi de Aristotele in libris oratorijs attestans oratio;
„ Sed quis omnium doctior, quis acutior? quis in rebus vel inueniendis, vel
„ iudicandis acrior Aristotele fuit? quod si importune interrogas quæ Ari-
„ stoteles inuenit; Ciceronem audi alio loco ita de Aristotele loquentem:
„ Cum omnis ratio diligens differendi duas habeat partes, vnam inueniendi,
„ alteram iudicandi; vtriusque princeps, vt mihi quidem videtur Aristoteles
„ fuit; ac quando Diogene Laertio illo tuo valde delectaris; miror in eo te
„ lib. 5. sub finem vitæ Aristotelis hæc non animaduertisse Cunctis in rebus
„ summo studio, atque industria fuit, inuentionisque incredibili copia vi-
„ guit, vt ex his quæ supra annotauimus, voluminibus constat, quæ ad qua-
„ dringentorum numerum ferè perueniunt. an non maximum inuentum
„ fuit naturalem, & moralem philosophiam primum vsque ad minimas par-
„ tes ordine perspicuo, & enucleato tradidisse, doctrinisque & consideratio-
„ nibus innumeris auxisse? quis ante Aristotelem de animalibus, & de hu-
„ mani corporis structura scientiam complexus fuit? quem latere potest A-
„ ristotelem Rhetoricæ & Poeticæ plurima ornamenta atque adiumenta sub-
„ ministrasse? vlla profectò si ars est, & facultas, quam ab alijs Aristotele
„ antiquioribus aut melius, aut æque tractatam contendere Patritius possit;
„ eam Rhetoricem, & dicendi scientiam puto; qua Athenis non pauci sem-
„ per præstiterunt; ob maxima in ea ciuitate oratoribus & eloquentiæ pro-
„ fessoribus honoris proposita præmia; eam tamen certum est plurima ab
„ Aristo-

Exercitationum

Aristotele, quamquam pomeridianis solum horis expositam præcepta, & ornamenta accepisse; quod his verbis testatur Cicero in 2. libro Rhetoricorum. Ac veteres quidem scriptores artis usque à Principe illo, atque inuentore Tisia repetitos, vnum in locum conduxit Aristoteles, & nominatim cuiusque præcepta magna conquisita cura perspicue scripsit; atque enodata diligenter exposuit; ac tantum inuentoribus ipsis suauitate, & breuitate dicendi præstitit, vt nemo illorum præcepta ex ipsorum libris cognoscat, sed omnes, qui quod illi præcipiant; velint intelligere ad hunc, quasi ad quendam multo commodiorem explicatorem reuertantur; atque hic quidem ipse, & seipsum nobis, & eos, qui ante se fuerant in medio posuit, vt ceteros, & seipsum per se cognosceremus; Ab hoc autem qui profecti sunt, quamquam in maximis philosophiæ partibus operæ plurimum consumpserunt; sicut & ipse, cuius instituta sequebantur, fecerat; tamen per multa nobis præcepta dicendi reliquerunt. Detegam uerò Patritij infantiam: is secundo suarum discussionum tomo putat luculenter satis ostendere à veteribus omnia Aristotelem hausisse; proprijque nihil conscripsisse; quod quæ philosophiæ vocabula Ar. usurpauit, à Platone, & alijs Platone antiquioribus usurpata fuerint: ita ne Patriti arbitraris, quia Ar. nouorum vocabulorum repertor non fuit, neque scientiarum repertorem fuisse? num forte existimas, quia Calepinum bene tenes, Historias & scientiarum orbem bene tenere? num scientiæ solis constant enunciationibus per se notis, quæ vocibus cognitis, ex seipsis statim intelligantur? hæc tibi in logicis discenda fuerant Patriti; sed qui tu aut Logicen, aut doctrinam aliquam callere potes, qui publica gymnasia nunquam adijsti; tuoque cubiculo, vt gloriaris te ipsum semper continuisti? dices carere nos veterum libris; ob idque nos de veterum eruditione iudicare. at vrgebo rursus te; quæ hæc tua est impudentia, & sycophantia, o stolidum os, illa potius admirari quæ non vides, quàm illa quæ vides, & certo sciunt omnes boni doctrinæ atque eruditionis plenissima esse?

Exercitatio

IIII.



NE G A T hic magnus historiarum Pater Aristotelem vel à multis fuisse oppugnatum, vel non expugnatum; ac si Plotini disputationes quibus magna ex parte Dixippus satisfecit: Stoicorum, Pyrrhonorum, Procli, Galeni in Aristotelem irriti conatus non omnibus notissimi essent; quibus non ita pridem Ferrami insultationes acceperunt in Francisco Patritio modo reuiuiscantis; quamquam is vere eristicus ingenio erat acutiore, & subtiliore; tu illi comparatus hebes obtusus, plumbeus, stipes, caudex; num pauci hi tibi oppugnatores videntur? imò paucissimi; quia non virtutis magnitudine, sed multitudine librorum, & honorum cumulo hominum merita librare soles; bone Deus quam belle impleas foetidum & spurcum os cum de Hermete tuo

tuo refers libris illum 36525. de artibus, & scientijs omnibus differuisse: rem sanè grãdem & plus quàm magnificam; splendidioribus etiam librorum titulis in auctorum admirationem interdum traheris; sic enim de Democrito scribis: at conferantur libri Democriti qui à Laertio (confusissimo scilicet, Epicureo, & inertissimo homine) referuntur, magno fastu ab Aristotele oppugnati, nonne varij magis, ac titulis splendidioribus collucet? Ain tu deinde Medicos, & Platonicos omnes credere, à Galeno, Plotino, & Proclo expugnatum Aristotelem, ac de sedibus deiectum? sic enim subnectis; in ijs verò, quibus eum Galenus oppugnavit, & Plotinus, & Proclus Medici & Platonici omnes credunt etiam expugnasse & de sedibus eiecisse: at id nos Peripatetici, quia pugna, & contentiosum, & cavillosum hominum genus sumus neque credimus, neque concedimus: subdis preoccupazione quadam vtens si Aristoteles in gymnasiorum sedibus sedet pro tribunal; eorum gymnasiorum veteres leges, & instituta in causis sunt, nò aut Aristotelicę doctrinæ vel magnitudo, vel copia, vel certitudo. Etia Principes viros, Reges, Imperatores, Pontifices Max. criminabere homo impudentissime? tu ne solus modo sapias, docti verò & eruditi uiri, quos nostris Monarchæ in consilium adhibuerunt in legibus, & institutis gymnasiorum sancendis, & præscribendis amentes, & insipientes? permittite nobis (inquit Patritius) ut Platonici esse possimus. præclarum mehercule Platicum; scilicet: scimus quidem omnes aliquot te undecunque ex Platone sententias corrasisse, ut Platicus videri posses; quod quis de plebe Philosophorum facere etiam potuisset. at Platonis dogmata unquam intellexisse, in Platicorum arcana penetrasse; id demum pernegamus; si Platicus uideri volebas, cur mecum de Platicis rebus suscipere disputationem renuisti? cur de ideis, de mente nihil? de ente, de formis de motu ne uerbum quidem? quo euadant Phaleratæ istæ tuæ, & putidæ iactationes etiam nunc non uides Patriti? at inquires non posse nos esse Platicos, quòd Ioannem Duns Scotum, quòd Iandunum, quòd Burleum, quòd Auenrois Philosophiæ quisquilias in manibus teramus. tu ne spurcissimus Aeserninus honestos uiros de Philosophiæ & Theologiæ optimæ meritis damnare, & lacerare audes? tu imperitissimus omnium qui sunt, qui fuerunt, & qui futuri sunt Scholasticæ Theologiæ authores, ueræ sapientiæ lumina argumentosos, & eristicos appellas? num tu Alberto Magno, Diuo Thoma, Ioanne Duns, Guglielmo Ochamo, Durando, Petro Aureolo, Baccone, Egidio Romano plus sapias? Tu ne Marfilio Ficino, & Ioanne Pico Mirandulano maior Platicus? quorum ille in Scholasticorum lectione exercitissimus in Epistola ad Martinum Vranium Prænyngerum Herrici Gandauensis, & Ioannis Duns Scoti plurima Platonem redolere pronunciauit; Hic sexennium, & amplius, ut ipse de se in literis ad Hermolaum Barbarum testatur scholasticis uoluminibus conficiendis, vorandisque concessit? Times credo incompeto, & inculto illorum stilo pollueri orationem tuam; at cur id ueritus non est Iulius Cæsar Scaliger eloquẽtia, & purissima Latinitate non minus quàm omnium genere scientiarum;

C

tiarum;

Exercitationum

tiarum; politissimus? qui in exercit. 249. ad Hieronymum Gardanum ita
 scribit; huic tam præclare quæstioni annonæ species à naturâ progigni
 queant affinis alia est, non minus illustis an Deus facere possit melius?
 quod fecit, quàm quomodo fecit; odiosa quidem nouo huic vulgo, qui
 in superficie, atque supinitate, quam ipsi uocant simplicitatem, intelle-
 ctionum contemplationis nostræ finem posuerunt, itaque curiosos
 nos uocant, & scholasticos; cum ipsi hoc quod bene dicunt, amant
 ne scire se se, quare, aut quomodo dicant, asinis similes sunt, qui
 triticum ad molas ferunt, recti namque officij sui ignorant finem quod
 si hæc ipsa indagatio uel causarum, uel modorum loquendi, atque
 explicandi ea, quæ rectè cum illis nos quoque sentimus. neutiquam nos,
 vel tantillum auertunt a sincera, simpliciue pietate; quid illi nobis in-
 uident auctarium hoc spiritus diuini; quod ille, cui libuerit, impertitè
 suis? ad propositam quæstionem sine ulla uel dubitatione, uel cuncta-
 tione respondebit etiam Tyro cælestis Philosophiæ sic: potuit, potest; po-
 terit; tantum abest, ut a nobis aliud expectetur; at huic ita respondenti si
 occurrat hoc ipso, quod in animo versatur, quibus ille verbis excutiat?
 quid illud? inquires; Hoc: si Deus optime fecit: fecit autem optime opti-
 mus. & addat huic quod fecit, aliquid bonitatis; non optimum illud iam
 fuerit, quod erat optimum; quare hoc ut intelligamus, admittendam esse
 quæstionem; & à sapientibus soluendam censeo, non quod isti rustici fa-
 ciunt Sophisticæ damnatam perplexitatis repudiandam, quod ut expediamus,
 æquabili, atque composita oratione sic instituemus: respondent
 sapientes absolutam potestatem ab ordinaria distinguendo; Agens inquit
 ordinarie, qui secundum legem rectam facit, aut est sub lege, aut supra
 legem; si est sub lege, non potest aliter facere rectè: si ipse fecit legem, po-
 test & aliam legem facere alia potestate, id est absoluta: deinde secundum
 eam legem ordinarie agere. sic Deus potest etiam aliter facere, quia lex es-
 set, illa quoque recta, si statueretur à Deo. hæc Scaliger. in quibus aduer-
 tisti, quibus nominibus te & compares tui, quibus Scholasticæ Theologiæ
 auctores appellarit? at id non hoc tantum loco; sed alijs quoque plurimis
 egregie & strenue contra uos; amanter, & studiose pro scholasticis au-
 thoribus agit. quibus ille Guglielmum Ochamum, & Ioannem Duns
 Scotum laudibus & encomijs effert? quibus Ioannem fuisse quem in exer-
 cit. 324. ingenij humani penè modum excessisse scribit? de quo exercit.
 324. etiam 340. ita Ioannem Calculatorem tam acute scripsisse uidemus, ut a
 paucis plenè, ac pro meritis intelligatur; tam doctè sibi ille uisus est, ut cum
 senex legeret, quæ iuuenis in literas retulisset, vbertim fleuisse dicatur: si-
 ue, quod equidem puto, quia quasi recenter frueretur ueteri diligentia;
 siue, quod paulo iniquius aliter sunt interpretati; quia quæ olim scripsis-
 set in ætate florenti; in effoeta minus assequi posset intelligendo; dignus
 profecto, quem neque senium senem faceret; neque naturæ lex uita pri-
 uaret; nisi meliorem uitam apparasset; hæc libentius scribe, quia illo uiro
 maximo multa debeo, plura debiturus; si per ingenij mei imbecillitatem
 licuisset;

„ licuisset; non enim leuiter in eius campo nos exercuimus, hunc hominem quia scholasticus fuit; tibi ne de nomine quidem notum puto; qui omnium minime scholasticus es: id est, non de schola es, sed ex Triuio, & grege hominum. de his satis: neque enim sapientis est stultas, & aperte falsas pertinacias insectari.

Exercitatio

V.



„ **I**MPVDENTEM me Patritius appellat, & contra historias clare & aperte traditas mentiri dicit, quod totam antiquitatem vnum Aristotelem præ reliquis admiratam esse scripserim qui dum ita blaterat, quam ipse exigua memoria quam blenno, & mucido ingenio sit, minime cognoscit, neque id mirum, quoniam nequissimum diuisorem nullus ueritatis amor tenet; in hoc duntaxat intentum, ut amasiorum nominibus apiciorumque, & epicureorum turpissima uolumina referciat; capitaleque, & plusquam uatiniatum odium ostendat, quo in bonos omnes suffusus est: hunc in honestissimos quosque uiros furem ac debachantem tellus sustinet? Viri Principes patiuntur? at historię ueritatem expendamus, ab eaque illum longissime abesse demonstramus, ut constet ob solam iracundiam in me debitas Aristoteli laudes Patritius negasse. In principio libri secundi primi „ tomi sic de Aristotele scripserat; Omnis antiquitas maximis Aristotelē laudibus semper ornauit, omnis auorum, atque attauorum nostrorum ætas „ est admirata; omnis etiam nostra ingentibus cum encomijs prosequitur, „ admiratur. ipse igitur impudens est, & prorsus obliuiosus eo nunc uiro acerrime carpendo, quem non ita pridem summopere laudauerat; non ego, qui ex historiæ ueritate toti antiquitati Aristotelem præ reliquis admirationi scripsi extitisse; quod ne à Patritio solo uidear hausisse; Veterum historicorum libris perlustrandis rem eandem confirmabo Platonem maximi Aristotelis ingenium fecisse, apud omnes in confesso est; ceteros etiam eodem tempore Aristotelis doctrinam coluisse ex eo perspicuum est, quod non aulus fuisset Aristot. Athenis, in externa ciuitate Platonis, Xenocratis, & Speusippi Patria Philosophiam docere, Platonemque, & Platonis successores docendo coarguere nisi fama, estimatione, & auditorum numero suffultus: neque uero pauciores auditores Theophrastus habuit Aristotelis cum successor, tum etiam discipulus, Platonisque, Xenocratis, & Speusippi aduersarius, cuius scholam ad duo millia discipulorum frequentasse memorantur: post Theophrastum calamitatis non parum passa est Aristotelis doctrina, ut ex loco Strabonis ante citato manifestum est; ex qua historia Aristotelis libri maxime nobilitantur. quia neque tanto studio ab Attallicorum Regibus conquisiti, neque tanta diligentia sepulti, deindeque effossi, neque Romæ expertati à Viro summopere armis debito fuissent; sic. n. subnectit Strabo. Multum ad hoc Romani contule-

C 2 rutn;

Exercitationum

runt; nam continuo post Apelliconis obitum sylla qui Athenas coepit, al-
 lata illius Bibliotheca huc eam transtulit. Nisi magni cuiusdam, & insoliti
 pretij tunc illos certa fama indicassent. post Theophrastum insignes fue-
 runt Peripatetici Aristotelis ipsi quoque auditores Strato Lampfacenus co-
 gnomento Physicus, Demetrius Phalereus, & alij innumeri, quos tu lib.
 11. primi tomi recensens; quales autem uiri? Strato magister fuit Ptolemei
 Philadelphi secundi post Alexandrum Magnum Aegypti Regis, à quo talen-
 tis octoginta donatus est: Demetrius ob præclara eius in Remp. Athenien-
 sium merita decennali Urbis præfectura, & 360. æreis statuīs honoratus fuit;
 sub id tempus alia quoque calamitas Aristotelicæ doctrinæ gloriam & ce-
 lebritatem inuasit; quoniam Athenienses commutatis in Demetrium ani-
 mis, illius omnes statuas miserè prosciderūt; indeq; uerò simile fit ob in-
 fensos animos in scholæ Principem Peripateticorum totam sectam inuisam
 tempore aliquo Atheniensibus fuisse: quæ res Aristotelis gloriæ, & antiqui-
 tatis in illum admirationi ne hilum quidem officit; cum non ex doctrinæ
 ignobilitate, sed vel ex hominum vitio, vel ex alijs causis huiusmodi in Pe-
 ripateticos infortunia nata fuerint; Subinfert deinde mendacissimus nuga-
 tor post Nelei mortem per cclx. & amplius annos, Platoniam, Epicuream,
 Zenoniam, Cynicam; & Cyrenaicam sectam magna gloria floruisse, mul-
 tosque habuisse admiratores, dum tacita, & ignota Aristotelica vel omni-
 no filebat, vel nullo gloriæ nomine, & obscure Athenis tantummodo stre-
 pitare vix audiebatur. Quod aperte falsum est, quoniam Olympiade 121.
 eò se propagauerat Aristotelis nomen, vt etiam Hierosolymis clari Peripa-
 tetici inuenirentur, & inter alios Aristobulus cognomento dictus Peripa-
 teticus, cuius initio posterioris libri Machabæorum fit mentio; & qui affir-
 mauit Aristotelis philosophiam plerisque in rebus cum Mosis doctrina
 conuenire, vt à Clemente lib. 1. Stromb. & ab Eusebio in libris de præparat.
 Euang. scribitur. In eo non minus falsus est Themistius, Ammonium, Phi-
 loponum, Simplicium maiore & parte, & affectu Platonicos fuisse; quod
 ostendunt Ammonij, & Simplicij testimonia à me in Aristotelis laudem ad-
 ducta; illorum scripta in Aristotelem plura, quàm in Platonem; & ratio
 philosophandi Peripatetico magis, quàm Platonico modo instituta; subdit
 Patritius plures fuisse, qui Platonem exposuerunt, commentarijsque illu-
 strarunt, quàm qui Aristotelem; Platonisque interpretes duos & quinqu-
 ginta enumerat; Aristotelis autem quinque tantum sincere Aristotelicos
 Andronicum, Alexandrum Aegeum, Adrastum, Aspasium, & Alexandrum
 Aphrodisieum. hui Patriti, at vbi sunt illi centum & amplius Peripatetici,
 quos tu libro 11. primi tomi nominatim recensuisti? tam lubet mentiri &
 tibi ipsi pugnantia scribere? iusta ne contradictionis, & mendacij redem-
 ptio fuerit, centum illos quos nominauisti Peripateticos non sincere Ari-
 stotelicos fuisse? quos tu sincere Aristotelicos & sincere Platonicos vocas?
 illos puto qui seruili ingenio Aristotelis, & Platonis sunt sectatores: at qui
 scis tu impudentissime quos nominas Platonicos Platonis doctrinæ sem-
 per, & in omnibus adhæsisse; ab eaque ne latum quidem vnguem discessis-
 se?

sc2

Sectio Secunda.

II

se? cum illorum nihil propemodum exter; ac à Proclo, Olympiodoro, Nicolao Cusano, & Eunapio citentur solum? quamquam impossibile puto nobilem quemquam uel Platonis, uel Aristotelis interpretem sincere isto modo uel Platicum, uel Aristotelicum fuisse, aut esse potuisse: scientiæ etenim & rerum cognitiones non libris, sed animo librorum occasione comprehenduntur; mens uere scientiarum doctrix & magistra est, ipsa sibi notitiam parat; & doctrinam indit, quæ ut maxime varia est in abstrahendo, cogitando, contemplando, ratiocinando, ita varie in intelligibilium campo versatur, seque in literis proficiendo exercet, sensuum præterea in obiectis deferendis diuersitas accedit, non eodem omnium omnibus temperamento uelocitate, tarditate, pertinacia, puritate, affectu, diligentia conuenientibus: unde fit, ut perrarò eadem aliquorum de re ulla opiniones, esse possint, si quidem eodem modo intelligantur, & sub iisdem omnino conditionibus accipiantur. Fateor tamen plures ex Peripateticis Aristoteli contradixisse, quàm ex Academia Platoni, quoniam is nullis uelamentis, nullis inuolucris suam sententiam tegit, ut illi qui contra sentiunt, uel in obscuritate, & ambiguitate, uel in sacro Symbolo quod diuersam interpretationem admittere uidetur excusationem inuenire possint, ne ab Aristotele dissenfisse videantur. hic nihil planè, nihil aperte tradit, sed tantum allicit mellita oratione, atque ad penetrandos diuinæ sapientiæ recessus inuitamenta præbet: hinc paucissimos uideas ex Platonis sectatoribus positionibus, & argumentis iisdem prorsus utentes, sua quisque inuenta, uiridaria, symbola, lepores, & ordinem priuatim habet; neque qui unum intellexit, facile alium intelliget nisi nouis laboribus, & nouis uigilijs in eo uersatus fuerit; omnes tamen oratorio modo scribunt, aut lymphatico quodam stylo & instinctu philosophiam tractant; contra Peripatetici breui, acuta, seuera, graui, neruosa & ad docendum accommodata oratione utuntur; sensum ipsum in docendo adhibent; & nisi ratione sibi credi nunquam postulant; de rebus differunt non solum diuinis, ut Platonici, sed de omnibus, & de natura plenissime, de moribus, de rep. de re familiari, de animantium omnium ortu, victu, figuris, de plantis, de facultate ea quæ tota in disputando est; de Rhetorica, de Poetica, de Mechanicis; hæc ingentiam cunctis hominibus curiositatem uere explent; doctrinamq; & scientiam pro spectris, & pro phantasmatis faciunt; maiorem igitur Peripatetici, quàm Platonici sui admirationem exhibuerunt; amplius dico Platonica dogmata uix, ac ne uix quidem intelligi posse, nisi natura & rei uniuersitate bene ante perspecta; unde concludo pessimum te Platicum esse, quia Peripateticus renuis esse; sic enim sumus omnes ingenio & natura cõparati, ut per res nobis magis obuias in illorum cognitionem deducamur; quæ per uia non sunt; plures igitur Aristotelem, quàm Platonem fuerunt admirati, ob naturam totam ab Aristotele luculentissime explanatam, quæ cū bene perspecta est, iter præbet ad Platonem bene intelligendum; non ut tu nobiles Platonici senserunt, quorum nullus Platonis libros uersare ausus est; nisi Aristotele ante & bene trito atque illis ipsis temporibus quibus

tu

Exercitationum

tu præ Platone Aristotelis nomen obscurum fuisse scribis, necessarium Platonis fuit in Aristotelis aut doctrina, aut etiam libris ante institui, quam Platonis sacris initiarentur; nisi plene, & perfecte, pingui saltem quadam rudique Minerua; quid autem mirum si Peripateci nonnulli cum Aristotele aliqua non senserint; quando ipse secum aliqua non semper sensit; quoniam, ut Plutarchus scribit in libro de uirtute morum quædam, quæ antea probauerat; deinde retractauit; neque uero oportuit omni tempore plurimos in Aristotelem commentaria edere, Aristotelique insilire magis quam Platoni; quoniam uicissitudo est humanorum ingeniorum nunc his, nunc illis sese uariè oblectantiū: maiori tamen gloriæ Aristoteli fuerit à paucis patienter legi; donec, uel superficialiter intelligatur ob senticosam & uere didascalicam de rebus omnibus orationem; quam Platoni suorum illorum hortorum paucas amœnitates in omnium manibus uersari; non tamen difficultatem nego, quæ in rebus diuinis bene intelligendis sita est. hoc unum dico, quæ de diuinis pronunciantur, talia plerumque esse, ut multi illorum sibi cognitionem uendicent; cum tamen nihil intelligant; ut tu, qui Platonicum strenuè agis cum nihil Platonici nectaris præter corticem gustaueris; quod te aliquando docebimus, si uoles: sed me reuoco; quid enim tecū mihi, qui Epicuri, Aristippi, & Pyrrhonis infamia nomina Aristotele gloriosiora fuisse scribis? semper ne ad Dialecticorum fontes mihi eris remittendus? Logicorum ferulæ manum subduces semper? Ego ita scripseram. Vnum Aristotelem tota semper præ reliquis admirata est antiquitas; tu contra sic, plures admirati sunt Epicurum, quam Aristotelem; non ergo unum Aristotelem tota semper præ reliquis antiquitas admirata est: Aesclopi fabellas lege ò bone; isque docebit te in magna multitudine uix unum aut alterum hominem in balneis repertum; aut Philosophi illius consuetudinem contemplare animo, qui in media ipsa diei luce, latera hominem quæritabat: pudeat, hominum laudes & merita lanionum statera, & lancibus librare; secus ego, qui mille compares tui infimum de peripato æquare posse haud puto.

Exercitatio

VI.



NIHIL Patrio mirius cum negat solidam sapientiam in Aristotelis sciētia inueniri. Quomodo, inquit, altera in hac altera sita est, quando Aristoteles met ipse eas inter se distinguit? te Patrii abecedarium dialecticum de sapientiæ, & scientiæ distinctione audere loqui? id nisi per te ipsum in cubiculo discere potueras; ex me discere saltem debuisses eo ipso opere, quod ideo oppugnas, quia non intelligis; neque es intellecturus unquam, nisi cum deposita ea, quam de te, & tua eruditione habes opinione sine supercilio, sine fastu gymnasiorum scholas frequentabis; nec pudeat verò, quia sexagenarius es, Philosophiæ prima elementa ab alijs edoceri; pudeat potius

Sectio Secunda.

12

tius nescire: nunc uidere uideor præcipites illos tuos in excandescentiam
 stimulos magnis te, & insanis furoribus agere; menteque & ratione dimo-
 uere; me miserum si tibi Polyphemico bambalyoni hæc legenti obijcerer,
 tunderes pugnīs, credo, lacerares, dispergeres. sed ad rem. Quomodo
 inquis Aristotelis scientia solida, idest firma & certa est, quando in illa ni-
 hil est solidum, nihil firmum, nihil certum, nihil non sexcentis dubitatio-
 nibus, ac quæstionibus agitatum? cum ne Pyrrhonia quidem secta illa in
 tanto incertitudinis salo iactata sit, in quanto post Auenrois hæc Aristo-
 telica & iactata fuit, & etiam nunc est; ac forte erit in posterum. Subdit
 deinde Patritius in tantum contentionum, ac rixarum studium Peripa-
 tetici hi exarserunt, ut tamquam pro aris, & focus pertinacissime maxi-
 me cauillosis argumentationibus depugnauerint; quod sanè Græci, He-
 bræi, & Arabes minime fecerunt, sed sincerius sunt in Aristotele versati;
 Latini nominis Barbari soli hoc nugosarum quæstionum pelagus concita-
 runt; neque ob id aliquod scientiæ nomen apud suos recte philosophantes
 sunt consecuti; sed sophistarum his paucis vix dici potest, quàm ipse tecum
 pugnes; nam si Hebræi, & Arabes sincerius sunt in Aristotele uersati, ac ut
 Latini nugosarum quæstionum pelagus secuti non sunt: cur me solidam
 Aristotelis scientiam appellantem reprehendis? qui scis tu illorum ne, an
 Latinorum ego sectator siem? quamquam sim etiam Latinorum Philoso-
 phorum affecla; quid hoc ad Aristotelicæ doctrinæ reprehensionem; ipsa
 si per se solida est, firma, & certa ut à te afferebatur? nam post Auenrois flu-
 ctuare solū cæpit per te Aristotelis doctrina; ante illū ergo solida erat: scri-
 pserā aut ego hunc in modū; Aristotelis scientiam solidæ sapientiæ studiosi,
 quo altius sunt Philosophati; eò ardentioribus studijs, & firmiorib. colue-
 runt. Latini nominis Peripatetici non sunt Patritij palato solidæ sapientiæ
 studiosi, sed eristici, sed litigiosi, sed contentiosi, sed Sophisticuli; non er-
 go illorum incertitudo ad Aristotelis doctrinæ firmitatem tollendam quid
 quam facit: Vides putre silicernium, ut semper rapiare nimio studio Ari-
 stotelem in omnibus seu per fas, seu per nefas reprehendendi? nego ta-
 men tibi Latini nominis Peripateticos Sophistas esse, quia de rebus ad Phi-
 losophiam spectantibus maxime contentiosis concertationibus depugnēt,
 causam si nescis, eam senex à me iuvene, disce; Mens hominum dum tene-
 bricoso corpore concluditur obtusam aciem habet; nudam veritatem ne-
 que intuetur, neque intueri potest; quod sicut Democritus tuus dicebat
 profundo puteo demersa est: horum tibi mysteriorum penetralia si rese-
 rarem; quantus Platonice bone Deus ipse tibi uideretur? sed ne margaritæ
 porcis; Mens inquam quoniam in veritatem ipsam nudam inspicere non
 potest; sensibus eam ueluti canibus uenaticis inuestigat; ut in sensilibus si-
 mulachris tamquam in imperfectis quibusdam speculis illius saltem ima-
 ginem aliquam contempletur: sensus accidentia sola, eaque externa per-
 ciipiunt, substantiæ & essentiæ rerum uestigium aliquod uix apparet; quod
 quantum est, incertum, uarium inconstans, & multiplex existit; ob
 id necessitas cunctis nobis disputandi, contendendi, iurgandi, alter-
 candi

Exercitationum

candi de rerum ueritate ; donec eo perfectionis deducamur ; ut cum So-
 crate dicamus, hoc unum scimus, quod nihil scimus ; hinc illa Salomonis,
 qui addit scientiam, addit & laborem ; qui enim labor contingere huma-
 næ menti potest, nisi ab incertitudine, & ab ijs, quas ipsa saltem secum
 contentionibus exercet ? quod nisi esset ; nulla fidei sacrosanctæ necessi-
 tas foret, inquit Diuus Thomas ; Philosophorum igitur doctrinæ solidæ
 appellantur apte, & accommodate ad humanæ mentis naturam ; cuius ca-
 ligantes sunt oculi, languida & infirma acies : ita solidius putant eruditi
 dogma aliquod de quo in utramque partem acutis, subtilibus, & vere scho-
 lasticis argumentis disputatur, quàm illud quod quis ipse sibi, sine argu-
 mentorum momentis, etiam obstinatissime in animum inducat, firmis-
 simumque & certissimum iudicet : alter utro Patritium morbo laborare ne-
 cessum est, ut aut se scire credat, quæ leui quadam, & facili solum fide te-
 net ; quod Platoniorum plerisque cōtingere uideo ; qui malunt se ipsos de-
 cipere inani credulitate, quàm delicatula, & fabellis apta ingenia laborio-
 sis syllogismis exercere : ac pacato quodam, & securo contemplationis cœ-
 lo perfrui sese per impudentissimam infantiam mentiuntur : non de omni-
 bus loquor, sed de illis, qui Patritij similes sunt : quem nisi morbus hic
 habeat, deteriori necessarium & ægrum esse ; Origeniana hæresi à Plato-
 nicorum fontibus hausta ; quæ est ingenitas esse animis nostris rerum cer-
 tas & firmas ideas ob longorum temporum transactam uitam, antequam
 in humana corpora illaberentur : quas ipsi sibi capite fricando, scalpendo-
 que denudent, ut in illis sine labore, magna cum uoluptate (sed sumpto
 ante elleboro) puram & sinceram ueritatem contemplantur : O uos beatos
 Philosophos, qui nunquam dubitatis, nunquam ambigitis, sed certa om-
 nia, compertaque habetis : miseros uerò nos, qui Sophistæ contentiosæq;
 corniculæ sumus. sed quid dico Sophistæ : cum ne huius quidem turpissimi
 nominis per Franciscum Patritium potestas detur ? sic enim subnectit de
 33 Latinis Peripateticis loquens. Neque ob id aliquod scientiæ nomen apud
 33 suos rectè Philosophantes sunt consecuti ; sed Sophistarum ; imo ne So-
 33 phistarum quidem, quando Ar. tradat Philosophum, dialecticum, & So-
 33 phistam circa omnia entia versari ; hi uerò nisi in parte trium, aut quatuor
 33 librorum eius uniuersas suas exercent altercationes, ac bella ; quod si nec
 33 Philosophorum, nec dialecticorum, nec Sophistarum nomine non sunt
 33 verè uocandi, nec Aristotelici, nec Peripatetici sunt appellandi, falsoque
 33 sunt hæc ab eis nomina concupita, & usurpata. De quibus tu Latini nomi-
 nis Peripateticis loqueris homo inertissime ; num Albertus Magnus, D.
 Thomas, Egidius Romanus, de rebus prope omnibus non doctissime scrip-
 serunt ? num recetiores Latini nominis Peripatetici Petrus Pomponatius,
 Augustinus Suesanus, Gaspar Contarenus, Ludouicus Buccaferrea, Iu-
 lius Cæsar Scaliger, Faber Stapulensis, foelicissime idem non præstiterunt ?
 Ego scio, quod ipse tibi malum proprio iumento accersere cupias, ut hi-
 storica uidelicet, rhetorica, militaria, & Philosophica tua a Peripatetico
 aliquo proterantur, laruis, lemuribus, & bustuarijs imaginibus dete-
 ctis,

Atis, quibus vbertim scatent: at quæ tua est impurissima sycophantia, nec tunc fatebre nos sophisticulos circa omnia entia versari, sed victus etiam dum sedere in factitio triumpho voles laurea coronatus, dextra rami laurum tenens, os minio illitus, bulla ornatus; toga, tunicaque triumphali indutus, legatis, tribunis, militibus tuis hoc tibi elogium accinentibus: ELOQVENTIAE, HISTORIAE, LOGICAE, PHILOSOPHIAE RESTITVTOR. IN RE LITERARIA DEVICTIS ARISTOTELE, AVERROE, THOMA, ALBERTO MAGNO, OMNIBVS DENIQVE LATINI NOMINIS PERIPATETICIS MAGNIFICVS TRIUMPHATOR FRANCISCVS PATRITIVS SEMPER AVGVSTVS.

EXERCITATIONVM

THEODORI ANGELVTII

CVM FRANCISCO PATRITIO.

Sectio Tertia, & Exercitatio Prima.



ME arrogan tem grammatistam, & impudentem homunculum vocat hic perfrictæ frontis nebulo; quod Nicolaum Damascenum, & Plutarchum præstantissimos viros, quia Aristotelis Metaphysicorum ordinem minus probarunt incusare, audaciæque notare ausus fuerim; Ego Damasceni istius nihil vnquã sum admiratus, quia non vt tu librorum multitudine, & titulorum splendore moueor rebus de quibus authores scripserunt, minime lectis; sed ita plerique, qui illa quæ omnium maxime ignorant admirantur, vehementerque suspiciunt, vt admirabili modo admirari & sapere videantur: Plutarchum plurimi semper feci, lectioneque illius plus te profeci; quod ostendunt tua in nos maligne, impotenter, & petulanter dicta, quæ Plutarchum edocti non omnibus modis vlciscimur; ac nullos fortasse libros habeo, quos magis manibus teram, succisuiis tamen horis, illis scilicet, quibus à seueriori contemplatione mens vacua est: Tu Patrity nihil arduum, nihil difficile; sed omnia facilia, & parabilia vis; non te Mathematicorum subtilitates torquent, non Physicorum perplexitates excruciant, non Ioannis fuisse calculatoris obscuritates, nō Astrologorum dimensiones, non aliquid deniq; quod vel historicum, vel oratorium non sit: etiamne somnianti tibi recon-

D

ditam

Exercitationum

ditam eruditionem infusam iri putas? citas quidem alicubi Cusani Cardinalis testimonium, non tamen credimus molle istud tuum cerebrum diuturniorem Cusani lectionem ferre potuisse: Quod ad Plutarchum attinet, non ego illum laceſſam iniurijs, vt ſecus quàm tu exemplo tuo ſentire uidear; non obijciam mendacia à viris doctiſſimis notata; optime eum de re literaria meritum dico; ſtudijs, & opibus omnibus laudo; præclarum philoſophum, egregium hiftoricum iudico; nihil eo ad commouendos animos, vt ad virtutem incitentur aptius & accommodatius credo; ſed quid hæc ſi cum Ariſtotelis laudibus conferantur litigioſiſſime omnium audacule? ſemper ne dialecticæ ignorationem tibi exprobrabo? ita enim ampliffimorum virorum gloriam metiris, hoc modo ſcribens; Non ſunt quidem in Plutarcho A. & B. & C. tam ſpinola argumentorum formandorum; neque demonſtrationis impoſſibilis vllæ vel perplexæ, vel perdifficiles perplexitates; non inutiles illæ, & ſuperuacaneæ metaphyſicales, ſcolasticis iſtis alterationibus amicę quæſtiones; non illæ nihili, materiæ, formæ, priuationesque ex quibus præterquam tenebroſam quandam umbratiliū rerum umbram nihil percipias proſus, aut conficias; ſunt tamen in eius ſcriptis ex Chaldeorum, ex Aegyptiorum, ex veterum Græcorum libris eruta, & tradita rationi, ſenſuique magis conſona rerum principia, resque naturæ ipſius prope vniuerſæ. non ſimplici illa Ariſtotelica adumbratione, quod virtus omnis conſiſtat in duorum extremorum mediocritate; ſed præter hæc addita ſunt exempla, adhortationes, modi, quibus vel eos habitus acquiramus; & ſecundum ea opera peragamus; & in communis vitę degendę uſum veniamus: quid enim nobis proſuerit ſcire ex Ariſtotele virtutem omnem in mediocritate conſiſtere extremorum, totasque dies noctesque idipſum diſputationibus, atque altercationibus ſcholas omnes, viasque uſque ad Vulgi ſatiū perſonare, argutarique? ſi non etiam per ea doceamur, quibus modis eam ipſam mediocritatem conſequamur? qui ſane modi ac vię, ſicuti in Ariſtotele nullę ſunt, ſic apud Plutarchum multę, & varię ſunt. vt Petrarchę elegantiffimas cantiunculas cum Euclidis, & Ptolemei lucubrationibus comparare videaris; non eadem, non eodem modo, non cum eodem fine accipis; ſed ex Plutarcho credo præclaros viros nequiter comparandi rationem te didiciſſe; non ſoli nos hanc Plutarcho culpam tribuimus, ſed nobiſcum doctiſſimi quique, inter quos vir omni doctrinarum genere cultiſſimus & ornaſſiſſimus Bodinus, quem ego cum Pariſijs agerem non ſemel hiftorica tua indignabundo ore ſtomachatum memini.

Exercitatio



NIL impuro homine intolerabilis, qui frontem semel exuerit, obijcit hic mihi sententiæ meæ de Metaphysicis nouitatem; sic enim scribit: si noua sententia est; Aristotelica non est, cur ergo pro Aristotelica eam uenditas? sin vero Aristotelica est, ea noua sanè non est. hæc cine tu Dialecticæ, & Philosophiæ angustissimus restitutor? ita ne bone calculator nihil nouum credis, nisi quod ab omnium temporum memoria dissidet? an putas si tua mendacissima oratione uiri Principes impulsæ, Aristotelis in scholis lectionem prohiberent, pro eaque Platonis substituerent; non id nouum fore? num te nouum in Philosophia impostorem uerebimur appellare; quia alij quoque idem quod tu retroactis sæculis per impudentiam tentarint? Ego sim adeo impudens, ut Aristotelica Aristotele ipso melius declarare posse sperem? subnectit Patritius; ego nihil sine testimonijs, tu omnia sine ullis; Papæ iugulasti me; sed de hoc mox cum ab utroque allata testimonia examinabuntur, atque ostendetur obrui te sylua testimoniorum, ut meæ de Metaphysicorum subiecto genere opinioni assentiaris; tam malignum tamen esse, ut in apertissima, & manifestissima ueritate cecutire malis, quam nobiscum bene sentire. pergis non nouam te ex proprio ingenio de Metaphysicis libris sententiam deprompsisse, quia nihil quicquam in eo librorum tomo sine ueterum authorum testimonijs dixeris, & dicere sis professus. fingis autem homo malitiosissime, ut chartas nugis impleas, non intelligere te quam ipse meo iudicio nouam, & à ratione alienam de Metaphysicis libris sententiam edideris: non illud nouum est Patriti libros Aristotelis Theophrasto relictos esse, ab hoc traditos Neleo à tineis, atque inani Apellicontis studio, librariorumque negligentia corruptos fuisse, sed illud Aristotelem libros Metaphysicos à se non satis reuissos, nec castigatos emendandos Theophrasto reliquisse. atque item illud solos libros 1.2.

10.12.13. ad tractationem de intelligentijs pertinere, hoc est ulcus, hic morbus. vrget nos Patritius rursus hoc modo; Nullam scientiam de intelligentijs, ut tu mihi falso adscribis ijs contineri dico; neque enim in Aristotele intelligentias ullas agnosco, & nullas (quod tibi, tuique similibus Peripateticis nonius videatur) tota sua Philosophia intelligentias contineri assero? Auenroisque pessime omnium eas hoc nomine nuncupasse; pessimeque Scholasticos istos tuos eum esse secutos, neque enim Aristoteles ullarum intelligentiarum eo significatu, quo à rudibus tui magistris accipiuntur ullo in loco ullam fecit mentionem: intelligentia est noesis, intellectus actio, atque operatio, quindecies quidem Ar. lib. 11. intelligentiæ noeseos nomine utitur, dum de intellectu loquitur, at semper pro intellectus operatione, hoc est intellectione sumit; at si nescis essentia intellectus ab eius actione sanè differt; quæ ergo sunt istæ vestræ intelligentiæ non Aristotelicæ? Aristotelica intelligentia est primæ causæ,

D 2 & Dei

Exercitationum

„ & Dei intellectio, præterquam non sunt apud eum toto eo libro aliæ
 „ ullæ, neque intellectus alij, quam primus ille, quem Deum, & pri-
 „ mam causam, & primam substantiam appellat, & præter hunc unum alij
 „ intellectus nulli: idem paulo post ita subdis. & multo minus est Aristoteli-
 „ ca alia illa sententia de intelligentijs, hoc est substantijs Planetarum orbes
 „ mouentibus: quas quidem dum de eis loquitur, nunquam intelligentias,
 „ nunquam etiam intellectus uocat; sed substantias quinq; semel prin-
 „ cipia archas, neque aliter se rem hanc apud Aristotelem habere nec tua
 „ acuties, nec uniuersa Scholasticorum schola comperietis. hæc Patriti acu-
 „ mina, & subtilia inuenta non tua sunt, sed Andreæ Cæsalpini Philosophi,
 „ & Medici clarissimi, qui libro 2. Peripateticarum quæstionum, quæstione
 „ sexta unam tantum intelligentiam in Aristotelis doctrina reperiri quæ Deus
 „ est his uerbis declarat; Vnica & simplex intelligentia sui ipsius existens, suffi-
 „ ciens est ad omnium intellectiõnem; nam reliqua cum per se non possint
 „ intelligi; per illam intelliguntur; & quemadmodum unius finis rationem
 „ continet omnium, quæ finis gratia habentur, sic unica substantia separa-
 „ ta optimi rationem habens, ratio est omnium inseparabilium, & eorum
 „ quæ secundum additionem materiæ dicuntur: ob multitudinem igitur for-
 „ marum materialium non est necesse intelligentias multiplicari: ratione au-
 „ tem mouentium orbes cælestes, quemadmodum Ar. multitudinem sub-
 „ stantiarum immobilium constituit; sic intelligentiarum multitudo ponen-
 „ da uidetur: considerata enim quatenus mouet totum cœlum, una intelli-
 „ gentia est, unum enim est totum cœlum; quatenus autem partes mouet,
 „ tot erunt intelligentiæ, quot partes: simile igitur esset, ac si animam sen-
 „ tientem multas habere partes censeremus, quia multis instrumentis uim
 „ sentiendi tribuit, cum tamen per se una sit, & indiuisibilis in corde sedens,
 „ ut uoluit Aristoteles: hoc autem modo intelligentias multas esse non re-
 „ pugnat unitati, & simplicitati intelligentiæ, quam posuimus, ut enim ea-
 „ dem anima sentiendi in oculo uisus appellatur, in aure autem auditus, sic
 „ eadem intelligentia quatenus Lunam mouet, Lunæ ascribitur, quatenus
 „ autem Saturnum Saturno, & de cæteris eodem modo; de quibus frustra
 „ quæritur utrum aliàs intelligant; cum re non sint aliæ, quatenus autem aliæ
 „ concipiuntur, cum sint ueluti pes, & manus, oculus, & auris; impossi-
 „ bile est se inuicem intelligere; fierent enim idem inter se; & cum toto: sed
 „ quemadmodum anima uigente, omnia instrumenta agunt opus propriū
 „ non alienum; sic intelligentia seipsam intelligente, singulæ partes (si par-
 „ tes appellare fas est) seipsas intelligunt solum: Huiusmodi aut intelligen-
 „ tiæ in una includuntur quemadmodum partes in toto, aut numerus mi-
 „ nor in maiori, aut ut in quadrangulo triangulum; aut melius ut id, quod
 „ est secundum quid in eo, quod simpliciter dicitur, & ut linearum fines
 „ cum centro, idem enim omnium finis. Nos Patriti intelligentiarum ap-
 „ pellatione non intellectiõnes, ut vos, sed mentes seu intellectus materia
 „ carentes intelligimus, easque in Aristotelis doctrina inuenire dicimus;
 „ quod ita ostendimus. Aristot. in primo de cœlo, tex. 100. sic scribit: At de-
 „ monstratum.

monstratum est extra coelum nec esse corpus, nec etiam esse posse: patet ergo neque locum extra coelum esse, neque uacuum, neque tempus, quo circa neque apta sunt ea, quae illic sunt esse in loco, neque tempus senescere ipsa facit; neque ullius eorum est ulla mutatio, quae super extrema sunt disposita latione; sed nullis alterationibus, nullis passionibus prorsus subiecta optimam in uniuersa sempiternitate uitam, & sufficientissimam habent; diuine namque nomē hoc pronunciatum est ab antiquis &c. credidit igitur praeter Deum optimum maximum substantias quasdam inueniri immateriales, & intelligendi facultate praeditas; uita enim omnis aut ad vegetantem animam, aut ad sentientem, aut ad intelligentem refertur; carent illae substantiae corpore, & viuunt, intelligunt igitur; intelligunt igitur, suntque intellectus: ne vero confugas eo, alias esse substantias mouentes orbes secundum Aristotelem, quam quae in extrema coeli superficie beatissimam uitam agunt; Aristotelem rursus audi in lib. 12. Met. tex. 48.

quod si nullam lationē possibile est esse, quae non ordinetur ad lationem Stellarum; omnem item naturam, omnemque substantiam impassibilem, & per se arbitrari oportet optimum forsitan finem esse; nulla profecto praeter has alia natura erit; sed hunc necesse est numerum substantiarum esse; si enim aliae sunt, utique mouebunt; cum lationis finis sint, sed esse alias lationes praeter dictas impossibile est. Idem Ar. in 2. lib. de coelo tex. 12. ita scribit. Cum autem a nobis sit antea definitum tales potentias ijs inesse, quae principium motus habent, & coelum sit animatum; atque principium habeat motus, patet ipsi superum, inferumque & dextrum atque leuum inesse. Qua igitur anima coelum animatum fuerit? Num uegetante? at quo egeruntur coelestia illa stercorea? in Patritij diuinum os credo: quae erunt coelo alimenta? quae esculenta, quae poculenta tam uasto corpori sufficient? Plinij monstruosos errores adduces nobis? num sentiente? at haec illam supponit: qui item coelo oculi, auditus, tactus, odoratus, gustus? intelligente igitur anima coelum animatum est, seu tamquam forma, seu tamquam assistente; de hoc enim non disputamus modo; intelligenti animae semper inest intellectus; si solus Deus coelo mouendo, & regendo praesit, ridicule coelum scribitur animatum; ridicula etiam magis in eo superum inferum, dextrumque & leuum quaeruntur. libro item duodecimo Met. text. 35. & 36. disertis verbis scribitur Primum mouens quod immobile est mouere, ut concupiscibile, intelligibile, & desiderabile. At quo modo concupiscent, intelligent, desiderabuntque coelestia corpora si mente carent, & intellectu? quod erit primum mouens immobile; si solus Deus mouet, & post eum nulli sunt motores secundi? in libello de Mundo, quem tu nefas putas Aristotelis non esse dicere; sic scribitur. Summa quae eadem Deorum domicilium patet coelum est appellatum, quod quidem diuinorum corporum habetur plenum; quae sidera appellare consueuimus. Quod & consentit cum ijs quae 12. Met. text. 50. ita scribuntur. Tradita autem sunt quaedam a maioribus nostris, & admodum antiquis, ac in fabulae figura posterioribus relictas, quod hi dii sint, uniuersamque naturam contineat;

Exercitationum

33 cōtineat; cætera verò fabulose ad multitudinis persuasionem, & ad legum,
 33 ac eius quod conferat opportunitatem iam allata sunt, homini formes
 33 namque ac aliorum animalium nonnullis similes eos dicunt, ac alia con-
 33 sequentia, & similia his, quæ dicta sunt; quorum si quis ipsum solum pri-
 33 mum separando accipiat, quod Deos arbitrabantur primas substantias esse
 33 diuine profectò dictum putat. Dij nominantur, non Deus; cuius actio-
 nes, hoc est intellectiones ratione solum distinctas quàm bene Deunculos
 appelles ipse videris; coacta ista vestra philosophemata apud vos solos re-
 gnent. Non igitur ego tibi imposui cum primarum causarum & princi-
 piorum nomine, de quibus libris aliquot Metaphysicis agi & tractari scrip-
 sêras, mentes & intellectus separatos intellexi; sed ipse tibi imposuisti no-
 uis monstris aliena tamen acutie excogitandis, inauditisque chimæris ef-
 fingendis, vt mendacium quod uis credere, quàm in omnibus mihi non
 33 contradicere malle uidereris: quod rursus subdis Patriti Nusquam Aristote-
 33 telem dixisse in Deo intellectum idem esse cum intelligentia, seu intellectu-
 ne; manifeste falsum est, dignusque error; quem scutica emendet; totum
 textum 36. libri 12. Metaphys. lege homo omnium imperitissime, ex eoque
 disce Deum in Aristotelis doctrina purissimum iuxta & simplicissimum
 actum esse, omnis prorsus expertem potentie; ex quo ita ratiocinare, si in
 Deo intellectus differret ab intellectu, esset in eo cōpositio aliqua actus,
 & potentie, non est, non differunt ergo: hæc tu barditate ingenij non per-
 cipis, quia homo es Syllabanius, id est, qui nihil in bonis libris intelligis, nisi
 quod syllabatim scriptum, & notatum est: Non possum secus facere, quin
 animi tui improbitatem hoc loco referam; ob quam librariorum leuissi-
 mas culpas in me transfers; quod & alijs locis facis, vt eo in quo distingue-
 rint, prodistinxerint me scripsisse cauillaris; hæc Patriti conuitia in pueros,
 & mulierculas exere; non in me, qui non ista modo, sed te etiam totū, quā-
 tus quantus es magno fastu aspernor; alterius quoque leuitatis mihi in præ-
 sentia admonendus es: scribis Syrianum me non legisse; ita ne grande ti-
 bi miraculum videtur Syrianum à me legi potuisse? sed tibi paucissimo
 homini, his etiam minora magna videri solent; non tu inutile mancipium
 tanti vñires, quanti optimi libri mihi constiterunt; quos amissos semel ac
 iterum emi; nunquam tamen eadem copia; quia non in libris, vt tu, sed in
 mente scientiam omnem meam collocatam puto; sat habeo librorum, cū
 Platonem, Aristotelem, Plutarehum, & Ciceronem habeo.

Exercitatio III.



ONTENDEBAM ego libros Metaphysicorum Aristotelis
 esse, sicque ab eo appellatos, ordinatosque fuisse; tu homo su-
 pra omnem fidem ambitiosus valde conquereris nos in pri-
 mo capite stabiliendo non multi fecisse illa argumēta, quibus
 tu lib. 3. primi tomi tuarum discussionū an hi libri essent Ari-
 stotelis

stotelis in dubium verteras; ea talia erant, quodd sint à Laertio prætermiſſi, quodd nullis locis Aristoteles illos appellet; quodd confusi sint & rerum tractatione, & librorum coherencia contra Aristotelis morem, quodd minus alpha non sit eius tractationis ex Philoponi testimonio, quodd duo postremi ex Bessarionis Cardinalis autoritate, Aristotelis non sint, quodd ab initio aliud sit propositum, aliud prosecutus fuerit eorum scriptor, quæ res non esset ex Aristotelis consuetudine, nec methodo: ad horum nullum respondere volueram, quoniam vt vere dicis nihili esse & tunc putaueram, atque etiam nunc magis puto: morem tamen geram Patriti inani gloriolæ tuæ contentus te, & tua à me sæpe nominari; Age singula maximi illius, & diuinissimi ingenij tui argumenta examinemus. Ais tu, non sunt hi libri Aristotelis, quoniam fuerunt à Laertio prætermiſſi; Aio ego, possunt esse Aristotelis, tametsi eos Laertius prætermiserit; quia ab eo alij quoque Aristotelici libri fuerunt prætermiſſi, aut falso numero, & ordine recensiti; quod etiam tu fateris qui libro 2. primi tomi tuarum discussionum ita scribis; Diogenes Laertius etiamſi octuaginta, & quatuor philosophorum antiquissimorum vitas, studia, & libros ingenti, vt videtur labore & diligentia ex authoribus centum vndecim conquisierit, non tamen omnes Aristotelicos libros affecutus esse videtur; multi namque ab eo non nominati sub Aristotelis nomine extant; multi etiam ab alijs magni nominis authoribus citantur. Iulius item Scaliger comment. in primum librum Aristotelis de Plantis coactus inquit Aristoteles est aduersus philosophos quosdam extra ordinem disputare, cuiusmodi commentationes à discipulis exceptas eius nomine circumferri videtis; etenim qui Commentarij contra Zenonem & Zenophanem tanquam ab illo conscripti leguntur, illius quidem inexhausti fontis perennes aquas sapiunt; alueos tamen aliorum esse manifestum est; ergo cum inter philosophi veras & legitimas lucubrationes referat idem Laertius, facile conuincitur, quos recenset, non omnes perlegisse; nam & plerosque alios ab eodem enumeratos, à discipulis exceptos ex dictantis ore, atque confectos esse puto, quemadmodum contra ex nobilissimis aliquot sunt in ea recensione præteriti. Hoc igitur primum nihili. Ais secundo illos nullis locis Ar. appellauit. Esto. at si libros consideres, quos Aristoteles magno numero composuit, paucos admodum ex illis in suis qui extant Aristoteles appellauit. tu ipse libro 5. primi tomi confiteris libros de physica auscultatione, de cælo, priores, posterioresque analyticos ab Aristotele nunquam fuisse nominatos; at libro 4. secure, & indubie septem priores physica auscultationis libros pro germanis, & genuinis Aristotelis retines; & hoc igitur nihili. Aiebas tertio, quodd confusi sint & rerum tractationibus & librorum coherencia contra Aristotelis morem; Sed & hoc quoque nihili est cum quia tuo iudicio in priori parte tuæ apologiæ pag. 3. non id est contra Aristotelis morem; sic enim Aristotelem, & Theophrastum comparas: sed quis non approbet illorum sententiam, quos Ciceros scripsit multos Theophrastum Aristoteli prætulisse; quando & librorum eius numerum, & argumentorum uarietatem

in

Exercitationum

in Theophrasticis maiorem, quàm in Aristotelicis cernamus; & eorum qui Theophrasti supersunt, & in methodos & tractationum modos spectemus nihil superflui, nihil uanitatis habentes? quod de Aristotelicis minime dicere quisquam potest. Tum etiam quia apertum mendacium est dicere, ordinem & methodum libris Metaphysicis deesse; ostensa enim à me est methodus in calce operis mei, quæ Metaphysici libri constant: iidem præterea certum ordinem assignant Alexander & Auerroes; hæc tibi reprehendenda argumentis; & confutanda fuerat, ut de methodo aliquid scire uideri posses: sed tu prosyllogismis simplici; eaque audacissima opinionis libertate uteris, ac tibi soli plus credi postulas sine ratione, quàm Alexandro, quàm Auerroee, quàm mihi cum certa, & manifesta ratione. sic enim scribis lib. 8. primi tomi, neque Alexandri, seu Auerrois ordo me satis persuadet; nec satis ualide Nicolai sententia redarguitur; Cur ita Patriti? Subticet. sicine philosophandum, & ab optimorum⁹ authorum opinione non exposita causa discedendum? hæccine Patritiana iura? ais 4. quòd minus alpha non sit eius tractationis ex Alexandri, ac Philoponi testimonio. hui bone uir? id tibi argumento est Metaphysicos libros Aristotelis non esse? at ego secus fuissẽ argumentatus hoc pacto; minus alpha non est tractationis Metaphysicę secundum Alexandrum & Philoponum; reliqui igitur illius tractationis libri vere & indubie ex eorum saltem sententia Aristotelis sunt. ais 5. quòd duo postemi libri Metaphysici ex Bessarionis autoritate non uideantur Aristotelis. ad id Patriti in priori opere respondimus, Bessarionemque virum alioqui doctissimum hallucinatum hac in re ostendimus fuisse: ais 6. quòd ab initio aliud sit propositum, aliud prosecutus fuerit eorum scriptor, quæ res non esset ex Aristotelis consuetudine nec methodo. probe quidem si tui cerebri iudicio stemus incomparati penitus, & minime soluti, quo susdeque uertis & misces omnia, magnos in re literaria, & inconstantissimos tumultus ciens; contra, si recte, & serio philosophantibus credatur.

Exercitatio

IIII.



NSCITIAE nos Patritius accusat; quòd ut probaremus Metaphysicos libros esse Aristotelis Plutarchi uerba, per Aristotelicis à Plutarcho recitatis adduxerimus, ac iratorum instar, quorum præ furore officio non bene funguntur oculi scribere audet Plutarchum à me lectum nunquam fuisse: amabo te Patriti nequitiam depone; & nisi statutum sit præpostere de bonis omnibus iudicare Plutarchi uolumina non solum lecta à me, sed etiam lectitata existima: mitte semel sycophantiam; licuerit tibi iuueni impudentissime mētiri, nunc alia ætas, alios mores postulat: excandescentiæ impetus cohibe; & cum ingeniolo tuo dubitatio exoritur Plutarchumne, Auerroem, & Syrianum Theodorus legerit, sic cogita; Theodorus ea est legendi auiditate, ut

te, ut non ueritus rei pratiofissimæ iacturam, temporis scilicet meos nullius pretij, & nullius frugis libros non perlibarit modò, sed etiam legerit; illorum igitur lucubrationes, qui procures, & velut coryphæi quidam literaturæ iudicantur; multo credibilis fuerit eum perlegisse: Te ne ita magni, & gloriosi nominis virum existimas, ut tua, quàm Plutarchi ob discendum versare maluerim? sed peiora his quoque mala suadet ambitio: ad rem. Plutarchus postquam Alexandri ad Aristotelem epistolam recensuisset, de suo sinu hæc scribit; Quam illius ambitionem Ar. leniens purgat se de sermonibus illis, tamquam editis, & non editis: Ain igitur abcedarie, nullam à Plutarcho recitatam esse epistolam Aristotelis ad Alexandrum? nihil illis vocibus superscriptum est, non salutationis verba initio, & fine addita, quæ ad epistolæ compositionem necessario requiruntur; ob id credo te clamitare nullas in toto Plutarcho Aristotelis ad Alexandrum literas offendi; tuus etenim hic semper fuit mos, estque & erit vobis spectare, quod quidem grammaticis solent; rem ipsam nunquam considerare: pergit Plutarchus: re vera enim tractatio metaphysica ad doctrinam, & disciplinam nihil habens utilitatis specimen eruditus ab initio scripta est. Hæc dicis tu tantum continere iudicium Plutarchi de Metaphysica tractatione; esto, at non Plutarchi iudicium continent, quod iacromatici libri, de quibus Alexander per epistolam conquerebatur ad Metaphysicos referantur: id enim tanquam certum, & ratum statuitur, ut ostendit causalis illa dictio [enim] sed quod ad doctrinam & disciplinam nihil habeant utilitatis; secus si intelligas; non ego, sed tu Plutarcho imponis; neque vero te eò conuertas Plutarchum Patritiana quadam audacia velut certum id posuisse, quod maxime incertum erat; cum quia te minime decet temeritatis illud incusare; quem nuper Aristoteli anteponebas; tum quia certum signum à Plutarcho datur sui minime fallacis de hac re iudicij verbis illis ab initio scripta est. Non enim fano cuiquam probabile fuerit, cui tempus certo uotum est, quo libri aliqui scripti fuerunt, eidem illorum appellationem non etiam certo notam fuisse; quia titulus velut facem & lumen compositionibus præfert, quo cum carent, incertitudinis & obscuritatis maximæ occasionem præbent: at hoc saltem extorquebo à te Patritius inquiet nullam Aristotelis apud Plutarchum extare disertam de Metaphysicis libris mentionem; imò extat Patriti, nisi tibi cui etiam in apertissima luce caligare solent oculi, alijs saltem, te oculationibus. Nam acromaticum, nomen est generale, & commune, quo obscuriores libri, & secretiores doctrinæ significantur; huius generis aliquos Aristotele etiamdum viuo perspicuum est editos fuisse: generali autem illa appellatione non potuerunt aut debuerunt intelligi nisi illi, qui maxime sunt acromatici; tales sunt omnium iudicio metaphysici; de Metaphysicorum igitur editione ultro citroque ab Alexandro, & ab Aristotele epistolæ conscriptæ fuerunt: quod cum Plutarchus ante nos certum iudicavit; illius nos præiudicium secuti sumus; Plutarchumq; imitati, illud in Alexandri, & Aristotelis literis diserte legimus, quod tu legere nunquam potuisti, quia non in corticem, ut tu, sed in medullam

E

dullam

Exercitationum

dullam ipsam inspeximus: Agis autem more tuo Franciscus cum negas à Themistio Alexandri, & Aristotelis epistolas referri, vi magna contendens Simplicij illud, non Themistij proœmium esse; quid hoc quæso ad bene, & solide philosophandum? egregia verò illa tua ratio: Themistius initio paraphraseos in libros de cœlo, ait Aristotelis intentionem esse tractare de Mundo; in eo verò proœmio scribitur Aristotelem tractare de quinta substantia, & quatuor elementis, quæ discrepantia clare ostendit illud proœmium Themistij non esse: ita ne existimas tu Mundum aliud esse à quinta substantia, & quatuor elementis? at non ita Aristoteles in libello de Mundo ad Alexandrum. vbi Mundus inquit est coagmentatio ex cœlo, terra, & reliquis rebus, quarum natura ille continetur; quæ sunt reliquæ illæ res, nisi tria præter terram elementa? subnectis. Esse Simplicij non Themistij apparet, quia hic nullas præfationes libris suis apposuit, ille omnibus præfixit. Te ne minima ista semper torquebunt Patritij? te leuissima quæque confestantem egregie philosophaturum speremus? Ecquæ extant Themistij paraphræses ab alicuius scientiæ primo initio auspicantes illis exceptis quas in libros de Physico auditu composuit, in quarum vestibulo æque illum, vt in his præfari oportuerit? iterum subdis illud proœmium in græco Simplicij exemplari esse, in Themistij non esse: at viros habeo summos, quibus quàm tibi maiorem fidem habeo; & inter alios Hermolaum Barbarum, in quo omnia, veluti singula, summa reperiuntur, qui in græco Themistij exemplari proœmium illud legerunt, ac tamquam Themistij interpretati sunt.

Exercitatio

V.



EGAT Patritius non alio se ad suam de Metaphysicis libris opinionem probandam argumento vt, quàm illorum maxima obscuritate, nosque technarum structorem, & sine rubore mendacem vocat, qui id illi imposuerimus. Aristotelis iudicio in secundo Met.tex. 2. veritatis intelligendæ difficultas, vel à nobis est, vel à rebus ipsis; tu cum illi libri confusissimi tibi viderentur, illico Aristoteles esse dubitauisti; modoque alio ab eo, quo sunt disponendos, & collocandos censuisti: ordinem vt nos si intellexisses, ista ne somniares quidem, nedum per amentiam excogitauisses; non enim te adhuc perditæ mentis hominem arbitramur, cui mendacia per nequitiam probentur: nostra igitur modestiæ fuit, quòd diximus non te ideo falsum credidisse, quia uel improbus sis, vel stolidus omnino, & plumbeus; sed hallucinatum ob illorum librorum obscuritatem: sunt enim omnia illa tua simul congesta argumenta nimis subtilia, hoc est exilia, & elumbia; illo excepto, quo confusionis chaos, & librorum nullam connexionem in ijs criminari; quod ideo ponderis, & momenti alicuius est, quia non Patritij est; sed multorum Peripateticorum; qui tamen non vt tu, aut sicut Nicolaus &

laus & Plutarchus Aristotelem damnarunt; sed alij alio ordine excogita-
to, vt potuerunt excusare conati sunt: Tu cum gratias agere nobis debuif-
ses; impudentissima in nos conuitia, & maledicta euomuiſti; vt in lustris
semper egisse viderere; cum scortisque sapissime iurgauisse; longe etiam à
modestia Philosophorum abes, cū id Nicolao, & Plutarcho tribuis, quod
non nisi maxime temerarijs calumniatoribus fuisset tribuendum eos scili-
cet Aristotelis ordinem in libris metaphysicis acriter reprehendisse, atque
interim reticuisse eos non sic ab Aristotele appellatos, & dispositos fuisse;
quod tamen mirifice Aristotelem excusare, & ab iniuria tueri posse vide-
batur: agis etiam perum moderate cum Nicolaum vis Theophrasti primā
philosophiam (neque enim aliud scientiæ genus eo Theophrasti libello
vllus sanæ mentis dixerit) metaphysica nominauisse; cum tamen appella-
tionem eam neque Aristotelis primæ philosophiæ, neque suis de ea re libris
conuenire iudicaret; cur enim sua & Aristotelis apte, Theophrasti inepte
appellarit? quod si ea inscriptio in Theophrasti libellum scite, & concinne
quadrat, cur non apte etiā in Aristotelis & Nicolai libros de eadem, qua ille
cōpositos conueniat? illud demo sapiens æquo animo tulerit non libuisse
Nicolao in alium culpam reijcere confusionis horum librorum, quia pro
comperto habuerit eam Aristotelicam esse, non alterius cuiusquam.
Quæ te dementia tenet, quis furor agit Patriti? cuius afflatu numinis hoc
putas Nicolao innotescere potuisse? cur probabile illi uisum non fuerit li-
bros carentes titulo, uel cum falso titulo inscriptos ab alio quā ab autho-
re præpostere ordinatos esse? Sed considera ò bone, quam tu tecum ipse
pugnes; Nicolaus pro comperto habuit Metaphysicorum confusionem
Aristotelis esse, non alterius cuiusquam; eosque breuiario restrinxit, eo-
dem collocatos ordine, quo passim leguntur; (contra enim si fecisset; non
id Auerroes conticuisse) non ergo tibi per impudentiam librorum Meta-
physicorum dispositio mutanda fuerat; non item negandum, aut ambi-
gendum ullo modo eos Aristotelis esse: illud non minus absurdum; Plu-
tarchum non reprehendisse ordinem librorum Metaphysicorum: Ecquæ
scientia ò bone inutilis censeret à Plutarcho potuit, quæ constaret, causa-
rum inuestigatione, ordinateque & cum methodo traderetur? adeo ne
ab omni contemplatione Plutarchum ab horruisse? Cur igitur tam multa,
tam exquisitè de veterum Philosophorum placitis? Tu Plutarchi studio-
sus Patriti? addis, ne parum in Plutarchum, & Nicolaum iniuriarum ui-
dearis contulisse. Quomodo hi fauerunt Aristotelis doctrinæ; quam coar-
guerunt, & a qua alienas quasdam, & proprias sunt secuti, & scriptis do-
cuerunt? hui bone dialectice tu non faues Platonis doctrinæ (quando Pla-
tonicus per arrogantiam videri vis) quia Platonis aliqua te non probare
dicis? tu negas Aristoteli Plutarchum fauisse, & Polyhistori agis? quot
is ab Aristotelis fontibus petitis sententijs lucubrationes aperfit suas? in li-
bro de Stoicis contrarietatibus contra Chrysippum disputans; Quis, inquit
hoc impudentior in sermonibus fuit, qui duobus optimis Philosophis
Platoni; & Aristoteli crimini obiecit, alteri quod omnem uirtutem tollit,

E 2 non

Exercitationum

„ non solum honestum bonum relinquendo ; alteri quòd voluptate fine
 „ existente, non omnem virtutem, excepta iustitia saluari putat? mirabi-
 „ lis enim licentia est de iisdem rebus differentem, ea, quæ ipse ponit crimi-
 „ nans Aristotelem, rursus tollere accusantem Platonem ; Ergo ne optimo
 Philosopho, & quem criminari licentia & impudentia sit, Plutarchus non
 fauit? equidem credo otium te & animi molestiam fallentem pleraque,
 vt in mentem uenerunt, sub acumen calami subeuntia, chartæ statim
 illiuisse ; quòd me despiceres rude donatus Athleta ; nulliusque pretij ho-
 minem putares.

Exercitatio

VI.

ROVOCAT Patritius Plutarchum, rationemque ab eo exqui-
 rit, cur de Metaphysicorum editione Alexandrum referat con-
 quæstum esse : cū i llius Regis quærela accommodatus ad libel-
 lum de Mundo referri posse uideatur, quia & Alexandro sit in-
 scriptus, ac dedicatus, & regia methodo plana, & facili scriptus, resque cō-
 tineat regio palatui, atque viui accommodatiores. Pro Plutarcho respon-
 deo Patriti primum non debere illum aliam tibi huius rei rationem redde-
 re, quàm quòd sic ab alijs acceperit antiquioribus Philosophis, quod col-
 ligo ex certo loquendi modo, quo ab eo acroamaticæ doctrinæ ad Meta-
 physica referuntur ; tibi que aut alijs non licere friuolis ; leuissimis, nullis
 rationibus à maiorum nostrorum traditione, sententiaque discedere : Simp-
 licius non idem cum Plutarcho retulit. Eito ; sed in historiarum cognitio-
 ne maior Plutarcho, quàm Simplicio fides adhibenda est ; fuit etiam Plu-
 tarchus Simplicio antiquior ; mitto quòd ex nostra interpretatione non
 diuersa sunt ita Metaphysica à Physicis, vt idem de utrisque scribi non po-
 tuerit : respondere etiam Plutarchus potest, ideo se Alexandri quærelam
 ad Methaphysica retulisse ; quia hæc maxime sint acroamaticæ ; quid tu ad
 hoc? quæso te Patriti, barditatem tuam etiam atque etiam. considera : Tu
 sic in Plutarchum & Simplicium argumetaris De acroamaticorum editio-
 „ ne conquæstus est Alexander, plurimi fuerunt libri Aristotelis acroama-
 „ tici præter Physica & Metaphysica, ad alios igitur libros ea regis quærela
 „ referri potuit. Vicissim ego pro Plutarcho & Simplicio ita in te. de acroama-
 „ tico- rum editione conquestus est Alexander, libellus de Mundo neque
 „ est, neque cogitari potest acroamaticus, non igitur ad illum referri ualet
 „ Alexandri quærela : quod vero scribis debuisse me ostendere Aristotelem
 „ hanc inscriptionem libris illis præfixisse, antequàm tuam sententiam dam-
 „ narem : primum nego me id debuisse ; quando inscriptiones appellatio-
 „ nesque librorum non alia ratione probari soleant ; quàm recepta consue-
 „ tudine, traditioneque maiorum : secus enim omnia inuertentur, atque in du-
 „ bium reuocabuntur non profani modo, sed sacri etiam libri, tu igitur de-
 „ bebas non nenijs à Lallo Deo haustis, sed ualidis & firmis argumentis con-
 „ trarium probare ; mihi in eo, quod in schollis receptum est, standum fuit,
 donec.

donec oppositum à Patritio , vel ab alio bene, & fortitur demonstraretur: ostendi tamen optimis coniecturis Metaphysicos libros & Aristotelis esse , & sic ab eo appellatos fuisse, ordinemque & methodum optimam habere; quòd sint Aristotelis, sicque ab Aristotele appellati hæc mea sunt argumenta: epistola Aristotelis, Plutarchi; Alexandri, Simplicij, Themistij, Philoponi testimonia, à quibus passim Metaphysica nominantur, vt à Philopono nō in commentarijs modo quos in eos libros composuit, sed cōm. etiam decimo & vndecimo in primum librum de anima; à Simplicio non raro præfatione & com. in libros de Physico auditu; à Themistio in epitome Metaphysicorum, cuius sæpe Auerroes meminit; His Magnum quoque Syriacum addo, Auerroem, & reliquos, qui deinceps secuti sunt Peripateticos: omnibus his antiquiorem Nicolaum Damascenum non obscure iudico opinioni nostræ suffragari; quòd Theophrasti libellum Metaphysica appellari, quem certum est Aristotelicis Metaphysicis respondere, quòd horum librorum confusionem in Aristotelem reiecerit, non in illum, qui Patritij sententia inscriptionem immutauit: Tu uerò Logicæ ignorance nobis obijcis, quasi ex singulari enunciatione uniuersalem colligamus ita argumentantes. Nicolaus Damascenus eadem appellatione illi, quæ est horum librorum, Theophrasti quoque Metaphysica nominauit; non ergo inscriptio Metaphysicorum temerè, & casu inuenta; sed Peripateticis Philosophis vulgatissima, & vsitatissima, sed ostendis te nimis imperitum. primum quia nescis, quod sapientissimus aliquis censuit; id ita probabile uideri, ac si idem plurimi alij censuissent, ex præcepto topico: Deinde quia non consideras præstantissimos Philosophos, qualis fuit Nicolaus Damascenus numquam solos quicquam sentire, quia cuncti priorum dogmatum sectatores plurimos habent; tertium, quia non vides hanc uocem Metaphysica à Nicolao Damasceno usurpatam fuisse, ut in scholis ea tempestate tritam & notam maxime; nam si illius propria, fuisset, nouæ uocis rationem reddidisset, quam Auerroes scripto nobis reliquisset: mirum autem est, quam callide tu malitiosus anguis elabare sic scribens. Hæc inscriptio Nicolai ætate nondum forsan apparuerat; & post Nicolaum forsan inuenta. Cur nos. forsan somnias Patritio, & somniorum tuorum spectra, & monstra pro ualidissimis argumentis uenditas; vt per te quicumque in literarum studijs uersantur, ambiguitatum, & dubitationum pelago semper iactentur; nihilque de libris ullis, & librorum authoribus credere, & affirmare audeant. Quod ad Metaphysicorum ordinem attinet, is quis esset, in calce prioris operis ostendimus; sed tu. dialecticæ ignarissimus, nostram de methodo orationem intelligere non potuisti; pro refutationeque more tuo petulantissime nos cōtumelijs, & maledictis onerasti; quod peccatum à Deo optimo maximo tibi remitti postulo; liceatque Patritio pro me mihi & scriptis meis quantum lubet, imponere, modo se eundem in antiquitatem non præbeat: Alexandro. n. Aphrodisieo apertissime imponit, ita scribens; Alexander omnes Metaphysicos libros inordinatos esse sensit. quoniam id falsissimum est, cum in solo libro duodecimo.

Exercitationum

decimo ordinem Alexander desideret non in alijs: diserta Alexandri uerba hæc sunt. Confuse ad modum, & indistincte, nullo ordine, nulla serie seruata, quæ in hoc libro traduntur, Ar. inducit. de reliquis libris obscuritatem quidem prædicat, at non confusionem; sic enim subnectit idque ob nihil aliud, quam ob obscuritatem, quam ab initio uidetur affectasse: illud in Patritio maioris etiam impudentiæ; Aristotelis se se correctorem, & censorem constituere; tu ne homuncio, & grammaticis cunctis imperitior ante tribunal tuum Aristotelem omnium, quos tulerunt sæcula doctissimum tanquam reum aliquem sisti iubes? te ergo non inficiari Metaphysicos libros sic ab Aristotele ipso iunctos esse, & collocatos; sic enim scribis; neq; verò tertium illud; ab Aristotele eos libros fuisse ita iunctos simul numquam in controuersia fuit nec apud Damascenum, nec apud nos. & dicere tamen audere secus disponendos & ordinandos esse debereq; libros 1. 2. 10. 11. 12. & 13. sibi continuato ordine succedere? subnectis constat ex Damasceno, ex Afrodiseo, ex nobis, ex re ipsa Metaphysicos libros confusos esse, & nullo ordine aut methodo fuisse conscriptos; ut conueniunt hæc cum ijs quæ in 8. libro primi tomi tuarum discussionum ita scribis? neque enim Alexandri ordo me satis persuadet, nec satis ualide Nicolai sententia redarguitur, ut potuit Alexander putare eosdem libros ordinatos esse, & non ordinatos? hos geryones non uides præ stupiditate, non curas præ audacia.

Exercitatio

VII.



ER alia ignorantia tuæ senticeta in ambulemus; ac primum nouo tibi quiritatori, qui præter exclamationū status eruditionis uestigium nullum habes explicare me oportet sensum uerborum illorum quorum utrumq; est falsum; quando grammaticæ parum, aut nihil intelligis: nulla mihi in ijs de argumentis oratio de quibus mox subdebam & argumenta, quibus probantur, item falsa & captiosa: sed de conclusionibus ipsis tuis, quæ erant non Alexandrum Aphrodiseum, sed Aegæum illorum in Metaphysica commentariorum authorem esse: illud primum autoritate Auerrois probabas, a quo in præmi o super duodecimuni lib. Met. multa ex Alexandro Aphrodiseo recitantur, quæ uulgatis Aphrodisei in Metaphysica commentarijs desunt; quod ego telum in te sic retorquebam. At is saltem ex Auerrois dicto alia in hos libros commentaria composuit. Auerrois uerba hæc sunt. Dico quod inueni in libris huius scientiæ, nisi in hoc 12. libro expositionem Alexandri, neque aliorum posteriorum; & in hoc libro non nisi super duas ferè partes trium partium ipsius libris. quorum prima facie tu factus audacior sic ais ergo Auerrois dicto si stemus non probasti Alexandrum Aphrodiseum alia commentaria in eosdem libros composuisse

se; præterquam in duodecimum, subdis præterea; At si dicas Alexander
 quidem composuit, sed ad manus Auerrois non peruenere; id primum de
 sinu tuo dicis, nulla vel Auerrois, vel alius cuiusquam autoritate vteris.
 Imò de sinu meo non dico Patriti, sed de Auerrois autoritate eo ipso loco
 à te citato; quem tu legisti quidem, & intellexisti, sed per improbitatem
 conticuiisti; is sic habet. Mihi autem visum est melius esse me exponere in
 singulo capite id quod dixit Alexander clariori, & breuiori oratione, quàm
 potero; etsi quid videbitur in Themistio superfluum, vel dubium, de illo
 mentionem faciemus; idemque agemus de eo quod videbitur nobis super-
 fluum, & dubium; dicamus ergo quòd Alexander primò incipit narrare, quòd
 id quod Arist. inquit in hoc lib. 12. qui est finis huius artis est, quid necessa-
 rium; nam inter alia, quæ dicta sunt in hac scientia animaduerti; aliqua ue-
 rò habent solutiones illarum dubitationum, de quibus in duobus libris
 huic subsequenter sermonem facit, in quibusdam verò eorum tractauit
 de rebus, quæ in sunt ipsi enti, vt est ens, & de principijs substantiæ primæ;
 quæ est maxime vera; & hoc quia probabit reperiri substantiam ita se ha-
 bentem; & quid sit talis substantia; & notificatio huius substantiæ est finis
 intentus in hac arte; quoniam in duobus libris, qui hunc sequuntur nihil
 ex primario præsupposito exponet; neque quicquam ex propria opinione
 verificabit; sed in eis continetur contradictio dictorum ponentium prin-
 cipia entium esse ideas & numeras inquit. de his autem iam loquutus est
 in 2. libro huius operis; at nunc perfecit sermonem hac de re in his duobus
 inquit. ratio autem qua probatur hunc librum esse finem eorū, quæ in hac
 scientia tractatur, est id, quod dixit in principio libri tertij, & alibi; hæc in-
 quam est summa eorum, quæ præfatus est Alexander in hoc loco. Hæc om-
 nia fideliter ex Auerroe. sit ita Patriti, vt nulla Alexander in Metaphysicos
 libros commentaria scripserit, nisi in duodecimum quamquam id vix, ac
 ne vix quidem concedo, quòd nunquam Alexander in more habuerit, ex
 ijs quæ illius leguntur, selectum ex reliquo opere librum aliquem interpre-
 tari; & quòd credibile non sit, cum is in plerisque Aristotelicis libris decla-
 randis laboris, & operæ multum sumpserit, hos alijs obscuriores, & inuo-
 lutiones prætermisse; at huc nostra omnis tendebat oratio, vt ex sententia
 Alexandri Metaphysicos libros Aristotelis esse demonstrarem; an non
 igitur hoc ipso Auerrois loco, secundus, tertius, duodecimus, tertiusdecim-
 us, & quartusdecimus Metaphysicus liber citantur ab Aphrodiseo? quo
 tu præstigiator euauisse reliquos putas? eo quod sequitur, dialecticè te
 ignarum omnino prodis; quæ si dux & magistra est ad scientias quas cumq;
 percipiendas; quos tu homines speras Aristotele relicto se ad tui sectam
 collaturos, vt ex tuæ doctrinæ flosculis scientiarum coronam texant? ais
 enim: Licere ex puris negationibus negationem inferre. Qua figura ex tri-
 bus Patriti? diserta oratio est Aristotelis in primo priorum analyticorum
 cap. 31. Ergo ex prædictis liquet, quòd non solum per hanc viam fieri syl-
 logismos omnes possibile est; sed etiam, quòd per aliā est impossibile: omnis
 enim syllogismus, quæ per aliquam prædictarum figurarū fiat, certum est; has
 autem

Exercitationum

„ autem per alia constitui, quàm per ea, quæ vel vnumquodque sequuntur,
 „ vel quæ sequitur vnumquodque, non contingit; ex his enim propositio-
 „ nis, & medijs sumptio est; quare nec syllogismum per alia fieri possibile est.
 At figuras, & figurarum formas omnes percurrere; nihil reperies, quod ex
 solis negantibus constet; pergamus. Aio ego argumento esse commenta-
 ria ea Alexandri Aphrodisieci esse; quia plurimis locis habeat, quæ ex illis à
 Syriano recitantur; ais tu maiori argumento esse, quòd Alexandri Aphro-
 disieci non sint, quia aliqua non habeat à Syriano recitata; cum tamen con-
 cedas nō pauca ijs deesse; vter ergo nostrum logicoteros est? vter audacior,
 & obstinatio? vter nequior? tibi quidem inter Logicos primatum sponte,
 & lubens concedam, Chrysipo melius quæstiones omnes dubias, conte-
 ctas, acervatas, corneas, nullas, mentientes, negantes, metentes, crocodoli-
 tas explicare posse ingenti clamore, & applausu vociferabor; modo ne gra-
 uate feras in tanta gloriæ sublimitate summæ quoque audaciæ, sycophan-
 tiæ, temeritatis, & improbitatis insignia gestare; quàm nequiter venerandā
 vetustatem accipias, vide: ob vnum locum in quo illorum in Metaphysica
 commentariorum auctor, de quibus disputamus Sosigenis cuiusdam præ-
 ceptoris sui meminit; & multos alios expungis quasi à sciolo interiectos; &
 Philoponum præstantem Philosophum mendacij accusas; cum ego nihil
 expungam, nec Philoponum damnum, nec vt tu temerarij quicquam au-
 deam; quis te Deus monuit non illum potius locum à sciolo interiectum,
 in quo Sosigenis mentio fit, quàm alios, in quibus auctor seipsum Alexan-
 drum Aphrodisieum nominat? quamquam non est, cur me contentione
 hac magis fatigem; cum tu inuitus causa cedas, vltroque manum veritati
 „ des indirecta hac, & aliqua confessione in nos insiliens. Sed si tibi conces-
 „ serimus commentaria hæc Aphrodisieci esse, ecquid nobis erit premij? tibi
 „ certe nihil; quando ex eis non probas quod putasti; hæc commentaria
 „ Aphrodisieci sunt; ergo Metaphysici libri Aristotelis sunt? ergo Aristoteles
 „ Metaphysicorum nomen eis imposuit. Imò vero probo; & quia Alexan-
 der Aphrodisieus hos libros tanquam Aristotelis est interpretatus, Alexan-
 droque quam tibi magis credimus: de quo sic Auerr. comm. 14. in 3. lib. de
 „ anima; Alexander, vt credimus, & vere scimus, fuit vnus de bonis exposito-
 „ ribus Aristotelis; & propter famositatem istius viri apud modernos nullus
 „ est sciens, & perfectus apud eos, nisi qui est Alexander; & quia idem ab
 appellatione hac haudquaquam abhorruit; sed ea velut scholis Peripate-
 ticorum minime noua vsus est; quam vterem consuetudinem studiosi om-
 nes debent, amplecti, profectamque ab Aristotele putare, donec firmis, &
 validis argumentis contrarium probatum non fuerit.

Exercitatio

Sectio Tertia.
Exercitatio VIII.

21



QUIECTA à me tibi fuerat nimis audax licentia plurima ex
Metaphysicis libris adimendi; quam redargutionem tu sic ex-
cutis; mendacem me, & calumniatorem esse; teque aliud ex
ijs libris non ademisse, quàm integrum librum minus alpha;
& particulam illam quinti libri, & uniuersaliter sic prima. &
de ente uti ens, huius est contemplari; & quid est, & quæ insunt uniuer-
saliter uti ens; nolo in re perspicua longus esse; ipsissima uerba tua appo-
nam ex lib. 8. primi tomi pag. 66. secundum Venetam editionem, quæ per-
fecta est anno 1571. ex quibus nostrum uter mētiatur iudicare eruditi pos-
sint. Plerique omnes qui hanc rem scriptis tractarunt non plures, quàm
quatuor librorum Aristotelicorum ordines constituerunt; Logicos scili-
cet, Physicos, Metaphysicos, & Morales; qui uerò libris his non contine-
rentur, extra ordinem esse sunt arbitrati; nos uerò alios ordines consti-
tuimus, dicimusque octo eorum librorum ordines seu genera esse omnia;
Logicum uidelicet, de Ente, de Sapientia, Mathematicum, Naturale, Medi-
cum, morale, artificiale; eaque genera octo ita se se ordine consequi, ut
modo sunt à nobis nominata; Logicique ordinis esse librum Perihermenias;
Analytica de Syllogismo, demonstratiua Analytica, Topica, Elenchos;
ordinis uerò de ente esse eum, qui est tertius Metaphysicorum, quartus
Cathegoriæ, quintus, sextus, septimus, octauus, nonus, ad sapientiam
pertinere libros primum Metaphysices, idest maius alpha, secundum, deci-
mum undecimum, duodecimum, & tertiumdecimum; eosque qui contra
Zenophanem, & Zenonem, & Gorgiam inscribuntur: rursus in pag.
70. ita scribis, Entis scientiam comprehensam, & tractatam ab Aristotele
dicimus libris 3. 4. 5. 6. 7. 8. & 9. & præterea libro Prædicamentorum; sed
inter hanc tractationem multa, quæ ad Logicam pertinent eum inseruisse,
asserimus, ut libri 4. cap. 7. & 8. libri 6. cap. 4. 5. 10. 11. 12. 13. 15. 17. libri
item 7. c. 6. & lib. 8. c. 12. & libri 9. cap. 6. 10. 11. 12. quæ capita omnia pro-
culdubio Logici sunt generis, etiam si his libris confuse interposita sint;
quam ob causam proculdubio Nicolaus non dubitauit hos libros confu-
sos appellare, debereque eorum doctrinam meliori ordine doceri asse-
ruit, quos nos item non dubitamus in tres scientias distinguere: nam capita
modo citata Logica sine ullo dubio sunt; reliqua eorum librorum ad en-
tis scientiam pertinent: sex uerò reliquis libris ad sapientiam referuntur.
hæc à te scripta esse negare non potes Patriti: an non hoc est plurima lo-
ca, & libros integros ex Metaphysicis pro tua uoluntate adimere? at in-
quiet Patritius, Aristotelem de industria trium scientiarum permixtione
confusos illos libros reliquisse, & in unum corpus coagmentasse tanquam
vnius & eiusdem argumenti. hui bone censor etiam bardum, stolidum,
ineptum Aristotelem facis: rursus eo si se recipiat ab alio quopiam libros
Metaphysicos sine ratione iunctos esse; illum iterum urgebo: primum id

F pugnare

Exercitationum

pugnare cum eo, quod ante statutum est: deinde eundem adimere qui etiam male iunctos disjungit, dissoluitque: hac reprehensionis occasione, quod Patritius loca plurima ex Metaphysicis aut expunxerit, aut ademerit, communi Peripateticorum ab extremis usque temporibus consensu recepta; respondet is Alerandruu, Philoponum, Auenrois, & Latinos deinceps sequutos Peripateticos communem Peripateticorum consensum non efficere; imò se certo scire scholasticos scriptores minime fuisse Peripateticos. quæso te Patriti à quibus tu Peripateticis in re ambigua uota censes exquiri oportere? ab illis ne, quorum nihil extat; an ab alijs quorum in Aristotelem lucubrationes inueniuntur? at nos omnium testimonia proferimus, quorum aliquid in Aristotelem editum est; tu ab orco usque suffragatores Peripateticos quæris; de quibus præter nomen uix scire possumus aliud; missam semel fac si sapias putridam istam tuam, effectam, & rancidam antiquitatem à tineis & muribus corrosam, & præ morbo inertissimam; credereque incipe Latinis quàm Græculis non minus ingenij, & iudicij fuisse; mentis acumine & ubertate; differendi subtilitate, incredibili ui, atque copia argumentorum robore & nervis orationis certum est hos ab illis uictos, & superatos esse; dictionis Luxu, lasciuiantis eloquentiæ cincinnis troporum lufibus Græci, & veteres aliqui Latini recentioribus scholasticis præstiterunt, non sapientia.

Exercitatio

IX.



IS non memorari alium Sosigenem, quàm illum, qui fuit sub Iulio Cæsare: num Philoponus non alium memorat? eum scilicet qui Alexandri Aphrodisieii magister fuit. Respondes non de Alexandri Aphrodisieii, sed de Alexandri Aegei præceptore Philoponum loquutum esse; qui idem fuit, qui ille, cuius censura sub Iulio Cæsare annus correctus fuit. at Philoponus Alexandrum illum per antonomosiam interpretem appellat; quod Aphrodisieii proprium fuit, non Aegei; iterum defendis te satis esse communem hunc titulum utrique Alexandro accommodare, quàm Philopono attribueret, quod nequaquam dicit; & tempora confundere, quandoquidem & Aegeus Aristotelem sit interpretatus. hoc igitur profecimus Patriti nostra in te & Africana monstra tua disputatione; ut in re saltem aliqua sententiam mutares; teque impudentiæ tuæ modo aliquo puderet; secus enim nunc, quàm olim scribis lib. 3. primi tomi tuarum discussionum, Philoponum uocas hominem minime accuratum, quod Aprodiseum Alexandrum pro Aegeo nominauerit; nunc ut illum excuses, nouam & inuictam insaniam pronuncias, utrumque Alexandrum interpretis cognomentum habuisse, ut solita illa tua arrogantissima audacia omnia milceas non libros modo, & librorum auctores; sed illorum etiam nomina, cognomina, professionem: quod scribis deinde ad Proclum Platonicum Lycium alium

aliud quendam Proculum me ex meo sinu confectum produxisse manifestum & apertum mendacium est: non ego solus, sed plerique etiam alij quibus te doctrina & eruditione cedere oportet & Proclum, & Proculum, & utrumque Platonicum nominant; eundem ne Philosophum an alium intelligant ea nominis varietate non magnopere laboro; hoc habeo satis, non male me fecisse, qui & Procli, & Proculi testimonium adduxerim. Marfilium Ficinum scio lib. 9. epistolarum inter Proclum & Proculum nullam albam lineam signare; atque eundem uirum utroque nomine significare; at illud quoque scio duos Suidam proclos facere præter Lycium illum, cuius aliqua in Platonem leguntur; & contra quem Philoponus eternitatis refragator scripsit; Vnum è Sicilia Malleotem Patria, qui scripsit in Sophismata Diogenis, & contra Epicurum; alterum cognomento Proculeium è Laodicea Syria, qui scripsit Theologicum in Pandoræ fabulam Hesiodi, in aurea carmina, isagogem in Arithmeticam Nicomachi; & alia quædam, huius putant aliqui commentaria esse ea in Euclidem & Ptolemeum; quæ à te & alijs Proclo Lycio attribuuntur: præter hos tres quartum Proclum Naueratitam Philostratus commemorat, quem se dicit præceptorem habuisse; Athenisque cum honore docuisse. Hæc omnia ante me obseruauit Raphael Volaterranus lib. 18. Anthropologiæ. quam igitur culpam commerui, si ut omnium opinioni satisfacerem, loco, quo historici partes non sustinebam, & Proclum, tamquam Suidæ Proculeium nominauim? cum scirem in libris utrique attributis, quæ ego dixi testimonia extare? Hic mos tuus Patrity, minimas quasque fibras quærere, quas dilanies; quem in oculis trabem gestas non uidere, in aliorum oculos Argo acutior existere, ut festucam uidere possis; negas te scripsisse non extitisse nisi duos Alexādros Aristotelis interpretes, omninoque uideri uis tibi ipsi te non contradixisse; at ò bone, denuo nunc considera tuâ ipsius oratione in lib. 3. primi tomi pag. 21. secundum Venetâ editionem; ea talis est. nullius enim
 „ alterius Alexandri, quàm Aegæi, qui Neronis præceptor fuit: & Aphrodisiei,
 „ qui Antonini tempore floruit mentionem factam reperi inter eos, qui Aristotelis libros interpretationibus explicarunt; an id non tantidem est, ac scribere non nisi duos Alexandros Aristotelis interpretes extitisse? quod ad alios tuos tertios, quartos, & quintos Alexādros attinet, quos præter Aegæum & Aphrodisieum recantata palinodia fuisse, deinde scripsisti; non nobis tantum nunc otij suppetit; ut eam totam historiam examinare possimus; alius dabitur ad id agendum commodior, & opportunior locus; nisi te penituerit desipuisse; sat fuerit modo te tibi ipsi contradicentem ostendisse: ac non dubito quicquid tu audacissimus homo iniuriarum in nos effutias; ut meretricum exemplo rationem à te stare imperitæ viciniq; suadeas; quin magnopere erubueris, te tantum hominem ab homuncione euctum contradictionis fuisse; at perdoluerat, ob id ad conuicia; tanto maior uir es.

Exercitationum Exercitatio X.



QUOD Metaphysici libri Aristotelis sint, & pro Aristotelicis
 semper habiti, vsus præterea sum Syriani, Themistij, Philo-
 poni, Auicennæ, Auerrois, Diui Thomæ, & Bessarionis testi-
 monijs: de Syriano non dubitas: nugaris tamen, & nos
 turpissime calumniaris, vt quando Logicè non potuisti;
 ambubaiarum dicacitate vicisse videare: non permittam ta-
 men, vt tuis maledictis respondendo lectoris operam abutar; tua sit ista
 scurrilitas, & contumeliarum inanitas; mei moderati semper mores erunt:
 Themistij testimonium non putaui operæ precium tibi adducere, quia cre-
 didi te Auerrois commentaria legisse, in quibus Themistij in Metaphysi-
 cos libros interpretationes frequenter adducuntur. quæ de Philopono
 scribis meræ quisquilæ sunt; sic Philoponus Metaphysica inscripta est tra-
 ctatio hæc, non secundum habitum rei, sed secundum ordinem lectionis:
 tu in Philoponum sic inscripta est, inquit; at non id ab Aristotele, inquit,
 imò fere apertè ait, non ab Aristotele, dum ait, non ex habitu rei; quoniam
 Aristoteles omnes libros suos ex re subiecta inscripsit; quam rem ex inscri-
 ptionibus Aristotelicis, non alienis, inductione quisque colligere potest;
 hæc non ex habitu rei; ergo Aristotelis non est. Num enim non putas, si
 is ab alio, quàm ab Aristotele, hos libros inscriptos esse credidisset; quòd
 non id palàm dixisset? cum præsertim nouo & insolito titulo secundum
 te appellatos censuerit? secundum ordinem scilicet lectionis, non secundum
 habitum rei? non tamen verum est, Aristotelem omnes suos libros ex re
 subiecta inscripsisse; vt tu solita illa tua facilitate, ne dicā temeritate enun-
 cias; non enim exoterici, non encyclij libri, non Nerinthus, nō Menexenus,
 non Grillus & similes; non item Eudemia, Auicennam scribis te non me-
 minisse Metaphysicos libros, aut Metaphysicam scientiam vnquam nomi-
 nauisse; non vacat modo per omnia Auicennæ volumina exspatiari, lon-
 goque excursu lectionis peruicaciæ tuæ, ergo grauiora in bonis literis stu-
 dia remorari; Vnum tibi Auerroem oppono, cuius comm. 30. in tertium
 librum de anima, verba hæc sunt. Auicenna non est imitatus Aristote-
 lem nisi in dialectica, sed in alijs errauit, & maxime in Metaphysicis, & hoc
 quia incipit quasi à se. Dignus verò es Francisce, cuius libros omnes eru-
 diti eum risu excipiant; cum etiam Auerrois & Diui Thomæ sententiam de
 Metaphysicis libris in dubium vocas; illius, quòd non nisi ter Metaphysica
 suis in illa commentarijs, & epitome nominarit; quoties voluisses Patriri?
 huius, quòd non disertis verbis scribat, sic hosce libros ab Aristotele nomi-
 natos, & dispositos fuisse; & quòd aliàs præter hanc tractationi huic appel-
 lationes tribuat: quem tu hominem Diui Thomæ in Metaphysicos libros
 commentarijs præfixisse titulum putas? cur non ab auctore ipso profe-
 ctum credis? quis te furor agit, quæ vrsania dementat? altera ratio non
 minus absurda est; verba hæc sunt Diui Thomæ: dicitur enim scientia diui-
 na,

na, siue Theologia, in quantum predictas substantias (diuinas) considerat;
 „ Metaphysica in quantum considerat ens, & ea, quæ consequuntur ipsum;
 „ hæc enim transphyfica inueniuntur in via resolutionis, sicut magis com-
 „ munita post minus communia; dicitur autem prima philosophia, in quan-
 tum primas rerum causas considerat. Ex his te, & ignorantiam tuam ita
 ferio Patriti: solet semper Aristoteles libros suos ex re subiecta inscribere,
 vt tu arbitraris: Diuus Thomas Metaphysicos libros sic appellatos credit; in
 quantum considerant ens, & quæ ens consequuntur; ens eiusdem Diui Tho-
 mæ iudicio in eadem præfatione est res subiecta librorum Metaphysicorū;
 rectius igitur, & magis Aristotelice Metaphysici, quam alio modo sunt hi
 libri inscribendi; tuo & Diui Thomæ iudicio si quidem stemus.

Exercitatio

XI.



CRIPSERAM in præcedenti opere neminem ideò debere
 de Metaphysicis libris dubitare; quia diuersis nominibus ap-
 pellati ab Aristotele fuerint; causamque reddideram, quoniã
 alij quoque Aristotelis libri, vt illi qui sunt de physico auditu,
 de cœlo priores, & posteriores Analytici, Elenchi, de sensu, &
 sensibili diuersis ab ea quam habent appellationibus, fuerint ab Aristotele no-
 minati: ob hæc tu nos indigna te scurrilitate derisisti, iocoque & ludibrio
 habuisti, quasi rem dubiam re magis dubia ostenderimus. quòd libri de
 Physico auditu, de cœlo, priores, & posteriores Analytici, Elenchi, & reliqui
 illi quos nominavi in eadem cum Metaphysicis controuersia positi sint;
 proindeque demonstrandum ante fuisse eos omnes Aristotelis esse, & ar-
 gumenta tua, quibus in dubium vocabantur diluenda; quid respondeam?
 nisi te pluris tua æstimare, quàm par sit, & quàm re uera æstimantur? non
 ego id agebam tunc, vt singula Patritij somnia confutarem; hoc enim ar-
 gumentum opusculi illius mei materiam rerum scriptarum, numero lon-
 ge superabat; fiet id citius, quàm tu speraueris, ac poenitebit fortasse nos ad
 istud operis tanto supercilio induxisse: quod ad præsentem occasionem
 spectat; non tanti esse vidi apud eruditos viros discussiones illas tuas, vt ob
 eas illorum aliquem vel latum vnguem à recepta in scholis de Aristotelicis
 libris opinione recessurum iudicaret; nugas, deliria, portenta tua sinu tuo
 conde, aut illis vendita, qui Peripatetici non sunt, neque esse volunt; bonis
 certe, & veris Peripateticis fucum nunquam facies, nisi meliora, & firmio-
 ra attuleris: non ego te præfatione illa mea suatum volui, quem noueram
 perditæ, & iniquæ mentis hominem esse; neque de Nizolijs, & alijs com-
 paribus tui quicquam scribens cogitaui; sed ad Peripateticæ sectæ studio-
 sos me & mea omnia retuli, atque etiam referam; apud quos de libris illis,
 quos ego recensui de Physicis inquam, de Cœlo, de Analyticis, & de Elen-
 chis dubitare num Aristotelis sint, summum, & iniustissimum nefas puta-
 tur; ita credimus, ita persuasum habemus nos, qui Patritiani, & Nizoliani
 non

Exercitationum

non sumus: Metaphysici libri Aristotelis non sunt, nisi etiam illi, quos nominavi Aristotelis sint; ac si in hoc certaminis nostri brauium positum censes; sponte ex contentione cedo; tuum brauium esto; modo vicissim concedas tu nobis Metaphysicos libros indubie Aristotelis esse, si illi, quos commemoravi, Aristotelis sunt; quos esse Aristotelis (vide quam ignauiter, ne dicam benigne tecum agam) non alia ratione à me probatum, & demonstratum, volo, nisi simplici illa nostra, rudique, & pagana in scholis fide, quæ si vana, & inanis est, ac tum de nobis, & de Academicarum gymnasijs omnibus: solosque Patritium, & Nizolium iuuentuti ad capeſcendâ Philosophiam Principes statuimus; neque verò dubito sæpe te de hoc principatu cogitare: ac tantisper insignia, fascēs, & lictores expectare, dum Peripateticorum (quos tu nimis iniquus ne hoc quidem nomine dignaris) Pontificem Maximum, Imperatorem, & potentissimos Reges nausea capiat: atque in te solum, (quando Nizolius fatis cessit) admirationem omnem suam conuertant: & te solum publicis gymnasijs præficient, vt in summa dignitate collocatus scholasticos omnes, qui è suggestu modo docent, miseris modis accipias: me qui capite tantum in Peripato sim census, cruci etiam affigi iubeas: sed extra iocum. Improbitate tua Patriti opinionem omnem meam superas: credideram ego laudabili quadam exercitatione tertio illo primi tomī libro te Philosophiæ studiosos tantisper torquere uoluiffe, donec in libro quarto, veram de Aristotelis libris dijudicationem afferres; sic enim librum eum inscribis Aristotelicorum
 3. librorum dijudicatio; in quo neque Physicos, neque Metaphysicos libros negas esse Aristotelis; at ut uideo nequiores, quam putaram, cum toto eo
 4. libro in id maxime incubueris, ut ingenij tui laruas per dissimulationem tegeres: ne monstris tuis supra modum horrificis Peripateticæ doctrinæ amantes uiri turmatim in caput tuum concitarentur, imo es adhuc nequior; nā si uerè tuo iudicio; ut scribis libro tertio de tot Aristotelicorum
 3. librorum numero soli supersunt quatuor, qui omnem controuersiam effugerunt, mechanica, & libelli tres contra Zenophanem, contra Gorgiā,
 3. & contra Zenonem. quæ tua est improbitas Aristotelem diuinum uirum in cæteris tuarum discussionum tomis ob ea quæ illi falso (vt tu putas) attribuantur toties carpere? Lacerare? maledictisque & indignis contumelijs incessere? longe tamen ab opinione tua Iulij Cæsaris Scaligeri iudicium abest, asserentis manifestum esse commentarios contra Zenonem & Zenophanem scriptos, non ab Aristotele compositos fuisse.

Exercitatio

Exercitatio XII.



TA me dij, deęque ament Patrĩti; nihil te uidi unquam in-
consideratius; quia scriptum à me fuerat solere Aristotelem
libros suos interdum sub generalissimis appellationibus cita-
re exotericis, encyclijs, ecdedomenis & similibus; tu phre-
nesi deceptus tua ob id ita à me fuisse scriptum putauisti; ut
ostenderem mihi haudquaquam probari; quæ tu de his appellationibus
in 6. libro primi tomi decreuisti. exotericos nimirum, acromaticos, &
„ epopticos Aristotelis libros illos esse; quos domi retinens non ediderat;
„ exotericos uerò ecdedomenos, & encyclios, quos emiserat, ut vulgo le-
gerentur. Non id ego contendere uolui tũc, an id abste uere scriptum esset;
etiamq; atq; etiã falleris Patrĩti; in hoc si maxime eo libro me respexisse pu-
tas; ut refellerem tua; nihil vnquam minus; per syllabum te, & tua nomina-
ui; neq; dignus uisus es, de quo anxio magis animo cogitarẽ generalissimas
appellationes uocaui: quæ non librum aliquem certo, & speciali titulo in-
dicant, sed multis cõmunis existit; tu quia grammatistis cunctis deteriores,
& verborum nihil intelligis, generales appellationes pro plurimis appella-
tionibus es interpretatus: quis te grammaticem istam Patrĩti docuit? Quis
item malus Dæmon suasit appellationis nomine inuulgatos libros signifi-
cari? cur nondum inuulgati libri, appellationibus, hoc est titulis & inscrip-
tionibus careant? sic autem scribis: nam si appellatio hæc libros. inuulga-
tos significat; tales autem perpauci fuerint; quomodo hæ appellationes ge-
neralissimę? Sed præ nimio in me, dum scriberes, furore hæc nequiuisti ani-
maduertere: pudeat senem iam sexagenarium; qui Philosophus haberi cu-
pit cœco etiam dum in re seria appetitus, motu duci, & sensus effrenes im-
petus nondum domuisse.

EXERCITA-

EXERCITATIONVM

THEODORI ANGELVTII

CVM FRANCISCO PATRITIO.

Sectio Quarta, & Exercitatio Prima.

» **I**NEPTIAE sunt illæ tuæ; meam de Aristotelis in Meta-
» physicis libris instituto sententiam non esse Peripate-
» ticam, quia noua sit; & nihil Peripateticum uideri,
» quod in Peripato receptum non est. Ego verò ab Ari-
» stotele, qui sectę Princeps fuit, Peripateticos appella-
» tos puto, & Peripateticum esse existimo quicquid cum
» Aristotelis doctrina conuenit; si quæ in Peripato dog-
mata reciperentur, quæ Aristotelicę doctrinæ aduersarentur; illa nunquā
putarem Peripatetica esse: nusquam igitur non erras; ad eò in minimis ca-
ligare, in mediocribus cęcutire, in maioribus cęcum esse, in maximis
infanire decretum tibi apud te est: ad librorum Aristotelicorum diuissio-
nem accedamus, quos ego duplici dicebam genere contineri. acroamati-
co, & exoterico, illo recondito, & didascalico; hoc populari, & ad vulgi
sensum accommodato, quod non ex me ipso protuli, ut tu plerumque so-
les tua, sed ex Cicerone, ex Gellio, ex Plutarcho, ex Ammonio, apud quē
tu quid esset demonstratiua methodus præ imperitia nunquam intelligere
potuisti; eam enim sic dictam putas. quasi demonstrationibus constan-
tem; scilicet, ex Philopono, ex Simplicio, & ex Galeno; quorum testi-
monia cum à te in 6. libro primi tomī, tum ab alijs plerisque ante te ob-
seruata, notataque fuerunt; quę etsi dissidere inter se modo aliquo uiden-
tur; conueniunt tamen in eo cuncta, exotericos libros fuisse, qui popula-
riter, & accommodatè ad vulgi sensum, & vtilitatem scripti essent; tu qui
inconsultè semper, & præcipitanter censoriam dignitatem tibi arrogas; se-
cus quam illi de hac quęstione pronuncias: scribis enim uocem hanc exo-
» tericum interdum significare idem, quod probabile, extra rem, dialecti-
» cum, vanum, logicum, & quod denique Philolophice, & scientificę scri-
» ptum non sit, idque colligis ex primo eundem. ex 5. de gener. anim. ex 9.
» Met. & ex primo, 4. & 7. Polyt. hoc bene, quia ex Aristotele & ex ueritate,
interdum verò accipi pro eo, quod inuulgatum est, & palam editum;
» cuiusuis illud librorum generis sit; atque ita fieri, ut ijdem libri, qui an-
» tequam ederentur, acroamatici uocabantur; postquam sunt editi, exote-
rici dicantur. hoc male, quia non ex Aristotele, & ex ueritate, sed ex tuo
cerebro. uis tamen uideri nō prorsus inaniter apotelesma istud excogitas-
se;

se; primum quia ex Aristotelis, & Alexandri epistolis colligatur ecdedomenos libros, eosdem fuisse, quos inuulgatos, & palam editos. Esto atque acromaticos ecdedomenis sicut contrarios opponi; hoc est tanquam nondum editos, & inuulgatos. hoc vero Patriti & nego, & pernego: neque Strabonis verba hilum pro te faciunt; non enim is scribit solos exotericos libros à veteribus Peripateticis habitos fuisse, sicut Guarinus Veronensis, & Angelus Politianus videntur fuisse interpretati; sed præsertim, & maxime; quæ res te minime latet: sint igitur Physici libri uiuo Aristotele editi; non tamen hinc deducitur exotericos illos fuisse: libellum eum, qui de Mundo inscribitur, ego sanè qui scolasticæ theologiæ innutritus fui, verè exotericum puto, hoc est vulgarem, & popularem; & mecum omnes doctiores uiri, præter unum Patritium; qui tamen doctus non est. Discutiamus modo, quæ tu contra veterem secundum omnes, uno Sepulveda excepto Polyticorum scholiastæ Aristotelicorum librorum diuisionem in duo genera acromaticum, & exotericum obiecisti; ac primum, dilemma illud tuum insulsum est, quo ita in me argumentaris. Triplex antea dixeris Aristotelis librorum genus exotericum, encyclium, & ecdedomenum, hæc tria uel unum & idem sunt, uel sunt inter se diuersa; si diuersa sunt, & his accefferit genus acromaticum; quod nunc pro altero generi ponis, iam 4. librorum genera erunt, & non duo, ut ais. Si tria illa unum & idem esse dixeris re ipsa; duo sanè erunt; & in nostram sententiam descendis; & veram esse fateris, & tuam duorum horum generum interpretationem falsam esse fatebere: Ego Patriti duo illa exotericum, & encyclium vnum & idem esse re ipsa dico; at ecdedomenum non ad hoc genus pertinere, cum ab utrisque differre, & cum utrisque conuenire possit: non enim diuidebantur à me Aristotelici libri, nisi secundum methodum, qua traditi fuere; & quæ aut scientifica, aut popularis fuit; adscititium autem est utriusque generis libris, quocūque ordine & arte comprehensis inuulgari, vel non inuulgari: Tu igitur pernicax, tu audax qui sine testimonijs, sine ratione tibi credi postulas Physicos, ac Metaphysicos libros exotericos fuisse; & idem esse exotericum, & ecdedomenum; non ego, qui tritam à maioribus nostris uiam sequor.

Exercitatio

II.



Neco, quòd scripseramus acromaticis libris collectiones contineri methodo traditas eorum, quæ in scholis Ar. exposuerat; inconsiderate, imperite, impotenter, addo etiam stulte à te exagitamur; quem uehementer miror à me importune exquirere; apud quos ego scriptores repererim acromaticos libros breues collectiones fuisse eorum, quæ studiosi in scholis ab Aristotele audiuerant; quasi non nota esset omnibus doctis Aristotelis in Philosophicis, & vere acromaticis libris diuina breuitas; quas is cum ipso na-

G turæ

Exercitationum 92

tura opere contendit; ita ut fucus addi, non res ulla queat; deponi uerbum sine rerum detrimento, sine veritatis perniciē nequeat: ita nihil aufert otiosi, ut nihil omittat necessarij, ut doctissime & eloquentissime scribitur à Iulio Casare Scaligero; cum necessum tamen sit eum de ijsdem rebus viua voce ante differentem à concisa illa, scrupulosa, & molesta Philosophorum dictione, ob naturalem copiam, & vbertatem orationis; atque ob interpretis in docendo consuetudinem longius recessisse; non igitur ex alijs libris seu proprijs, seu alienis acroamatica collectiones desumebant; sed ex viuo illo, & diuino Aristotelis latice: neque tu si grammaticæ quicquam intelligeres, uerba mea secus unquam fuisses interpretatus: diserte enim scripsi acroamatica collectiones continuisse eorum quæ Aristotelis doctrinæ studiosi in lyceo ab eo audierant. Quod ne tibi nouum uideatur, cuius calamo, mente etiam tua in uita ueritas interdum excedit, transferam huc, quæ tu in eandem sententiam lib. 6. primi tomi tuarum discussionum scripsisti. Videtur autem mihi ex lyconis testamento, quod est apud Laertium eo tempore in more Philosophis positum fuisse; ut quacumque de re libros conscripsissent, de eis discipulos instituere perlectos, ac castigatos inuulgare: hæc ex te fidelissime exscripta: at num bene probatum à me est Physicos libros acroamaticos esse, & ob inscriptionem ipsam, & propter modum; quo ab Aristotele citantur, sermonum scilicet nomine? non inquit Patritius; quia neque eorum inscriptio Aristotelis est; & Ar. numquā librorum nomine est usus; sermonum uerò sæpe, alios quoque quàm Physicos sermones uocans. Sed in utroque ex parte falsus es, & impudentissime mentiris; nam libri nomine usus est Arist. in 18. sect. problem. q. 7. quæritur cur alios si lege coeperint, somnus occupat uel nolentes; alios uigilare uolentes liber susceptus reddere peruigiles potest? Encyclia, & Ecdedomena semper sine alia additione: exoterica & exotericarum sententiarū, ut primo cœli. tex. 100. & exotericorum sermonum appellatione, ut in plerisque locis citari ab Aristotele solent: cuius rei ea ratio est, quod encyclia, libros quos quis vulgariter & populariter scriptos, ecdedomena inuulgatos omnes significabant; seu de ijs Ar. in Lyceo differuisset, seu non: exoterica uerò res quidem populariter compositas significarent: sed quæ tamen horis pomeridianis ad omnium intelligentiam & usum expositæ ab Aristotele in Peripato fuissent: libri Physici longe diuersa ratione sermones nominantur; quia scilicet matutinis horis de ijs Aristoteles publice in scholis differuisset: ob id sub appellatione primorum sermonum nulla alia voce addita ab Aristotele citantur in primo cœli cap. 3. & lib. 4. cœli. cap. item 3. quod tu tantus loquutuleius animaduertere non ualuisse. Quod ad Physicorum inscriptionem attinet, scribit Simplicius Aristotelem eos libros acroamaticos Physicos inscripsisse: ac Simplicij opinionem Auerroes, & reliqui deinceps alij Peripatetici secuti sunt; solus Patritius, quia omnium, quot sunt, quot fuerunt, & quot erunt in annos minime intelligit; fidem Simplicio non habet; suæque peruicaciæ hanc in 5. libro. causam reddit: Quia nusquam sub eo nomine, sub alijs sæpe ab Aristotele citantur. quæ so-

te Patriti,

te Patriti? num possunt plures uno, libro cuique tituli præfigi? non credo; at libri Physici sub titulis diuersis ab Aristotele citantur; non igitur censeri recte potest ueros eos illorum librorum titulos esse: at si ueri non sunt, quid tu inter illos verum titulum quæris? quid præterea homo leuissime nullo argumento, & negatiuo Simplicio summo Philosopho refragari audes? apagesis.

Exercitatio

III.



OGAS me qua via ad notitiam meam peruenerit de acro-
maticorum librorum obscuritate fuisse, aliquos conquestus:
Ego verò profero Patriti. Indita est cunctis hominibus intel-
ligendi, & sciendi cupiditas; Aristoteles suo tempore clarissi-
mus Philosophus habebatur; ob idq; non dubium plerosque
Aristotelicorum dogmatum perfecte noscendorū studiosissimos fuisse; idq;
eò magis, quòd sicut à te scribitur in lib. 6. primi tomi, primus Aristoteles
omnes disciplinas omnibus velaminibus demptis aperte tradidit; eosque
propterea non probabile est modò, sed etiam necessarium cum primis fa-
tegitse, ut libros obscuros, quos intelligere auebant; faciliores, apertioresq;
hoc est magis analyticos, & demonstratiuos haberent; libri Physici per se
obscuri erant, debebant igitur alijs minus obscuris, Metaphysicis nempe
illustrari: cum rursus vrget: Quomodo Metaphysici lucem Physicis adfe-
rent, si ipsi obscuri sunt, & confusi magis, ut non solum Nicolaus, sed etiam
Alexander, & Auerroes sunt contestati? dicam Patriti, non quidem tibi, què
despero quicquam umquam boni in philosophia percepturum, sed serio
philosophandi studiosis: forma quatenus dat esse rei fundamentum est &
basis omnium, quæ in ipsa deinde conspiciuntur; explicandum igitur cu-
iusmodi ipsum sit, quatenus unum, quatenus multiplex, quatenus actus,
quatenus potentia, & quatenus contrarietatis capax; quæ bene percepta
ad causarum, effectuum, effectiois, fati, fortunæ, casus, motus, & muta-
tionis rationem intelligendam optime viam sternunt; indiuiduorumque
in formis naturalibus propagationis causam reddunt; & exacte docent,
quatenus in substantijs secundis primæ inueniantur; sed hæc vltra captum
Patritij; ac si quidem ad Physica Metaphysica referantur; manifestus est eo-
rum ordo, quem nos in calce nostri operis exposuimus; Physica item ipsa
manifestissima ex Metaphysicis euadunt; quantum humano ingenio con-
cessum est; non sensuum quidem claritate, seu orationis vbertate, & facili-
tate, sed analysi demonstrationum, & doctrinæ copia, quæ scientiæ imper-
fectum lumen ad fulgidam sapientiæ lucem promouet; hæc si non intelli-
gis, quod superest intempestæ ætatis in melioribus studijs impende, quàm
hactenus feceris; & senex disce, quæ multi iuuenes optime sciunt; quos tu
quia Peripatetici sunt, & Scholastici, præ te nullius pretij ducis. Cum ne-
gas Metaphysica Latine reddi posse de ijs, quæ sunt in Physicis, more tuo

G 2 auda-

Exercitationum

audacter, arroganter, & impudenter agis; non enim fatis uisum fuerat philosophiam temerasse, & contumelijs in diuinos viros calamus tuum profanasse, nisi & grammaticæ rudimenta modo aliquo pollueres, ignorantieque tua inficeres. Henricus Stephanus omnium quos recentia sæcula tulerunt, linguæ Græcæ peritissimus de hac præpositione *μετά* cum accusatiuo iuncta cum apud Poetas, tum apud oratores ita præcipit. *μετά* cum accusatiuo apud Poetas nonnumquam pro in, vt Iliad. β-τοῖσι δὲ θυμὸν ἐνὶ στήθεσσι ὄρνυε πᾶσι μετὰ πληθυνόσσι οὐ βελῆς ἐπάκουρ. & Iliad. ρ. πᾶς κε σὺ χεῖρὸν αἶσα σώσεις, μετ' ὀμίλον σφέτερι, ἐπεὶ &c. sed interdum ponitur etiam pro in habente accusatiuum, vt Iliad. β-ὅς με μετ' ἀπρήκτους ἑρίδας καὶ νεικέα βάλλει pro eis. qui me in contentiones irritas, & iurgia coniicit: idem paulo post in versu illo Odiss. γ-ὥς ἐγὼ ἔτι ἐκὼν ἐς σὸν δῶμον οὐδὲ χαλῆζων παλευμῶ μνηστῆρων ἀεισόμηνος μετὰ δαῖτα. contendit contra Eusthatium optimis coniecturis *μετὰ* δαῖτα accipi pro eis δαῖτα. non autem pro σῆμα, vel pro κατὰ δαῖτα. hæc ad Poetas solum spectant. ad oratores ueniamus. Demosthenes in Midiam καὶ γὰρ ἐγθρὸς ἴω, καὶ μετ' ἡμέραν εἰδὼς ὕβριζε. vbi μετ' ἡμέραν dixit pro in die; & interdiu. Thucyd. lib. 1. καὶ αἰ μὲν μετὰ χεῖρας ἔχοι, καὶ ἐξηγήσαντες οἱ ὅς τε. quo loco Henricus Stephanus *μετὰ χεῖρας ἔχειν* significare dicit in manibus habere, non autem inter manus habere, vt alij quidam exposuerunt.

Exercitatio

IIII.



NIL futilius, & magis ridiculum te philosophante, qui Philosophiam de cortice solum nosti. vbi locorum tu, qui multorum librorum indicibus cum Bibliopola effēs conficiendis minutulam quandam tibi doctrinam, & bonarum rerum cognitionem comparasti formæ illius Aristotelem meminisse fecis, quæ diuina sit, & à materia secreta? vt potest forma esse ea, quæ nullam materiam informat? Sed scio quid tibi erroris causa fuerit; legisti vel in Alexandro, vel in Philopono, vel in Simplicio, vel in Auerroe, vel in Alberto Magno formarum diuisionem in eas, quæ materiales sunt, & illas quæ materia carent; illicoque purauisti omnes eque, & proprie formas esse, & appellari; at non ita est; immateriales enim formæ similitudine solum quadam, & orationis improprietate formæ nominantur; quippe vel quatenus sunt in primo motore tamquam in animo artificis, vt scribit Auerr. cōm. 18. in duodecimum Met. quod conuenit cum Aristotelis doctrina, qui tertio de anima tex. 38. scribit non lapidem, sed formam lapidis in animo esse, vel quatenus paribus vestigijs, & opposita quadam imitatione eas potentiæ defectionis de seipsis negant, quæ in veris, & naturalibus formis reperiuntur, vt docent Albertus Magnus in libro, quem contra Auerroem scripsit, quod ex 2. Phys. text. 15. desumptum est, in quo forma, & natura scribitur dupliciter dici; propterea ipsa etiam priuatio forma modo quodam fit: vel quatenus similitudine quadam externa cum formis comparantur; vnde Boetius forma inquit ac materia omnia consistunt, vel ea quæ ad similitudinem

litudinem formæ, ac materię fortiuntur, &c. in Aristotele tamen toto nullibi mentio fit formæ ullius immateriales; & illi iidem, quos nominaui Aristotelis interpretes, cum formam proprie diuidunt, nihil immaterialis formæ meminerunt; sed uel naturalis & artificialis, ut Alex. Aphrod. in primo nat. quæst. c. 20. Simplicius scribens in prædicamenta, & Gilbertus Porretanus cap. primo libelli de sex principijs; uel substantialis, & accidentalis, ut Auerr. in epit. Met. tract. i. c. 171. non ergo, ut meam de esse; quod à forma proficiscitur orationem intelligeres, ad immateriales formas tibi erat Patriti recurrendum; si uel leuiter te in Peripato exercuisses; sed ad solas naturales, à quibus tu argutus, & sophisticulus ita probas esse non proficisci, quatenus tale, & nondum contractum ad externas relationes, & motum. Si effectus iste formalis naturalē formā præcedit, uel ei est coniunctus, nō uidetur eius posse esse effectus; nā si eius est effectus, eā sequitur necessario; & si eam sequitur, ea est posterior ipso; & forma hæc naturalis posterior est media, hæc itidem posterior, quā diuina; diuina ergo forma primum locum in formarum ordine tenet: secundum forma media, tertium forma naturalis, quartum uerō effectus iste naturalis formæ, qui est ipsius rei esse; rei .i. naturalis; res autem naturalis composita est ex materia, & forma: compositum ergo naturale ex materia & forma est hic primus effectus formalis; at si talis est, ad motum habet relationem, & ad externas tum actiones, tum passionēs, & est ad hanc uel illam naturæ speciem necessario contractum, non ergo is effectus primus erit naturalis formæ effectus; ergo vel mediæ erit formæ, vel diuinæ; an mediæ sit uideamus, & primo celestis, at hæc ad motum refertur, & actionibus est colligata; quod non admitteretur; neque animæ forma, quia ad actiones & motiones, & species naturæ quasdam est contracta; ergo diuinæ formæ effectus iste est: quæ ab omni motu, & ab omni passione uidetur esse remota; an uerō ab actione etiam, & speciebus quibusdam est semota? si dicatur semotam esse, id est contra Aristotelem, & Peripateticorum dogmata, qui inter eas quas diuinas formas & intelligentias uocāt, específicas differentias collocāt, & actionem intelligendi tribuunt; & cum motrices orbium celestium eas faciūt, à motu non seiungunt: nullius ergo harum trium formarum effectus est primus ille formalis: hæc tu Patriti, in quibus neque Christianus, neque Peripateticus es, Christiani procul abhorrent diuinas formas in corporibus, cum inter Deum & intelligentias, nullas species constituent; Deumque piaculum sit corpora rerum nostratium informare; Peripatetici Deo excepto nulli rei concedunt illud, quod tu diuinæ formæ tribuis; ut ab omni motu, & passione semota sit; Deum uerō ne per somnium quidem cogitarunt unquam naturalium rerum formam appellare: falsum item Peripateticos inter diuinas formas, & intelligentias discrimina, differentiasque collocare, quoniam ut ex Metaphysicis ostendebamus, præter intelligentias orbium celestium motrices, nullæ aliæ extāt; & supra illas alias species præter Deum Opt. Max. reperiri nouum est, inauditum est, prodigiosum est, in scholis Peripateticorum: dicet Patritius se ex Thesis Platonicorum argumen-

Exercitationum

argumentatum esse; at quid opus erat ò bone in expositione illius sententiae, quam ego esse Peripateticam contendo, & tanquam Peripateticam interpretor ad Platonicos alueos recurrere? uides ineptiam tuam Patriti? in-
 » ptio res ad huc in argumentis; nam cum dicis; Si eis est effectus, eam sequi-
 » tur necessario; & si eam sequitur, ea est posterior ipso. Præpostere con-
 » cludis, & omnino alogicos. colligendum enim fuisset; & si eam sequitur,
 » ea est prior ipso. quod enim sequitur, posterius est; quod antecedit, prius:
 » Cū subnectis. Primus effectus formalis est ipsius rei esse, rei scilicet natura-
 » lis, res aut naturalis cōposita est ex materia & forma: cōpositū ergo natura-
 » le ex materia; & forma est hic tuus primus effectus formalis; at si talis est, ad
 » motū hēt relationē; & ad externas tū actiones, tū passionēs. nihilo doctior
 » dialecticus es; neque enim illud sequitur compositum ergo naturale ex ma-
 » teria & forma est hic tuus primus effectus formalis; quia compositum natu-
 » rale non forma partis constituitur, sed forma totius; hæc tibi scholasti-
 » cis subtilitatibus non innutrīto enigmata, aut arabice dicta uidebuntur:
 » dicam igitur facilius. compositum naturale non ex sola forma primò, &
 » per se resultat, ut ipsius esse; sed ex materia & forma tanquam actu, & po-
 » tentia simul iunctis. neque item illud scite concludebatur. At si talis est ad
 » motum habet relationem, & ad externas tum actiones, tum passionēs. Re-
 » spondebit enim quiuis etiam de grege scholasticus habere quidem compo-
 » situm naturale illas relationes, sed post productum esse; agis autem im-
 » perite, & critice cum sensu composito accipis in nos argumentantes; quæ
 » ipsi diuiso sensu accipiebamus; non enim negabatur ipsius rei esse, quod
 » à forma producitur ad motum & ad externas tum actiones, tum passionēs
 » habere relationem; nisi quatenus tale est; quod alijs uerbis passim expo-
 » nunt per se primò. sed hæc tibi ignota; ob id inconsiderate cuncta pro-
 » nuncias; dialecticæque cum nihil scias, vis tamen pro summo Philoso-
 » pho haberi; & de rebus ingenij tui uires excedentibus cum Peripateti-
 » cis disputare.

Exercitatio V.



VERILITER admodum nos in eo exagitas, quod scripsi-
 » mus à forma manare ipsum esse; cum sic argumentaris; For-
 » ma quæ progignit ens, aut ipsa quoq; est ens, aut non ens;
 » nō hoc, quia ex nihilo nihil fit, & quia forma omnis & actu
 » est, & actus est; at neq; illud quoniam sequeretur aut in re
 » naturali duo æque prima entia reperiri, cum dicatur illius
 » esse manare à forma; effectusq; non possit causam antecedere; aut causam
 » esse posteriorem effectui; formam scilicet suo esse: si sit ens quidem; sed se-
 » cundum, non primum ens. Hæc tuorum argumentorum summa, quæ tu
 » confusissime, & saltuatim proposuisti. esse manare à forma non meum est,
 » sed

sed Aristotelis mille in locis; non me igitur, sed Aristotelem reprehendis; cum contendis esse à forma non proficisci; agisq; imperite Aristotelis dogmata à meis (quæ tu scilicet mea esse vis) minime discriminans; sic enim de me scribis. Si nesciat hæc ambages explicare argumenta videlicet tua, quibus probas esse non manare à forma naturali; Tum dicemus nos Aristotelem suum nos docuisse ens & vnum idem esse, quo hanc Aristotelis doctrinam referas tam non intelligo, quàm tu quod esse à forma oriretur nūquam intellexisti: non formæ, sed naturalis rei esse à forma scaturit; frustra igitur, & nequicquam Achilles illi tui; forma est ens, est actus; non tamen actu. Simplicius super text. 6. primi libri de anima, Forma, inquit, non est actu, sed ipsemet actus. quod nemo Peripateticorum non nouit. quod autem putas me à te in res maxime absurdas, & in ambages valde implicitas deduci, de ente de quo nos loquimur; & de ente, per quod forma est; fore quippe, vt alterum altero prius sit, vel posterius; aut vtraq; entia æque prima; clare ostendis ne à limine quidem Peripateticas te consalutasse; trita hæc sunt inter nos; & quotidie in scholis differimus num forma in ortu & interitu rerum præcedat compositum vel sequatur; & vtrum item præstet alteri dignitate, & excellentia existendi; nonnullis formæ, vt Auerroe cōm. 4. super secundum Physicorum; composito alijs, vt Simplicio super text. 5. 1. Phys. & super text. 4. 2. vtrique alijs ex æquo suffragantibus: Esse rei naturalis à forma totum procreari præter Aristotelem, qui formam definit id quod dat esse, & quod quid esse rei, Peripatetici quoque alij omnes docuerunt. Alexander Aphrodisieus sup. 1. cap. 1. Topicorum. Forma, inquit, vniuscuiusque rei est illud secundum quod est. Idem super text. 1. 2. 2. Met. Quemadmodum homo, & hominis esse differunt sic fit in cunctis rebus compositis: esse enim cuique rei ex forma adest; homo enim ex materia & forma constat, esse autem hominis simplex est, quippe cum forma sit eius esse; nam in rebus incorporeis idem est res, atque ipse esse in habentibus autem esse in materia differunt. Themistius super textum 9. tertij de anima Aliud est aqua, aliud essentia, seu quod quid erat esse aquæ; illud enim est quidpiam ex materia & forma concretum, hoc autem est aquæ forma, & ratio per quam est aqua: unaquæque enim res descriptionem suam non de materia, sed de forma nanciscitur. Idem super textum 3. 8. eiusdem libri. Res quanta est, forma ipsa est, materia verò non essentia, sed generationis potius, & ipsius, vt ita dixerim fieri auctor, & causa est: diffluunt obiter corpora, quod quid opera & maleficio materiæ accidit; si qua stant, quiescunt; ne totum id debet formæ acceptum referri. Simplicius super text. 8. libri tertij de anima. Forma differt ab eo quod ex forma constat: caro enim & aqua formis affecta sunt, ipsum verò esse vniuscuiusque eorum, ipsa vniuscuiusque forma est: forma namque per ipsum quid erat definiri consuevit. Idem Simplicius super text. 2. 1. de anima. Forma vnicuique est in causa, vt sit, quod est. & super secundum Physicorum. Forma est vniuscuiusque caracter, per quem unumquodque subsistit, & esse dicitur id quod est. Philoponus super text. 3. 2. 1. Phys. Forma est, quæ finit & terminat, & vnicuique vnitatem

Exercitationum

vnitatem tribuit. Boetius in lib. de ebdomadibus, Id quod est, accepta essendi forma est, atque subsistit. Auerroes com. 2. 1. super 7. Metaphys. Quiditas hominis vno modo est homo; & alio modo non est homo; est enim ipsa forma hominis, non est autem homo, qui est congregatus ex materia & forma. Albertus Magnus super text. 2. 8. 2. libri Physicorum; Forma prior loquendo est essentia constituens speciem secundum esse in rebus naturalibus; nam esse compositi fluit ab essentia, quæ est forma rei, sicut umen fluit à luce. Mirabitur autem fortasse Patritius, si tamen ingenio tanto est, ut hoc mirari possit; quomodo compositum naturale existat, & sit illud totum, quod est per solam formam cum ex materia & forma compositam substantiam habeat? Cui sic quiuis in Peripato fracti ciceris, & nucis emptor admirationem omnem aufert: solam formam constituere totam rei essentiam, & esse; quicquid contra D. Thomas clamitet 1. p. q. 75. ar. 4. nō tamē integram substantiā; quæ res explicata à me fuit in tertia assertione. subnectit Patritius; Si vnum, multa, idem, diuersum; oppositio, actus, potentia & alia id genus sunt proprietates entis illius, quod à forma profectum est, quatenus tale est; nulla earum proprietatum formæ competet; ergo forma nec una potest esse, nec multæ, nec identitatem habet, nec alteritatem, neque vlli rei opponitur, neque actu, neque actus est. Equidem Patriti, quid inde malorum? pars a toto disiuncta non est eadem, quæ erat ante, nisi æquiuoce, sicut Ar. docet in 2. de gener. anim. & in libro de affectibus mistorum: & forma igitur si à composito diuellatur; vel consideretur omnino seorsum ab illo, non est eadem amplius, quæ ante erat nisi hominimos: at sic esse, & sic animo spectari naturalis forma numquam potest, (humanas animas semper excipio) abiuncta igitur à toto, & sine toto considerata neque est, neque vna est, neque potentia, neque actus est, neque rei vlli opponitur; ut in toto est, horum omnium attributorum particeps existit: totum ergo nō minus quam forma proprietatum huiusmodi fons, & origo existit: alia tamen longe ratione; à forma si quidem simplicem eę originem habent; eiusque germina existunt; cōtinentur autem, promouentur; & in vsum adhibentur à composito; ob id in 2. Phys. text. 3. 1. scribitur partes habere rationem materiæ, seu subiecti; totum autem formæ, si simul cōferantur. & alijs locis suppositorum proprium esse, ut agant; non autem formarum, aut aliarum rerum, quæ in suppositis sunt.

Exercitatio

VI.

RIGET grammaticę ignorance tibi toties obijcere; sic scripseram; de ente formali Ne tot longarum tractationum promissione scientia confunderetur separatim agere Aristotelem voluisse in libris Metaphysicis, præterea, quæ de illo ueluti raptim in Physicis tradiderat: Quæ tu ita interpretaris, ut longam de ente tractationem in Physicis fuisse institutam ex oratione mea intellexisse videare; quod falsum

falsum est. pergis de ente formali neque longe, neque strictim in Physicis Aristotelem egisse. quod aperte redarguitur ex primis capitibus primi libri, quæ de ente sunt contra Parmenidem, ex cap. 8. eiusdem, in quo ens diuiditur. ex cap. 3. ac 7. libri 2. ubi de quidditate, & de forma differitur; & ex cap. primo libri tertij, quo iterum ens in suas partes dispescitur. subdis deinde nusquam Aristotelem in Metaphysicis de ente naturali disputauisse. O tribus anticyris caput sanabile nunquam; num nō de ente in libris Metaphysicis passim oratio habetur? num non ostensum à nobis, ens omne Metaphysicum uere Physicum. & naturale existere: & ens illud generalissimum, & communissimum uelstrum rem uanam & inanem esse? subnectit omnigenæ exemplar nugacitatis, Angelutium scripsisse Aristotelem in Metaphysicis libris de esse naturali breuiter commemorasse; quod ab omni veritate procul, & longissime ab est; de ijs quæ sunt in Physicis breuem factam commemorationem scripsi in Metaphysicis, non autem de ente naturali: negas præterea in Metaphysicis de ea substantia susceptam disputationem esse quæ ex materia & forma composita est. quibus uerbis palam ostendis Metaphysica te nunquam nisi oscitanter legisse: quoniam & 6. & 7. & 8. & 9. Metaphysicorum liber de substantia composita, & de illius essentia, ac partibus latam & fusam disceptationem continent; neque substantia ea, quæ primam cathégoriam efficit, de qua Aristoteles in Metaphysicis sapissime; alia est, quam composita, notissima autem hæc sunt, & luce meridiana clariora cunctis in Aristotelis lectione exercitatis; quibus solis operis illud mei conscriptum uolui, non tibi, qui qualis, & quanto ingenio sis, tunc illi cognoscent, qui ex cœlesti Aristotelis sapientia in incitiæ, & ignorantia tuæ catadupa præcipitant, quum tarde sapere incipient. quibus ut mature respiscant in insignem quandam tuam barditatem indigito. ita scribis; Neque uero breuis commemoratio est integrorum quorundam capitum ex Physicis transcriptio. Cur Patrii loca Metaphysica sigillatim non commonstrasti, in quibus integra ex Physicis capita transcribuntur? aut cur mihi uitio uertis, quod non semper Aristotelis loca sigillatim referam? quæ tibi; quam mihi maior in literatorum Republica authoritas? istud tamen me non magnopere reclamante tuæ solitæ potestati tribuatur, dum mihi integrum uicissim sit te non reclamante stoliditati tuæ tribuere; quod inepte, & inscite semper argumenteris: quid enim imperitius quàm ex particulari colligere uniuersale? Integra quædam capita ex Physicis in Metaphysica transcribuntur: non ergo Metaphysica breuem commemorationem continent eorum, quæ in Physicis dicta fuerant? librum 11. Metaphysices totum lege, in eoque breuem fieri commemorationem reperies de infinito, de motu, de loco, de tempore, de continuo, de contiguo. eum ne integre hoc loco tibi à me referri uis? at non faciam, ut stupiditate ista tua stupidior ipse appaream.

Exercitationum

Exercitatio VII.



PHYSICA à Metaphysicis originem ducere, illaque in hac
 tanquam in prima principia resolui scripseram; quod tu ita
 accepisti, ac si esse, & ens Physicum ab esse & ente Metaphy-
 fico originem trahere dixissem: at falleris, in erroreque
 maximo uersaris, quia non distinguo esse & ens Physicum
 ab esse & ente Metaphysico, quatenus entia sunt; Tu uerò
 sumpta hinc occasione sophisticum hominem perbelle agis hunc in mo-
 dum edifferens. Ergo Metaphysicum ens uel esse antecedit Physicum ens &
 esse; ergo tractatio, & scientia Metaphysica prior est, quam Physica; at
 Commentarij posteriores sunt contextu, non igitur Metaphysici libri com-
 mentarij sunt Physicorum. Hæcine Patritianæ dialecticæ cathegore mata?
 esto, ut in Metaphysicis de ente illo tuo communi & generali agatur; non
 autem de ente naturali, ut nos arbitrati sumus; num & illud tuum ens &
 esse Metaphysicorum, ens & esse Physicum non antecedit? num eo nature
 ordine non existit prius? non tamen ex hoc in tua & aliorum doctrina se-
 queretur scientiam Metaphysicam Physica priorem esse; Metaphysica enim
 Latine redditur, quæ sunt post Physica; non ergo hæc illationes ex meis som-
 nis profectæ, sed æque ex tuis, atque ex meis; mosque hic tuus est aut ea su-
 mme, ex quibus quæ tu uis minime efficiantur, aut ex illis ratiocinari, quæ
 etiam in perspicue falsis eadem dici possunt; quam dialecticam ubi locorū
 didiceris nescio, hoc scio, de methodo te nihil unquam intellexisse, neq;
 percepisse quid apud Aristotelem Analysis, & Genesis, quid apud Platonem
 Diæresis, & Sinthesis significant; quoniam scribendo sentire præ te fers una
 & eadem scientias cunctas methodo doceri; atque ab eodem genere prin-
 cipiorum facultatum omnium primordia deduci; quire nulla absurdior
 & remotior à ratione dici & cogitari in Logicis potest: cum rursus instas;
 si Physicorum Metaphysici commentaria sunt; recte hi post illos colloca-
 buntur; cur ergo omnes Peripatetici post Physicos statim libros de coelo
 collocant? æque nihil concludis, quoniam libri Metaphysici tam reliquis
 de natura libris, quam Physicis comparati, postremam & ultimam de ijs
 sapientiam condunt: ob idque post omnes, aut ante omnes ediscendi; ta-
 met si uniuersalitatis affinitate, quæ in Metaphysicis tractantur immediate
 & proxime libros de Physico auditu, non autem cætera de naturalibus re-
 bus uolumina antecedunt; ac non inde peti Metaphysicorum cum Physi-
 cis copulationem, & ordinem inter omnes constat; cum unanimi omniū
 opinione Metaphysica entia naturæ dispositione rebus Physicis præire iu-
 dicentur; cuius præcursoris ratio ulla si habenda esset, ante Physica, non
 post Physica Metaphysici libri forent collocandi; ea tamen affinitas uniuersa-
 litatis, & proxima Metaphysicorū cum Physicis coherentia sufficiens cau-
 sa est, ut Physicorum potius, quam cæterarum de naturalibus rebus tracta-
 tionum.

tionum commentaria; Metaphysici dicantur; quòd nihil naturalibus rebus ex Metaphysicis lucis afferatur, nisi Physicorum opera, quæ cum Metaphysicis, si naturæ ordinem spectes immediate coniunguntur; quam tamen naturæ seriem in utrisque inuicem subordinandis Aristoteles, ut dixi, sectatus non est: Hæc ob nimiam acutiem, & subtilitatem Patritius non intelligit: sed pergit argumentari si Physica quoad unum, idemque subiectum eadem est cum Metaphysica, Physica scientia nequaquam dici potest; quia subiectum proprium non habet: imò Patriti uere scientia appellari potest, quia idem subiectum habet, quod Metaphysica: tametsi enim subiectum proprium requiritur ad scientiam quamcunque distinguendâ ab alia scientia: non tamen à sapietia: de qua re fuse post assertionis in priori opere disseruimus: iterum subdis, si duæ sunt scientia, & sapientia, doce nos, quomodo idem subiectum habeant, & quomodo differant inter scriptas. Ego verò docui Patriti, sed tu aut ob impatientiam non legisti; aut ob inscitiam non percepisti quæ scripta à me fuerunt pag. 62. operis superioris; cum ostendi sapientiam à scientia differre cōtemplationis promotione. Subiungis non haberi ex Aristotele; ex sapientia & scientia circa rem eandem uersantibus tertiam quandam doctrinam fieri, sed sapientiam componi ex habitu mentis & ex scientia: at ò bone, si mens & scientia sapientiæ habitum constituunt: sapientia fit ex scientia, quamquam non sola: & tamen illa ipsa secundum speciem scientia, quæ sapientiam componit, abiunctim & separatim à sapientia reperiri potest: & vere reperitur, ut Physica facultas à Metaphysica: secus enim imperfectus eslet scientiarum numerus: scientiarum inquam, quæ solum scientiæ sunt, ad sapientiamque minime spectant: cur igitur scientia, quæ cum sapientia coniuncta est, & scientia, quæ ab ea disunctim accipitur sibi inuicem non magnopere prodesse, & mutuam præstare operam possint? at quo modo, nisi habitus & cōtemplationis continuatione; concurrunt ergo sapientia, quæ ex mente fit, atque ex scientia; & hæc ipsa scientia seorsum tradita; à sapientia ad absolutæ cuiusdam, perfectæque doctrinæ compositionem.

Exercitatio

VIII.



IO ego passiones entis unum multa, actum, potentiam &c. principia esse cunctarum rerum; quæ in natura conspiciuntur; idque ex Aristotelis doctrina, tu negas, atque ex eiusdem doctrina rerum natura constantium principia esse vis materiam, formam, & priuationem; at differt Patriti dicere res, quæ in natura conspiciuntur, & res natura constantes; sint eundem rerum natura cōstantium principia materia, & forma (priuationem quam belle illarum principium feceris admiratores tui viderint; non rei, sed mutationis principium alijs eam prædicant) at horum ipsorum principiorum quæ erunt alia principia? entis passiones ego dixi ob eam causam;

H 2 quia

Exercitationum

quia ens ipsum ex se est vniforme & simplex, quod cum non possit in res varias formari illorum additione, quæ minime sunt entia, quoniam ex non ente nihil fieri, & formari potest; solo complexu proprietatum, qui varius, ac multiplex est, sese in multa genera, species, & indiuidua fundit; quæ proprietates neq; omnino sunt ens ipsum; neque sunt prorsus nihil; & rerum cunctarum initia existunt; tametsi de ente ipso non nisi diuissim enunciantur hoc modo; unum, vel multa; actus vel potentia, oppositorum, & reatorum alterum &c. quam rem Patritius percipere sine me non potuit; quia Metaphysica delibauit quidem; sed non vorauit; & si vorauit, non concoxit; & si concoxit, vitiauit ægro illo, & prauo iecinore suo; ideo stulte putat. Si entis passiones rerum omnium principia sunt, res omnes debere esse simul vnas, & multas: Sic enim scribit. Materia, forma, & priuatio singula si vnum sunt, non sunt tamen multa; & si cuncta multa sunt, non sunt tamen vnum. Ita ne Patriti de entis passionibus nihil vmquam legisti, aut audisti? vt quæ coniunctim prædicantur, aut absolute, ab ijs secerneres quæ diuissim accipiuntur? at saltem debebas ipse tecum cogitare non alio modo materiæ, & formæ in componendo naturas ab Aristotele explicari, quam ex actu, & potentia deducta ratione; proindeque actum & potentiam materiæ & formæ principia esse: prosequitur Patritius in inficianda veritate, & negat Physiologiam ab Aristotele sapientiæ nomine fuisse vmquam appellatam, quia Aristotelis externas fimbrias numquam attigit: diserte etenim scribitur in tex. 7. 4. libri Metaphys. in fine Physicam sapientiam quandam esse, sed non primam: Quod ad Physiologiæ incertitudinem, & inconstantiam attinet, ob quam scribis negasse aliquos perfectè quicquam in ea, & ad vnguem sciri posse, neque nos in ea sententia sumus, vt Physicorum dogmata pro edictis prætorij habenda sint: cum conflet apud eruditos verissimæ peplum sapientiæ humanæ mentis acie attingi minime posse: putamus tamen posse aliquos, sapientes Physicos uocari: illos scilicet, qui quantum humani ingenij viribus concessum est, in naturæ penetralia intropiciunt.

EXERCITA-

31

EXERCITATIONVM

THEODORI ANGELVTII

CVM FRANCISCO PATRITIO.

Sectio Quinta. Exercitatio Prima.



RELIVVM est modo, vt quæ aduersarius in assertio-
nibus nostris inficias iuit pro viribus tutemur hinc au-
spicantes: in primæ & secundæ assertionis veritate con-
uenimus ambo: nullum ens, quia commune sit, sino-
nime, aut analogice Deo, & naturalibus rebus conue-
nire: ex quibus ita inferre placet: ens per te, quo Deus
est, & quo naturalia existunt nullum commune princi-
pium per Analogiam habent; non ergo scientia vlla est de ente communis-
simo: quod enim neque Sinonimum, neque Analogum est, equivoce dicitur,
de equiuocis autem nulla scientia esse potest: cur ergo sic scripseras in
8. tuarum discussionem libro? Quod si entis, vt ens scientiam intelligamus
pro scientia entis vniuersalissimi, omnibus entibus communis, proculdu-
bio à Theologia longe erit diuersa; ab eaque tantum differret, quatum to-
tum à parte, commune à proprio differunt; ac id, quod de re vniuersa tra-
ctat ab ea, quod de una re aliqua; talis entis scientiam comprehensam, &
tractatam ab Aristotele dicimus libris 3. 4. 5. 6. 7. 8. & 9. & præterea libro Præ-
dicamentorum. gusta hæc d' bone ex obæsa ista tua, & pingui minerua ena-
ta: ad tercię assertionis discussionem veniamus.

Exercitatio

II.



ERTIA assertio erat ens naturale re, & ratione abstractum
esse à materia; qua occasione explicatum etiam à nobis fuit,
quid esset re, vel ratione distingui; ostensumq; neq; compo-
situm ipsum, quod proprie esse dicitur, neq; formam à qua esse
emanat à materia in essentia pendere; quod enunciatum non
nostrum est, sed omuium penitus Peripateticorum Diuo Thoma excepto; si-
cut in exercitatione quinta sectionis quartæ dictum fuit. tu cōtra id, quod
statueramus, re distingui illa, quæ essentiā diuersam habent; nihil; ad ratio-
nes item nostras nihil: audes tamen non solum hiscere, sed etiam argutulus
videri velle: Ais enim ens naturale vel est materia prima, vel forma, quæ dat
esse rei, vel ex his composita substantia; vel accidentia, quæ ab eis prouenien-
tia.

Exercitationum

„tia compositæ substantiæ vel semper insunt, vel aliquando. Nihil horum
est Patriti. pergis: materiã à materia abstrahere insania mera est, esto. Sub-
nectis. Formam autem, quæ ex potentia & sinu materiæ processit, inque
„materia fundata est, par insania est dicere à materia abstractam esse. Imò
Patriti insania est dicere non abstractam esse; subdis dein de. Maior verò in-
„sania dicere compositam substantiam, cuius pars materia sit, esse à sua par-
te abstractã, tanquam totum sine parte posset consistere. Non id dicere est
insania; sed non intelligere quid sit distinguere; non capere quid differat
substantia ab essentia; non percipere, quemadmodum materia nullo modo
spectet ad essentiã formæ; non comprehendere in sola forma totum esse, to-
tam essentiam, & totã quiditatem compositæ substantiæ contineri, vt Græ-
ci omnes interpretes docuere: hæc tu nisi bene callebas; non erat, cur mecū
improvide ne dicam stulte in hunc pulverem descenderes; poteras conten-
tione ea, quæ de historijs suscepta inter nos fuit, contentus esse; eam solam
pugnam mihi tecum esse uolui; quia vetus adagium est; ne sutor ultra cre-
pidam: Quod scripsi esse formale non per se, & quatenus tale est, coniungi
„materiei; sed quatenus capax est ortus, & interitus non meum est sed Ari-
stotelis, in cuius doctrina tritum, materiam & formam se habere; vt turpe,
& pulchrum; illamq; semper meditari maleficiũ; ortusque & generationis
rerum causam esse: quæ verò coniunctio naturalis, & per se esse potest cum
pulchro turpis? formæ cum eo, quod formam labefactat? Egregie Themis-
tius super textum 38. tertij libri de anima. res inquit. Quanta est, forma
ipsa est, materia verò non essentiæ, sed generationis potius, & ipsius, vt ita
dixerim fieri auctor & causa est; diffluunt obiter corpora; quod quidem
opera & maleficio materiæ accidit; si qua stant, quiescuntve, totum id debet
formæ acceptum referri.

Exercitatio

III.



CONTRA id, quod scripseram; esse rerum naturalium à forma
profectum immobile existere, multorum tela argumentorum
exacuiſti, nulla ante a syllogismis meis, quibus id probauerã de-
fensione & munitione comparata. illorum primum est. esse for-
„male ortus & interitus capax est, ortus autem & interitus sunt inter mo-
„tus numerati, & motus sunt, & per motum fiunt, non igitur esse formale
est immobile. Secundum est. Si forma ipsa causa nimirum ipsius esse for-
„malis & oritur, & interit, immobilis non est, quomodo effectus eius im-
„mobilis existet? Tertium est. Compositum naturale est mobile in quo est
„esse naturale, ergo & esse naturale mouebitur ea ipsa ratione, qua esse natu-
„rale: hoc est à natura formæ ortum, hoc est à principio motus. Quartũ est.
„Quid aliud mouetur à forma, quàm ipsum esse, cum & oritur, & ad nõ esse
transit, atque interit, quantumuis actum significet? ad quæ paucis respon-
demus nihil eorum per se formæ accidere, quæ quanta quanta est, Entele-
chia est; hoc est, vt Gilbertus Porretanus scribit simplici constans & inua-
riabili essentiã; sed à materiæ contagione manare omnia, quæ tota extra for-
mam

nam est. Compositum item naturale non secundum substantiam, & quatenus materiam habet; sed secundum essentiam immobile esse dicimus; esse autem ipsum mobile est ob potentiam foris accedentem; hoc est non mutatur nisi secundum accidentia; cum oritur, aut ad non esse transit; non ipsum, aut forma, aut composita substantia mutationis subiectum est, sed materia, ut cuius manifestum est: ob idque mobilitas ea ex materia tota nascitur, non ex forma, vel ex esse, vel ex composito; quæ si mutari interdum dicuntur, non ex se, sed ob communionem materiæ mutantur; quæ pura potentia est; quod scribis motum actum esse & quatenus actum enti in actu competere dignus est error quæ Peripatetici omnes exhibent; non ut tu Aristoteles qui motum definit actum entis in potentia, quatenus in potentia; cuius rationes ante tibi erant diluendæ, quam noui te, & falsissimi dogmatis primum auctorem iactares: At inquis cœleste corpus, quod materia caret, & forma & actus est, proculdubio mouetur, ac mobile est. Hui Patri-
etiam quatenus actus est, cœlum mobile dicitur? nos leuioris doctrinæ homines eatenus cœlum putabamus moueri, quatenus potentiam habet ad ubi. verba hæc sunt diuini præceptoris text. 17.9. Met. Nihil simpliciter potentia est, secundum aliquid autem nihil prohibet, ut quale, aut ubi.

Exercitatio

IIII.



SSERTIO quinta erat non posse ens Physicū quatenus tale est, recte & ad unguem intelligi sine aliqua de Deo, & de rebus diuinis cognitione; contra quam priusquā disputare incipisses, nasturtium tibi edendum fuerat; ut torporem excussisset: negas naturalem substantiā, aut rem ullam aliam recte & ad unguem posse intelligi, hoc est vere, & plenè ut tu interpretaris; nullæ igitur scientiæ, tuque non meæ modo sententiæ de Metaphysicis, sed omnium quoque euerfor scientiarum; esto ut intuitiua cognitione nullus Philosophorum, quantum uis maximus, substantiam aliquam nouerit, quia in communi natura uagamur notionum, cui addimus quātum fert captus noster; nostraq; scientia umbra est quedam in Sole; & abstractiua, & ratiocinatiua; quid nī? secus enim falsus Aristoteles, qui & scientiam & sapientiam naturalem nominat; falsus etiam Plato tuus, qui scientiam uersari dixit in Phœdone circa id quod est, quatenus tale; eamq; discreuit ab opinione; falsus quoq; Plotinus quilib. 9. Ennead. 5. c. 7. ab intellectu in animam rationalem ueras sciētias prouenire scribit; quid si per simplicem sympathiam, quæ menti est cum ipsa ueritate pleraq; nos scire dixerō, neq; tamen abstrahentes, neque ratiocinantes? Tu, sicut arbitror, nostrum scire à Dei cognitione fortasse non distinguis; absoluteq; scientiæ nomen accipis, tunc etiam, quando expressa oratione ad hominem refertur; ingenioque es adeò lurido, ut veram, & plenam in homine de rebus cognitionem requiri existimes nō humano modo, sed dæmoniaco, aut etiam si dijs placet diuino; quid si contra Philosophorum vulgus dicerem non ad nudam ueritatem, sed ad imaginē duntaxat, & apparentem speciem ueritatis percipiendam per se natum hominem.

Exercitationum

minem esse; & tamen pleraque ab eo recte & ad unguem sciri, non quatenus vera sunt, sed quatenus sine veritatis fuco notas habent insigniores veritatis, illiusque clariorem, & certiorum imaginem gerunt: sensuum etenim cognitionis fundamenta ex quibus ipse sibi ad contemplandum aditum facit, non ob aliud sunt certa, quam quia talia apparent; assequetur item legis & instituti sui finem natura, cum de rebus etiam minimis Philosophi inter se dissentiant, si homo ad apparentem veritatem natus dicatur; sed de his alias. Tum probas non conferre cognitionem, quæ de Deo habetur ad rerum naturalium cognitionem, quia entia sint utraque inter se disparata, minimeque aut finonime, aut analogice in uno principio coniunctam, futiliter admodum, & inepte probas. nam finis, & agens causa in illorum quoque effectuum notitiam ducere nos possunt, cum quibus neque finonime, neque analogice per internam analogiam conueniunt: quia non ut formæ, & formalia attributa interne cum effectis coniungi postulant, sed sat habent externa relatione; nemoque diffiteri potest resolui tandem uniuersitatis colligationem, & rerum omnium constitutionem in relationem quandam, quæ externa est; quia cælum & natura ab uno principio pendent; qui Deus est: si igitur res cunctæ ex actionibus percipiuntur; si actiones ipsæ in eam colligationem postremo resoluantur; quam cum prima causa habent, à qua dependent: si ordo quicquam facit ad rerum cognitionem; Deus autem caput est ordinis uniuersitatis rerum, nemo poterit recte, & ad unguem noscere de esse rerum naturalium quatenus tale, unde proueniat, quod fulcimentum habeat; quo referatur, quantum se ipso inniti possit, cuiusmodi sit denique; nisi de Deo, & de rebus diuinis qualemcumque notitiam habuerit: nullus si est eruditus, qui contra sentiat: tu Phyllida solus habeto. nouerint Thales, Anaximander, Anaximenes, & athei quoque ipsi de rebus naturalibus, earumque proprietatibus plurimas; de esse tamè illarum, de fine, de ordine nihil ad unguem, scire potuerunt; id tibi si mirum est, admirari desine Platonem tuum, qui eam solum de rebus naturalibus cognitionem probat, quæ cum diuinarum rerum contemplatione coniuncta est; non omnium sunt hæc philosophemata; ideo tu pro bonis argumentis ineptias dicacitatis & scurrilitatis adduxisti; Rem à me Platonis, & Aristotelis doctrinam demonstratam, per eorundem doctrinam non euertisti. quid tibi cum meo igniculo & ancillula in re graui, & seria? verebaris credo ne petulans & impudens in omnibus non haberere; cestigeris, & meretriculis nugas istas sycophantiæ tuæ uendita, non doctis & honestis Philosophis; quos oportet contentione nostrarum iudices esse; Plutarchi lectione parum profecisti, (quem tamen magnopere laudabas.) Lectoris patientia nimium abutens: Pergis nos de hac loquendi formula coarguens, tametsi Physicum ens sit & rebus naturalibus coniunctum; quia pro rato accipis Physicum ens & rem naturalem re & ratione idem esse; proindeque imperite me sic locutum fuisse, ut rem unam & eandem & à se disiungi, & iterum sibi coniungi posse uidear existimare; at illud Patriti maxime ambiguum est in nostris scholis. Thomas in lib. de ente & essentia; secundo contra gentes cap. 2. primo sent. distinct. 8. super text. 3. 4. Met.

Met. & Egidius Romanus quodlibeto 1. q. 7. censent in re quauis Deo Optimo Maximo excepto esse distingui realiter ab essentia; cōtra Ioannes Duns, Durandus, Henricus, & Gulielmus Ochamus. quorum nomina iam præiudeo contemptui tibi mea legenti, & ludibrio futura: Hoc si ignorabas, cur non discere? si noueras, cur tantum insolescere? Nihil tamen de hac questione nos in præsentia statuimus; hoc unum contendo, non inepte me locutum esse; qui clarissimos uiros secutus fuerim: Aristoteles in 2. lib. Post. tex. 7. quid autem est homo, & esse hominem, aliud est; & paulo post; ipsum uerò esse nulli est substantia. Boetius in lib. de ebdemad. diuersum, inquit, est esse, & id quod est. Scaliger Exercit. 359. ad Hieronymum Gardanum de Intelligentijs loquens. Est autem essentia, qua est id, quod est; esse uerò eius est receptiuitas essentia.

Exercitatio V.

QVAE contra sextam assertionem adducis, omnino nihili sunt, & cauilla sunt; quod enim scribis fucum me facere, quia pro scientia sapientiam in Aristotelis contextu supposuerim; falsissimum est; quoniam si Physica esset prima scientia; esset etiam sapientia, secundum Aristotelis doctrinam; qui sine hac quoque ratione Physicam sapientia titulo interdum decorauit; ut nuper dicebamus. Cum igitur hæc essent Aristotelis uerba, si igitur non est aliqua alia substantia præter eas, quæ natura consistunt; naturali profectò prima scientia esset; quod si est aliqua substantia immobilis, hæc prior & Philosophia prima; & uniuersalis sic, quod prima. Potui ego illa sic breuius recitare. nisi sint aliæ substantiæ præter eas, quæ natura consistunt, Physicam fore sapientiam & primam scientiarum: Tua in septimā assertionem crimina nunc expendamus. negas idē esse Tractare ens, quatenus ens, & tractare prima attributa substantiæ illius quæ materia & forma consistere dicitur. ratio tua hæc est Vnum, multa, actus, potentia, & reliqua attributa ab Aristotele enumerata, quamquam etiam in naturalibus substantijs reperiantur, quædam & alia in diuinis; non sunt tamen illarum ita proprie, ut omnibus entibus & enti simpliciter non communificentur; & qui hoc commune ens, & communes hæc entis passiones considerat, Philosophus nominatur. Hoc tibi probandum fuerat Patrii commune aliquod ens extare super illud, quod naturale est; rationesque illæ tibi erāt diluendæ, quibus ostendimus neque sinonimos, neque analogice ens ullum posse reperiri Deo, & rebus alijs commune; sed tu cum ens hoc commune comminisceris, nō meministi te mihi primam & secundam assertionem concessisse; quia memoria es uel fragili, uel nulla; neque animaduertisti te tecum ipso magis pugnare, quàm pugnet cum ruta brassica; negamus ergo tibi attributa illa alijs rebus præter naturales conuenire, nisi fortasse metaphorice, & per externam translationem; tu quomodo probabis? etiam in hoc cōtra Aristotelem, & Platonem tuum stare audebis? aut si illos a sensu tuo stare iudicabas, cur loca à me ex Aristotele & Platone adducta nō enucleare? tu bellus homo me sine ratione, & sine autoritate, confundere om-

I nia

Exercitationum

nia dicis, cum nihil nisi multis argumentis, & multis authoritatibus probatum scripserim: tu contra sine ratione, sine authoritatibus omnia? vter nostrum turbulentior est, & furiosior: tu qui in Metaphysicis libris chimeras, harpyias, lernæ belluas, & centum geminos Briareos quæris; an ego, qui de re una, & eadem ijs libris disputari sentio optima methodo, & ordine? Mihi etiam sine ratione fuisset credendum, qui nihil dixerim, aut dicere professus fuerim à veterum traditione, & dogmate dissentiens; tibi uerò quis credat, sine argumentis, & sine authoritatibus præsertim, illud, quod manifestum est receptæ apud omnes opinioni palam aduersari? quis enim te excepto Metaphysicos libros ad facultates diuersas retulit? putarint aliqui inordinatos, & tãquam scopas dissolutos, illos esse; triformes certe, hoc est Logicos, Philosophicos, & Theologicos, nemo nisi tu credidit; ac solus tu scientiarum omnium, ac bonarum literarum natrix, & uiolator, casu eos, & te mere in unum corpus coaluisse existimauit.

Exercitatio

VI.

PHYSIKA genera, & Physicas species à materia non separari, sicut per octauam assertionem statuebatur hûc in modum Patrius ostendit; Genera & species cathegoriæ substantiæ, aut sunt vniuersalia post multa, aut vniuersalia in multis; illa sunt posteriora omnibus accidentibus, & non in natura sunt; sed cõstant in humana mente; hæc aut materialia sunt, quia ubi multitudo, ibi et materia ex Arist. doctrina: nõ ergo secũdæ substantiæ Physicæ sunt à materia separabiles, nõ ite materia à materia; neq; forma à materia, à qua pronasci, & cui se per iuncta est; neq; cõpositũ ex materia separari põt; ex qua, ut ex parte cõstat; nullo ergo modo substantiæ Physicæ sunt separabiles à materia. Hæc tu Patri; nris in contrariam sententiam argumentis ne tactis quidem; nedum plenè, & perfectè sicut oportebat dissolutis: ad primũ argumẽtũ: Vniuersalia sunt in multis, nõ ob essentialẽ necessitatẽ ab ipsis natã, sed ob necessitatẽ eam; quæ à multitudine oritur indiuiduorum; spectant enim vniuersalia ad essentialẽ illorum, quæ particulatim sumuntur; non tamen è conuerso. ob id genera, & species diuulsam omnino essentialẽ habet à multis, in quibus est; & à materia quæ multitudinis causa existit; quod vt apertius intelligatur; rem totam explicabo pluribus: perfectè similia sunt, quæ in aliquo conueniunt, in quo differentiam, & dissimilitudinem nullam habent, nisi per res illi externas, in quo conueniunt; secus penitus quàm in Analogicis; nam a'bedini verbi gratia accidit, vt circumsepta sit niuis vel eboris qualitibus, vtq; sit in illa, vel in hoc tamquam in subiecto; naturæ item humanæ tametsi internè conuenit (quippe ne otiose degat,) vt non sit nisi in humanis indiuiduis, in quibus illa concurrunt omnia per materiæ potentiã, quæ ad humanas actiones ob fragilitatem necessaria sunt; eidem tamen aduentitium est, vt ad hunc, vel ad illum hominem particularem cõtracta sit: id commune, quod perfectè similitudinis causa existit; quando est de illius essentiali, in quo ipsum inuenitur; vt ea dicantur eadem causa est. dicimus

mus

mus etenim in Platonem, & Socratem eiusdem fuisse naturæ, non quod re vera in re prorsus eadem conuenerint; sed quod similes fuerint perfecta, & non Analogica similitudine in eo, quod vtriusque essentiam constituebat; Hinc patet, cur ex ijs, quæ perfectam inter se similitudinem gerunt, possit animus haurire vnam rationem, quæ vtriusque naturam ex æquo referat; quod scilicet animus valeat illa separare, quæ essentialem inter se coniunctionem non habet; unde fit, vt similitudinis ratio ex ijs per abstractionem abiuncta, quæ res illas faciunt dissimiles, vnica, simplex, & eadem in multis videatur: re ueraque rationes illæ similitudinis si possent sine ope externorum accidentium consistentes functionibus edendis se exercere in unam illico, & eandem naturam coirent: vt natura humana nisi in agendo haberet opus humanorum indiuiduorum proprietatibus vna esset, & minime multiplex; nullum igitur vniuersale est in multis nisi per similitudinem identitatis; cuncta item vniuersalia, circa quæ scientiæ versantur, & sunt in multis, atque etiam post multa; quod tu ignorabas; haud verò sequitur; sunt post accidentia, & post materiam; considerari ergo separatim ab accidentibus, & materia nequeunt; alioqui nulla vniuersalia à rebus singulis separarentur vnquam; quomodo autem id, quod est per se vnum per externam materiam commisionem multiplex fiat, non erit difficile animo cogitare; si considerauerimus omni actui post Deum opt. Maximum potentiam admixtam esse; atque omnem naturam (diuina excepta) esse per se actu unam; multiplicem verò potentia: quæ potentia quando actu latior est, ab agente adiuta; accidentiumque & præuarum dispositionum ope subleuata, transit ipsa in nouum actum à primo distinctum; sed de his fufius alio loco. ad secundum argumentum; falsum est formam, & compositum secundum essentiam à materia non posse separari. Egregium præterea argumentatorem se Patritius prodit; cum ita inficiatur ens cum naturali substantia secundum Aristotelem conuerti. Nullas Aristoteles alias naturales substantias nouit quam tres materiam, formam, & ex his compositum; non ergo ens cum naturali substantia conuertitur, & reciprocatur. Euge euge Logico-tate.

Exercitatio VII.

DISERTIS verbis scripseram in nona assertione substantias naturales, quæ genera sunt, & species æternas esse, ab ortuque & interitu alienas; tu tamen, vt numquam non calumnieris, negas me expressisse de quibus substantijs in nona assertione loquerer, de primis ne an de secundis; quo tu referri putas philosophæ plusquam eximie orationem illam meam? Quis autem neget secundas substantias Physicas, hoc est genera, & species, scientia contineri posse? quod scripsisti Secundas substantias naturales non simpliciter æternas esse; Insignis & vere Patritiana temeritas fuit, cum ab Aristotele absolute fuerit pronúciatum in cap. 3. 6. nichomachion, Scibilia omnia necessario esse, & quæ necessario sunt, absolute omnia æterna esse, generationique &

I 2 corru-

Exercitationum

corruptioni minime subiacere. Sed coerceo me; plus enim Aristotele tu
 „ sapiis: illud tamen falsissime à te scriptum fuit Genera Physica & species per
 „ partes gigni, & interire, quia indiuidua, in quibus illa sunt, gignantur, &
 „ intereant. Non enim vniuersalia includunt particularia actu, sed solum
 „ potestate, vt Logici omnes norunt; non ergo indiuidua partes sunt actu ge-
 „ nerum, & specierum, sed potestate: quod verò modo hoc est, neque oritur,
 „ neque interit vnquam; nam quid perdi, aut acquiri de eo per mutationem
 „ potest, quod omni actu caret? quod sine argumentis mihi obijcis nonam
 „ assertionem tertie contrariam esse; eadem à me negatur facilitate, qua abs-
 „ te arrogantia dicitur; non enim tanti apud me es, neque apud alios, vt tibi
 „ tamquam alteri Pythagore cuncta etiam sine ratione credi debeant; contra-
 „ decimam, vndecimam, & tertiam & decimam assertiones, quia tu nihil ex-
 „ cogitare ualuisti ob ingenij stupiditatem; (malam enim mentem, & infen-
 „ sissimum veritati animum dubio procul est non defuisse) ad quartam & de-
 „ cime assertionis examen descendemus;

Exercitatio

VIII.



QVARTA & decima assertio erat Metaphysicis libris in id
 „ cum primis Aristotelem respexisse, vt ijs proprio sensu ex-
 „ positis, quæ ad Physicorum intelligentiam requirebantur;
 „ vt docte quis, sapienterq; naturæ cognitionem possideret;
 „ Platonis, & Pythagoræ opinionem expugnaret, qui postre-
 „ mam, & absolutam rerum Physicarum notitiam postulan-
 „ tes vel in idearum ambages, vel in numerorum inuolucra deducebant; in
 „ qua tu scribis multa esse absurda; Primum quòd non videatur ex tot asser-
 „ tionibus deducta esse. At id Patriti necessarium non fuit; & si fuit; cur id
 „ non ante demonstrare, quàm arroganter pronunciares ex præmissis illam
 „ deductam non esse? neque hoc ipsum tamen probas; stulte igitur, impro-
 „ uide, & impudenter contra assertiones meas pugnam suscepisti. Subnectis
 „ Nec dubitationes, quas à principio afferebamus dilluuntur; Istius ego sen-
 „ sum orationis non, ita me dii deaq; ament, intelligo Patriti, quam tibi vel
 „ ebrio, vel somnianti puto excidisse. Subdis. Neq; clara sunt, quæ de nu-
 „ meris dicuntur, quia omnes Pythagoreorum libri, quibus hæc res claresce-
 „ re poterat, perierunt; relationi autem Aristotelis hac in re non esse standū,
 „ tertio tomo satis, superq; ostendimus. Probas tu quidem in lib. 3. tertij to-
 „ mi tuarum discussionum pleraque Pythagoricos de numeris Symbolice, &
 „ Hieroglyphice intellexisse; quod nec Aristotelis ipse est inficiatus, vt mani-
 „ festum est ex cap. 5. primi libri Metaphysicorum; at illos non putasse rerum
 „ omnium principia numeros esse, nullis argumentis probas nisi Magni Sy-
 „ riani de hac re testimonio, & tua ipsius opinione; sic enim scribis pag. 309.
 „ Illud verò minime verum esse existimo, quod Ar. asserit allato iam loco [nu-
 „ merorum Pythagorici principia entium principia esse omnium existima-
 „ runt].

run] & iterum [numerorum elementa entium, elementa omnium esse putarunt] At cur ita existimes, nullū argumentum, nullam auctoritatem reddis, Syrianumq; es imitatus; qui & ipse hac solum defensione Pythagoricos tuetur. Quod falsum sit Pythagoreorum quemquam figuras, & magnitudines Mathematicas in sensibilibus potuisse; Cum tamen auctorem nobilem, ex quo id hauserit, nullum citet: eò verò estis etiam impudētiores, quòd cum Aristoteli aperte refragemini de Pythagoreorum dogmatibus commemoranti; assignare non valeatis quos speciatim Pythagoreos Aristoteles reprehenderit; quasi plus vobis diuinantibus sit adhibendum fidei; quam diuino, & in veterum lectione exercitatissimo Aristoteli; adeò in vos homunciones temeritas, & arrogantia inuasit. De ideis nihil tu in praesentia, quomodo falsa scripserim, aut qua ratione mecum ipse in illarum disputatione non constem; expectabimus igitur, quid tu ridiculus mus sis aliquādo pariturus; quando vt ipse scribis, veritus nunc es, ne parergon maius ergo euaderet; cur tamen mentiri non es veritus nunc? scribis etenim meam me de ideis sententiam ex Aristotele comprobauisse; at cur ex Platone, conticuisse?

Exercitatio IX.



ASSERTIONIBVS meis infirmiter, & inualide satis impugnatis; pergit Patritius propriam nequitiam, & inscitiam prodere; scribit enim nō sequi ex illis assertionibus, tametsi ueras esse concedatur subiectum librorum Metaphysicorum idem esse, quod Metaphysicorum subiectum. Imò sequitur: nam si Deus uniuoce, nec Analogice cum rebus naturalibus communicat; non possunt vtraque sub unā facultatem, hoc est sub communem de ente scientiam cadere; cum ergo ijs libris certum sit de ente tractationem, esse institutam ceteris omnibus de alijs rebus facultatibus tamquam architectatricem inseruientem; oportet illud rerum naturalium proprium esse; quæ cum rebus alijs sinonimam, & analogicam communionem habent, non Dei, qui procul est ab omni cum ijs communione; ostensum etiam per septimam assertionem ex uerbis Aristotelis perspicue fuit, ens in Metaphysicis primo & per se substantiam significare non omnem, sed naturalem: Assertiones reliquæ non ideo adductæ, & expositæ, ut sententiam nostram maxime confirmarent; sed ut ex illis potius responsiones peterentur ad omnia Aristotelis loca declaranda, perfecteque explicanda; ex quibus contrarium primo aspectu deduci uideretur; sic enim in initio receperam; per eas assertiones, totam consequentē disputationem uelut firmiorem, ac stabiliorem effectam iri.

Exercitatio

Exercitationum

Exercitatio X.

VIDEAMVS modo, quàm belle tu Aristotelis perpetuus & capitalis hostis, Aristotelis loca explanes, in quibus mea de Metaphysicorum instituto sententia non obscure innuitur. 2. cap. primi libri de causa, & initio Philosophandi haberi orationem scribis, non autem de Metaphysica: At falleris; ita Aristoteles, Quòd hæc scientia non factiua sit, sed speculatiua ex primis Philosophantibus patet: Oportet ergo primos illos, qui Philosophati fuerunt res Metaphysicas tractasse; secus unum assumitur in cōclusionē, & alterum in probatione; quod uitium in argumentando maximum est. 3. capite eiusdem libri ob id scribi putas de causis disputationem Physice habitam in Metaphysicis repeti, ut nimirum aut alia causa inueniatur, aut magis credatur ijs, quæ de causis in Physicis dicta fuerant. at quid ego amplius uolui Patri? nō enim alia causa inuēta ab Aristotele est ab agente, à forma, à materia, à fine, de quibus in Physicis orationem habuerat; ob id igitur tractatio de causis repetita in Metaphysicis, ut magis credatur ijs, quæ exposita in Physicis fuerāt; Metaphysica ergo referuntur ad Physica; tu uerò non animaduertis præbarditate aliam causam hoc loco non secundum materiam accipi, pro ea, quæ supernaturalis est; sed secundum formam pro ea, quæ ab agente, à materia, à forma, & à fine diuersa sit. Quod ad loca attinet ex 2. Metaphysico petita, non ita illis usus sum, quasi non alia haberem; sed ut ostenderem ubique Aristotelem à me & ab opinione mea stare; necesseque propterea non habui demonstrare, librum eum ad Metaphysicum opus pertinere; cum quando etiam alio spectet, sicut uultis argumentis Iacobus Sadoletus Cardinalis, & Ioannes Franciscus Beatus non ita pridem ostenderunt: contra quos Franciscus Vimercatus abundè scripsit; nihil inde contra me incommodi sequatur. in textu tertio tertij libri declarando, immemorē te enunciationis illius demonstrauiſti maxime in scholis trita, adducere inconueniens, nō est soluere dubium; cum enim Aristoteles in eo scribat omnes actiones esse cū motu indeq; ego collegissem nō nisi de Physicis actionibus in Metaphysicis orationem suscipi; quòd Dei, & intelligentiarum actiones procul sint ab omni motu; tu ex ijsdem uerbis inferri etiam posse contēdis de humanis solum actionibus Aristotelem in Metaphysicis loqui, quia Praxeos uocabulo usus fuerit, quod non naturæ, sed hominis actionē significat; sic soles semper, pro Thesauris carbones exhibens studiososque misere deludens; at nego ego tibi praxeos uocem humanam tantum actionem significare; *πραξις* enim à *πραττειν*, quod interdum conficere & ad finem deducere significat; quemadmodum à *πραττειν* pro nihil perficere ponitur. hinc Polybius *πραξις* accipit pro efficax; & Plutarchus *πραξις* pro efficaciter; & Philoni à *πραξις* idem est, quod inertia secundum Budei interpretationem; quæ significata, non in hominem modo, sed in rem etiā aliam

aliā quamcumque naturalem conuenire possunt: & *opā* ergo, hoc est actio, factionem omnem, hoc est operationem significare poterit. Ad textū 2. ex 4. libro non respondens nisi meam in illum expositionem negando; quam tamen probaueram in 7. assertionē: ibi enim claris ostensum argumentis ens Aristoteli non significare nisi illud, quod naturale est; hoc opinionis meae caput, hoc fundamentum, contra quod nullum tu lapidem mouisti, cum tamen sententiā meā immanem euerforem te ubiq; iactites. cum ergo scripseris Non omnes enti ab Aristotele assignatas proprietates in entia naturalia quadrare; illā quē essent, indicare non ualueris; quā tamen res bono logico de necessitate erat faciunda; & cum iterum subtexueris Non illas quā quadrant, primò & per se quadrare, sed per ens communissimū. non consideraueris ens huiusmodi nullum & nusquam esse; etenim si esset, vel synonymum, vel analogum esset; quorum tu neutrum admittis. corruunt ergo uniuersae illę tuę responsiones Eatenus in Metaphysicis agi de naturalib. rebus, quatenus sunt partes quādā entis uniuersi, quod soleat is, qui de genere tractat, species etiam comprehendere: Alias auctoritates non alio modo declaras, quā vel in Metaphysicorum cōfusionem refugiendo, vel in chimeram illam tuam, qua ijs libris de tribus genere diuersis facultatibus de ente, de Logica, de Deo orationem institutam esse somnias; de qua re mox; præclara interim coronide Apologiam tuam claudis arrogantia videlicet, insciētiā, & temeritatis plena, diuino præceptore calumniando; quem à te spurcissimo homine nefas est nominari; uerba tua de illo hæc sunt. De Deo & de intelligentijs disputatio erat primus Metaphysicorum librorum scopus, & res à principio proposita ad inquirendum; quamuis confuse, & perplexe, & uarijs ambagibus eam fuerit profecutus.

Exercitatio XI.




IRVM Patriti numquam potuisse te intelligere opinionem illam tuam de tribus Metaphysicorum subiectis à me fuisse refutatam; efficiam igitur nunc, ut intelligas; sunt Metaphysici libri ordinatissimi, ut ostensum est in calce prioris operis; sunt item bene, integre, & Aristoteleo more iuncti, ut demonstratū fuit in eiusdem operis initio; ad idem ergo subiectum genus pertinent, non ad tria: ostensum præterea fuerat nullum commune ens in Aristotelis doctrina extare supra res, & substantias naturales; de Deo item priuatā scientiam non posse confici; an non igitur ex his consequbatur stultam, ineptā, & sine ulla ratione opinionem tuam esse? Sed hic mos tuus est; nihil credere, nisi quod egressibus oratorijs sapius, ac sepius inculcatum fuerit, quia longissimā, & plus quā asinā tibi sunt auriculæ; subit nunc cogitatio inigne peccatum tuum manifestare; scribis enim de Deo, & de ente tractare ex professo, non ad eundem artificem, sed hoc ad Philosophum, illud ad Theologum spectare. Es ergo arrogantissimus, & impudentissimus, placet


ne


Exercitationum

ne epicheremma? obscurius est; facilius dicam; receptum in scholis dogma est à Diuo Thoma profectum scientiarum subiecta distingui non quatenus res sunt, sed quatenus scibilia sunt: scibilium autem differentiam sumi penes varium cōsiderandi modum, non penes rerum genera, illum esse triplicem; quia res considerentur uel re, & ratione in materia, uel re solum, & non ratione, uel neque re, neque ratione: Deum, & ens commune ad eandem scientiam spectare; quia utraq; re & ratione cum sint abiuncta à materia, conueniant in modo considerandi. Hæc igitur ex studioforum animis reuellenda ante fuerant bonis argumentis, & bonis autoritatibus, quàm dogma tuum arroganter pronunciares, Ens & Deum ad diuersas facultates pertinere: Nihil enim licet nobis Peripateticis sine ratione credere; & procul à nobis absunt Diotimæ, & Fatidicæ illę uestre: Satisque tecum sit mihi temporis expensum modo.

F I N I S.







005643632
005643633

